

М.-Р. РАСУЛОВ

Чанкур

ПОВЕСТЬ
ВА
ХАБУРТИ

МАХАЧКАЛА 1962

М.Т. Расулов

ЧАНКУР



Дагестанское книжное издательство
Махачкала 1962

ЧАНКУР

(ПОВЕСТЬ)

Цаибил бутла

СЕ БИРУСИ?

Назикси чархла, дултунти дяхла веги Чанкур бажардичевси урши виалра, бахъалтигъунти учительтани ил къакси ва азгъинси учениклизи халирусири. Даим сунези тикрардирути илдала цадехи гъайли сай бажардихейруси урши виъниличи Чанкурра валли баришкаяхъублири. Илала «къакдешла» сабаб биалли ишгъуна сабри.

Учительли дарс бурухели, ил — пикрумазив гъалмагъ дурхначил шила къакъурбикад яра, члакала дуклумачи айили, дубуртала чевкад урцули вири.

Хаслира дахъал пикруми даши Чанкурлис арифметикала (сунес хейгуси предметла) дарсличир.

Гъачам илдигъунти пикрумазив гъалмагъуначил жалликуси илини, сунесра хабарагарли, ахъли сегъунасабрил цахси гъай буриб. Дурхни дукарбяхлиб. Чанкурла дяхи урезила цали адалкун.

Чанкурли ил гъай сунес вайбаркълис бурибси сай или гъанбикили, учитель Хяжи иличи гымуклиб. Чанкур дарсличивад дураиб. Илкъяйда бири, Чанкур дарсличив къайгъагариубхели. Амма сай дарсличи ахил лехлехъалри, учительли гъачам бурибси хабар илини чебетаахъили тикрарбири. Ил секлайчи жагъил учительница Раисат жявли шакрикиб: ахил учлес сунела лерилра имканти лерли диъниличила Чанкурличил чуйна-сабрил ихтилатбариб, ил ляввариб. Амма Чанкурли учительницала гъай пикрилизи кахлесиб. Беритала



кумекличил иличи асарбарес багъандан, Раисатли Чанкурла неш Аллишличил ихтилатбариб. Аллишли бу-
риб:

— Юх, Раисат, Чанкур илкъяйда къайгъиагарси яра азгъинси урши ахIен. ХIунира чейуливан, ил назикли сай. ЗагIипикесгу или урухIули, нуни ил хъулив ца-кIел сагIятличив имцIякъ учIахъули ахIенра.

Ил гъаман вайтIа укули сай. Жъвли вачаирхули сай. Аллагъакабгу набчи, къяна бурули риасли, — иб Аллишли, михъирличи някъ гъяжбирули, — ил 12 дус виубли хъалли, азбарлабад хъули урцулла къяли хахъибси ахIен, гушарибси ахIен, вярIяхъибси ахIен, амма илала дяхIла духъутIа ранг дарсдиахъес рирули ахIенра. Агъ, рузи, балули ахIенра, се рикIусирал хIези. Дила урши загIипли сай, амма нуни илис сегъуналра дарман баргес рирули ахIенра.

Чанкур вайтIа учIнила сабаб Раисатлис гIячихъ-биуб, ил паргъатагарриуб, ва Аллишлизи хъарбаиб:

— Тухтуртани Чанкурла се изала кабилзахъули?

— Илдани се балуси? Ишала селра изуси агара, бикIар — иб Аллишли, тухтуртачила гъай къантIкадарес дигули.

— ГIур селра хIебурибу? — сунезибад Аллишли се-сабил дигIянабирули риъниличи шакрикиб Раисат.

— ГIур се буруси?

— Сен урши вайтIа укусил, сен назиксил, се баралли, ил ахIулхъанал...

— Иличила хъархIебаира, — Аллиш разиагарли гIеларяхI шуррухъун. Амма ил къунбани ругъулри. Илгъуна суал сунени цалра тухтурлизи хIебедили калунси ахIенри, ва лебтанилра сунес цагъуна жаваб лугусири. Амма Аллишлис ил жавабличила чизилра багъахъес дигули ахIенри.

— Сен хъархIебаири, гъатIи? — Раисатли сагадан суал бедибхIели, Аллишли хIела се къуллукъа или жаваб чарбатес къасбарибгу, илала уркIигъаргси ихтилатла асарлиуб буриб:

— ХъархIебааслира, илдани се бурул балухIели...

— Се буру? — пишрахъиб Раисат.

— Уршилизи — гимнастика бикIару, се бикIару? — дирахъес, спорт дигахъес, някъла хIянчи бирахъес агIнибиркур, иру, — сунела дигIянадеш лебтасалра ашкарбиубли, сари цIахриубсин Аллиш хIунтIен-цIуб-

риуб. Тухтуртани сунес бедибси баягъи ил жаваб биъни гІячихълири.

— Ил бархъси ахІену, гъатІи? — сунес бурес дигу-
силичила Аллиш сари гъалар гъайрухъниличи Раисат
разириуб.

— ВахІ! ХІура или рикІулрив? ХункІцад агарси урши
хІянчили вирахъес? Юх! Ил наб анцІукъи ахІен. Балул-
рив хІуни, виштІали левай урши хІянчили виралли, ила-
ла чІумахІедиубти лига-къякъялис вайтІа бирни, ил
жявли майализи виркни, майализи викалли, — виргІни,
вяргІялли, — загІипиркни? — Аллишла тІама челис-че
ахъбикІулри. — Ца сай дила урши левси, амма верхІел
лебли биалра, виштІахІейчивадал цалра узхІевзахъа-
си, — илини анкъила къаркъализи хункІ бяхъиб.

ГъайрикІухІели, илини някъби паргъатли датес хІе-
рири: гІядатла ихтилатбирохІели, яргаличил кІелра
някъ багълали гъакІидикІахъи, сунечи адам вирхаахъес
дигухІели, михъирличи ца някъ гъяжбири, парсряхъиб-
хІели, чина-биалра хункІ бирхъи.

Адамлис бузери чараагарли хІяжатси биъниличила
Раисат гъайрухъунхІели, Аллишли иб: «ХІу нешла ка-
нилар лерай, дила рурси, нуни иличила багъурси саби.
Урши наб дигуси къяйда вяркъес ихтияр набзиб саби».

Жалризурси Аллишлизи буреси хІебалули, Раисат
уркІкарухъун. Илис дебали децІагиб, сари риштІаси
рурсилизи халрарили, «дила рурси» или, Аллиш сунечи
дугъаризни. Раисатла хІял имтихІяйчиб кІила къимат
касибси рурсилагъуна сабри.

Ил хъярхъли Аллишхъайчирад дурарухъун.

Хъулив чилра хІергили, сари цунрухъниличи Раисат
разириуб. Амма столличиб ахтардихІедарибти тетраду-
нала бекІа чебаили, ил рамкъур: илди жагІяйс ахтарди-
дарес агІнитири, сунес биалли гъанна селра барес дигу-
ли ахІенри. Илала уркІи къакъабакІилри, пикруми дар-
хилри.

«ГъархІебизур! Илцадра ну сунечи хІерси бегІла
гъалабси ихтилат гъархІебизур. ГІур сен-сен гъайри-
кІусира ну Аллишлизи? Итис сегъунтилла гъай аргъес
дигули ахІен. Амма себиубли хъалли, Чанкур илкъяйда
ватес асухІебарар. Се бируси? — Раисатлис сунени гъа-
лабван таманбарибси институт гъанбикиб. — Ге, нуни
илотличноли таманбара. Илар ручІухІели, жуз гъарг-
барили, яра преподавательлизи хъарбаили, сегъуна-

дигара суайс чебетаахъибси жаваб бургаси. Сен итхІе-ли гъачамалра ишбархІигъуна (учительличи дурхІяла неш лехІхІейхъалли, се барес агІниси ибси) суал ахІе-кІубсири? — или сунени институтлизиб сегъуна-сабрил халаси хатІа барибсин разиагарли ил кІентІиличи къацІ-рикун. — Амма бирару, гъатІи, илгъуна гъарил суайс жузлизиб хІядурси жаваб биэс? ХІебирар. Ил гІямру-ли гъала тІашбатурси масъала саби. ГІе, гІямрули... Амма се бируси ил арзес багъандан? Се бируси? Бузе-рила къадри хІебалуті Чанкурра илала нешрацун ахІен. ЖагІял лебилра ученикуначил бузериличила ихтилат-бирис: бахъал биубхІели, цали хІергъалли, итилли ир-гъу, илнин биалли хІергъибсизира иргъахъу».

АДАМ ВА МАЙМУН

— Неш, хІела халадудеш маймун сайрив? — иб школализивад чарухъунси Чанкурли, пишяхъили неш-личи хІерикІули.

— Я? Се ирив хІуни? — тамашариуб Аллиш.

— ХІела халадудеш маймун сайрив? — гъатІира саркъахъили суал тикрарбариб Чанкурли.

— ХІу къагълирив? Абдалиублирив?! — гъимрукІи-ли вьавъиб нешли. Чанкурли буриб:

— Даршани-азирти дусми гъалав, рикІи учительни-ца, адам маймуннизивад ветаурси сай. ИтхІели ил, хІе-ра, ишкъяйда, авалра къяшличив вашули уили сай, — Чанкур хъуливад някъби-къяшмачив вашесвяхІиб. — ГІур, адам хІянчи бирес бурсиубхІели, илала гъалар-ти кІелра къяш някъби детаурли сари, — някъби ахъду-цили, Чанкур къяшмачи тІашизур.


— Астагъпируллагъ! Биур! Биур, мехІур! — Аллишли гІярчумагван някъ гъакІбариб, — се абдал учительница сари ил? Маймун бекІиличи чебикаб сунелану, маймун-низивад адам ветаэс вирхІерни чили хІебалав? ГІур набзи хІуни илдигъунти хабурти мадурид. Аргъирив? Я илдачи вирхмаруд! — нешли Чанкурлис тІул гъакІба-риб.

«ТУХТУРТАНИ КЪАДАГЪАБИРУЛИ САБИ»

Школала хъу шиличи бяхІчиси Бетукъажила бикІу-си дубурла мякълаб сабри. ХІябъибил дарс таманбиуб-ли эргъи, Раисатли сунела классла дурхІни картошка-ла сабухъ бучахъес баягъи ил хъучи киб. Илди хІябал кьукъяличи бутІиб. Гъарил кьукъялис бутІацугли хІян-чи чебаахъиб. Цаибил кьукъялизивси Къасумли Раисат-лизи буриб:

— Нушаб Чанкур хІяжатли ахІеп. Ил агарлира, нуша бажардидирехІе.

— Вари, Къасум, веГІла гьалмагъ илкъяйда мучлаа-гарируси хІебарар. Сен хІу или викІусири?



— СенахІенну, «тухтуртани наб узахъес къадагъаби-рули саби» или къунба угъули, илини хІянчи хІебиру. ХІера, ит чейулрив? — Къасум ца шайчивахІ ласяхъиб.

Марлира, Чанкур Бетукъажила дубурличив сайри. ХІера, ил къанцІа къачачи гъамиуб, къуйрукъ буцили, ил дуцІбариб. «Къачала къуйрукъ бурцан» или, дурхІ-ни дукарбахІиб. Илдаци бузахъес хъарбарили, Раисат Чанкурличи ратрихъиб.

— Чанкур, хІукІун духуси урши сайри, сен гьалма-гъуназивад декІариркулри? — Раисатли илала бекІличи малхІямли някъ кабихъиб.

— Тухтуртани наб узахъес къадагъабирули саби,— Чанкурли нешли сунези дурибти гъай тикрардариб.

— Мар саби, къиянси хІянчи барахъес къадагъаби-рули биэсра асубирар. Амма нушани бируси дебали гъамадси хІянчи саби: гьалмагъли картошка икъу, хІу-ни илди дурчид.

— Наб узахъес къадагъабирули саби, — хъутурдяхъиб Чанкурли.

— Лехлехъи, гъари, набчи, Чанкур...

— Тухтуртани къадагъабирули саби, — пикриагар-дешличил баягъи цадехІ гъай тикрардариб Чанкурли.

— Набчи лехлехъахъесра къадагъабирулив? — пишряхъиб Раисат.

ИлхІели лебилра дурхІна-ла пикри сунечи битІакІиб, чІакали жибхІя арбухібси гІяргІяван вјавчІяррикІули, бекІличибад хъуцІрумачи ка-бикибси цІуба кІанара муси-бад хъусбикІахъули, кІелра някъли гъакІрикІули, хъучи-рахІли ляркъуси хъунул адам-ли. Ил — Чанкурла неш сарри.

Чанкурхъалани школала картошка икъулри или, гъун-чив цугикибси унра уршили Аллишлизи бурили, шичи ар-

къуси Аллиш хъучи дуцІрухъунсири, бай гъунчир кІал-Іара бадирара дархъдатурли.

Гъимили руржуси ил Раисатличи къяркъли рехІри-зур, ва, някъ буцили, чанкур хъули арукиб.

«ГЪАЙ ГІЯЙИБ, ЧУЛЛАН ЧУГУР...»

Аллишли сунела урши Трисанчила шилизир хІерри-руси «бусурман тухтурличи» — ШайтІан-Хамисличи — аркис или пикрибарибхІейчирадал чумал баз ардякъири. Амма муруй иличила багъалли, сунечи вехІилзан или, ил гІела ритІикІулри. Ахирра-ахир, даг школала хъучиб бетаурси анцІбукъла эргъи, илини сунела пикри бетер-хахъес къасбариб.

«СецадхІи ну гъачамхІели тухтуртачил, гъачамхІели учительтачил жалтариркъусира? ХІябилра рамсурли лерра къалли! Се бируси? Белики, ШайтІан-Хамислира Чанкурлис бузери маслигІятбарес? Юх, хІебиру. На-гагъладан баралли? Се-дигара биаб — гъар се-секІал тјап итини бурибси къяйда бирис», — пикририкІулри Аллиш.

Уркарахъирси сунела рузичи шадир аркъулра или, мурул виргІяиргили, алхІят бархІи Аллиш Чанкурличил хъулирад дурурухъун.

Гъунчир ШайтІан-Хамисла «караматдешличила» ихтилатрикІуси нешлис ургавхъи, Чанкурли буриб:

— Неш, гъалабван нуни баягъи ил ШайтІан-Хамисличила «Ленинна гъуни» газетализиб хабар белчІунра.

— Се хабар сабри ил? — иб нешли, амма кІинайс, газетализир ШайтІан-Хамис гапхІерирниличи шакрикили, ил рамкъур. Чанкурли гъай даимдариб:

— СирхІян Айдула эмхІе загІипбикили буилри. Илис дармандарахъес или, Айду халаси савгъатличил ШайтІан-Хамисличи вакІили сай. ШайтІан-Хамисли бурили сари: «ХІела эмхІе жиндла изайзиб саби. Иличи шайтІай къяш чецІили саби. Нуни шайтІайчил ихтилатбарра. ХІу къакъамайкІуд: чарнайчи эмхІе арабиубли бургид».

Разииубси Айду, гурдали майдунтиван, гІелар далтули шими, хъули чарухъи сай. ХІерикІалли, бебкІибси эмхІе, къуйрукъ буцили, сунела хъунуй азбарлабад дурабуршули, — тяп илкъяйда, валлагъ, илкъяйда белкІири газетлизи, — Чанкурли гІякГІякбяхъиб.

Нешли Чанкур маймаварес къасбарибгу, ил баралли, урши жалирхъниличи шакрикили, паргъатли буриб:

— Вирхмаруд, дила Чанкур. Илди хІугъунти биргІябиргес делкІунти къянала хабурти сари. ШайтІан-Хамисли бурибси секІал гъархІебизурли калунси ахІен.

Рахли, ШайтІан-Хамис сегъуна сарил чераз, ил се адам сарил рагъес, Чанкурла иштяхІдухъун. Илини нешлизи хъарбаиб:

— Неш, сен илис ШайтІан-Хамис бикІуси?

Нешли, Чанкурла суал хІергъибсин, буриб:

— Гъеллелей! ХІерагу, сецад цІакъли берхъибси хивла галга сабил!

— Ил шайтІай раркъибсив? — Чанкурли, нешличи лехІхІехъили, сунела гъай даимдариб.

— ГІе, дила урши, Трисанчир хивла ва цархІилти цІедешла дахъал галгуби дашути сари, — тІама ахъбариб нешли...

— Илала къуйрукъ тебсив? — сунела суалтас жаваб чарбатайчи сабурагариуб Чанкур.

Нешли гъай масхараличи духес къасбариб:

— ХІи-хІя-хІяй! Галгала кѡуѣрукъ бирару? ГІяжа-ибси урши хІейадли!..

Чанкурлис нешла гѡай децІагиб, ва ил гѡимукІиб.

— ХІу набчир дукаркІулри, неш. Галгала кѡуѣрукъ хІебирни нуни-декІар хІебалулрав!

— ГІур чила викІуда?

— Чила викІиша — ШайтІан-Хамисла! — вѡвѡиб Чанкурли.

— ХІед хІяжатагарт хІевгѡули, лехІкахѡадри, ахІ-сири, абдал-тІакѡа.

— Гѡар се-секІайчила нуни дудешлизи бурис, — вар-сѡхѡиб Чанкур, илди дугѡбани нешличи асарбирни ба-лули.

Марлира, Чанкурли дудеш гѡанушибхІели, Аллиш урухриуб ва лѡврухѡун. КІелра саби хѡулибад дура-булхѡухІели, сай ШайтІан-Хамисличи укниличила дудешлизи селра хІебурахѡес тиладибарили, нешли Чанкурлис чугур асес чесибсири. ЧІянкІли чугур асѡхѡес багѡандан сайри Чанкур нешличил варх ШайтІан-Хамисличи вакІес кѡабуликибсира.

ШайтІан-Хамис черѡс гѡалакикІуси ил, Трисанчила шилизи ухІнавхѡунхІели, цІябси дярхѡлизи ацІибсин, селигІивадрил урухиуб. Хапли илис ШайтІан-Хамис гІеркѡаси кѡуѣрукѡла регІ, журугти цІудара дѡхІла регІ, халати хІулбала регІ кахси адам сари или гѡан-бикиб.

ШайтІан-Хамисла хѡа ганзиличивад айцІухІели, ила-ла кѡяшми руржесдииб, вебшес биалри или, гѡанбикиб. Амма вебшес имкан аги: неш сунес гІеларад рашулри.

Хѡяшкаибси урцулгѡуна дѡхІла регІ, пишбѡхѡибси мухІлилабад шутрала хІеркІ бухѡунси рухѡна чучил гѡѡйрухѡунхІели, Чанкурлис ил нешла ахІял сари или гѡанбикиб. Ит сунес гѡанаурси ШайтІан-Хамис чинарад-риалра хапли дакІурулхѡан ибси урехиличил, Чанкур авалра шайчи хІерикІулри. Амма чилра вагѡархІевхѡун.

Нешли, ил рухѡнас савгѡат бедлугули, саби бакІнила мурадличила буриб. ШайтІан-Хамис ил рухѡна риѡни, Чанкурлис гІѡчихѡбиуб. «ВахІ, иш хярку бушкайгІивад сайрив ну урухиубси?!» — ШайтІан-Хамисличи дугѡаил-зули, ил сунела сай дукарахІиб.

ШайтІан-Хамисли Чанкурла жиндла изала биѡнили-чила ва ил бузерилизивад мѡхІамварес агІнили биѡ-ниличила, Аллишлизи буриб. Чанкурлис кІа бариб.

«Тяп Айдула эмхІесгъунти сари набра ишини дурути», — Чанкур уркІи-уркІилав ШайтІан-Хамисличи дукарахІиб, амма сунела илгъуна пикриличила нешлизи я ШайтІан-Хамислизи хІебагъахъур.

Гъунчиб цугбикибси машиналичи абиили, Чанкурра нешра ил бархІил хъули чарбухъун.

Эргъила бархІи, савли, Чанкурла михъирличиб кІа чебаили, дудеш, Алихан, тамашаиуб. Илини столличибад лухІцІи касиб ва кІа кьицІбариб. Иличи шакикибси Чанкур, усусила гІердарили, юргъайу дигІянакиб.

Алихай кІа гъаргбариб: илизир цудара къаламла чумал далкІа къел ахІи, селра аги. ГъимукІибси Алихай гІелахъулирад Аллиш жирариб, кІа бутІнадбирули, иличи ве хІизур. Аллиш рисирииб, ва даг Чанкурличил сари ШайтІан-Хамисличи рукъниличила буриб.

Сунела дардлизивси Чанкурли неш-дудешла къалмакъарла тІамала бикъули ахІенри, ил пикриикІулри: «Исув наб нешли чугур? Сен хІейсу-си? Нуни кІун дудешлизи селра хІебурира. Амма сепайда, гъар се-секІал сари-сарил пучкадиуб. Неш рачарархили сари. Дудеш гъимукІили сай...»

Ил бархІи савли Чанкурли бегІгъалаб далай цалабяхъиб:



Гъай гІяйиб, чуллан чугур,
Нешли исусиригу,
Сепайда, асес лебай,
Дудешли бячунри хІу...

ЦИАКЪ

Маццабех дубурличиб дирихъла кІана дакІубиалли, Кубачила шиличи дирихъ чехІебихъес гІямал агараили, бурули бирар. Ил ца шайчибад бархъсира саби: хІятта даим илкъяйда бирули хІебиалра, дирихълис ил ши ди-

гахъу, ва сабира имѣаливан ил дубурличибад башули бирар.

Хѣра, бархѣхълис дирихъла чалмали дубура алав-бурцули саби, кѣнайс, камси замана дикибхѣли, ил таманни кѣпбирули саби. Амъурси зак гъагултани би-ѣиб, бамкъур. Чедиб кѣйбахѣбси чѣака дирихъмазиб кѣунбаѣиб. Тяп ил аргъличи мешулири, эмхѣ хѣбарги-ли ургубализивад хъули чарухъни багъандан, дудешли маймайварибси Къасумла вахѣра.

Илкъяйда вачавархили гъимукѣбси адамла масхурта угъес, дукаркѣс, хѣятта гъайикѣсра балли сегъуналра иштахѣ хѣебирар. Ил чичиб-биалра сунела гъими ахъес гъалакли вирар. Эгер гъанна Къасумла гъалаб эмхѣ дакѣубухъалри, илини ил кабушесра асубири: илцадра дебали гъимукѣлри.

Сагали эмхѣегѣив умѣес дуравхъунси ил, «Къусси-мусси къусури, Къасум-масум-къурдусум» или, шила дублав гъунивайбси Чанкурла дугъбани сабурлизивад ухъахъун:

— Се пугъ-ала сари хѣела, я? — Къасум Чанкурличи чевхъун. Хапли чегибси хункѣли Чанкур муси герухъа-хъун.

Кѣелра саби цагъунти гѣямрула уршби биалра, Къасум Чанкурличив зантли ва аралли сайри: ил эмхѣечил дузани ваши, хъу газалабири, урцул кавди, сунела халал узизибад гѣибрат кайсули, дебали дугѣярти янила бурхѣназибра дяргѣибти шинни вайличи бикайчи чарх ици.

Илала ѣакъти някъбазив Чанкур буррямлиув чѣалхъаван улкѣулри. Къасумли ил гъавѣргъили хѣяйна муси лайвакѣиб ва сунела гъуни даимбариб.

Чанкурли сунела гъалмагъ Къуссихъа Къасум ватѣни-ла сабаб ишгъуна сабри: даг Къасумли Чанкур Шайтѣан-Хамислици укъниличила гумайлаб дурхѣнази хабар бурибсири ва ил ѣахарибсири. Ишбархѣи школализив Чанкурли илизи гъайра балли ибси ахѣенри. Гъанна, Къасум вамкъурли чеибхѣели, сунела дугъбани иличи асарбирни балули, Чанкурли илис чеббиѣес къасбариб-гу, сепайда, гъархѣебизур.

Хѣили бясунси къянкъ умубирули, Чанкур айзур. Халкъла гъалав ил се биубли хъалли висивиибси ахѣенри: висули чеалли, халкъ сунес биснах бикѣесгу или, ил урухкѣусири. Илини алавчар хѣеръиб — чилра чехѣеили,

кІантІивакІиб: Къасумличи гъимили дицІибти хІулба-
зирад дуцІарти нургъби чахІдухъун, сунела гъунарагни
децІигули, ил къудкъули симкъикІесииб.

Ил дуги Чанкур, гъанкІ бемцІурли, вахъхІи усаэс
хІейуб: «Чинабад бакІибсив Къасумлизи илцада цІакъ?
Ну сен иши цІакъ агарсира? СецадхІи цархІилтас уди-
ркули кавлусира?

... Се-дигара бирис, амма Къасумгъунтас удиркули
хІевъус! ЦІакъси ветаэс багъандан, се барес агІнилил
учительницази хъарбиис. Илини, гъайгъай, набзи буру...»
— илдигъунти пикрумазивси Чанкур шаладикахъес
къалабаикІулри. Илис гъанбиркулри, учительницала
насихІят таманбарибхІели, сай дунъяличив веГІла
цІакъси ветарус или. Гъалакти пикрумазив илини Къа-
сум начиван ца някъли ветсатирхъяниуб. Юх, илхІели
Къасум сунечил жалтахІеркъур. Илди пикрумазир Чан-
курла хІулби хъа бахІличи чебахІкахъибси, чІянкІли
неш-дудешли бурни хІясибли, сунени валуси, халал
узила суратличи дархъдизур. Ил Гитлерла гъармукаба-
ни ВатІанна дергълизив кавшибсири. «Агъ, дила узи!—
или Чанкур ухъаличивад ахъиуб ва суратличи дугъай-
зур: — хъя бирулра, ну цІакъси ветаурхІели, гъала-гъала
хІед-къадин цІудара душмайс чеббицІес! Душман ибси
цалра мицІирли хІелтас!» — илдигъунти пикрумани
уркІи паргъатбиахъубси Чанкур вамсурси гъункъяван
усаун.

«СИХІРУЛА ДАРМАН»

Чанкурлис нешли кІа барахъниличила багъурхІели,
Раисат таманни рачарархІиб: «БегІтани Чанкурлис
бархъси бяркъ кІун чина бедеса, иличи ургІебли, ил
заяирахъули саби. Чи ветаэс вирара Чанкурлизивад,
эгер ил даим бегІтала илгъуна асарлиув кавлалли?
Дагъри камси, бажардихІейруси адам...

Юх, или биэс асухІебирар. Илизивад гъарли-марси,
ишхІелла пергер манзилличи лайикъси адам ветаахъес
агІнибиркур. Ил секІал нуни набчи чейсулра», — или
савли хъулир сунези сари гъайрикІуси Раисатла пик-
руми хапли гъаргдиубти унзала гъичІла тІамали къя-
баиб. Ил тамашариуб: «ВахІ, Чанкур саю? Марлира,
сайгу».

Чанкур гъузгъалдиниубсин, се-сабрил бурес дигусин
сайри. Раисатла лявти гъайли ва шалати дяхІли ил

разииахъуб, ватухъахъун. ИлхІели илис сунела учительница хабарлизир руруси Издагван жагаризур: илала диштІати цІуба дяхІ дахІимцІалаван дизур, бекІличибси духъутІа кІунтІрар косынка вавнала халаван бизур.

Чанкурли сай ца секІал хъарбаэс дигули вакІибси виъниличила Раисатлизи буриб.

— Дебали ахІси барилри, дила Чанкур, дебали ахІси, — Раисат иличи малхІямли хІерризур.

— Наб лебтачивра цІакъси ветаэс дигулра. Се барили, илгъуна ветаэс вируса?

— ХІерагу севан ахІси пикри сабил! ХІу духуси урши сайри, — иб Раисатли, иличил ихтилатбарес бегІлара ункъси манзил бакІили саби ибси пикриличил.

— ХІуни набзи къантІли бура: вирусу ну цІакъси ветаэс?

— Гъайгъай, вируд. ХІу лебтачивра цІакъси ветаэс вируд, чІянкІили...

— Се барасли? — сабурагариуб ил.

— ХІуни ишгъуна секІал пикрибара, Чанкур. Азгъинси, хІянчи хІебirusи адамличив авлахъличив яра станокличив узуси адам чуйналира-сера цІакъли виар...

ЦІакъси ветаэс багъандан, сегъуна-биалра хІянчи барни баибси саби ибси пикриличи Чанкур разиуб. Эгер сай уруз-хІяцІли хІейалри, илхІели Раисатличи хъябрусирки: хІера, сецад ахІси, гІякълучерси ва дахъал далуси сарил сунела учительница!

— Нуни се хІянчи бариша? Бура, бусагІят сегъуна-дигара хІянчи бирис.

— ХІу къалабамайкІуд, Чанкур. Ца яра кІел бархІицун хІянчи барили, адам цІакъси ветаруси ахІен.

— Иш ну ветарус. Наб ишбархІил цІакъси ветаэс дигулра, — тІама ахъбариб Чанкурли.

— Илгъуна ветаэс багъандан, гъар бархІи чумал сагІят урцул кавдес, хъу икъес, турникличи айцІес, къантІли буралли, сегъунабиалра хІянчи бирес, спортли виркъес агІнибиркур.

— Гъар бархІи чумал сагІят узеси́ла мерлав, ну ишбархІи бархІиахъайчи узус, дугелира узус...

— Илкъяйда чилра узес хІейрар, Чанкур.

— Ну вирус! Иш ну вирус!

Сунечил жалряхъибси Раисатличи илала гъимиду-хъун: «Сен дуги-хІери узес хІейруси? Юх, хІуни селра

балули ахІенри, Раисат!» — ибси пикриличил илини сунела учительница уркІиличир ратІун. Илала диштІати цІуба дахІ Чанкурлис цІахдизур, бекІличибад хъябличи кабикибси баягъи ит косынка духъутІа кІунтІрар чІи-чІалаван бизур. Унза хямкдарили, ил дуравхъун.

Чанкур дурхъи айцІухІели, неш хъулир сарри, устанализибад дудешла къякъла къутІла тІамала бикъулри. Чанкурли кІатІа касиб, ва дудеш-нешлизивад дигІянали школала гъалабси спортплощадкаличи ва-кІиб.

ХІянчиличи бурсихІейубти някъбани кІатІала ар виругІеб цІацІабарили, ил икъесииб. ЦІакъси ветаэс багъандан, илини школала катругси спортплощадка диркъбарес къасбариб. Сай икъес вехІихъибхІели, илис, чумал сагІятла бухІнаб спортплощадка диркъбирис или, гъанбиркулри. Амма чумал минутра хІедикили лерай, илала пикри барсбиуб: берубси гІянжилизи кІатІа челис-че вайтІа алтІулри, къакъ изесбирхІулри, сай вамсурлири, амма гьеркличиикили икъулри. Демжурти дахІличибад гербухъунси майа, гъакІбарибси кІатІала бяхІлизи чегили, берхІилиуб лямцІбухъун. Майали бемхІурси хІева къакъличи цІапакун. Чанкурлис хІянчи декІбизур ва анцІбукъун. ИлхІели школализи бакІибти гъалмагъ дурхІни сунечи тамашабиубли гъамбиубти хІебиалри, илини кІатІа лайбакІес асубири: сай сецад цІакъли вамсурли виалра, дурхІни дукаркІахъули, хІянчи бархъбатес дигули ахІенри. «НабкІун цІакъси ветаэс дигулра — сен ну мукІурикІусира?» — викІулри ил, сунени сай уркІичевирули. Сунечиб дукаркІути дурхІнани вачавархахъили, ил къалмакъардарес вализургу, чинарадрил хапли рагъарриубси Раисат ургарухъун.

Раисатли Чанкурла хІянчи ункъли чебаиб ва иличиб дукаркІути дурхІни маймайбариб. Вамсурси Чанкурлизибад кІатІа сасили, Раисат икъесрииб. Чанкурли рахІятдешла гъигъатур. Занкъла саркъибси тІамали дурсри дехІдихъни багъахъурхІели, Чанкурлис ил анцІбукъ дигули ахъиб: сагІят гъалав сай, дурсри дархъдатурли, абзур бархІи хІянчили вирус или, Раисатличил варсяхъибси виалра, гъанна, илкъяйда узхІевзес багъандан, бархІи ахъайчи школализив калес хІядурлири. Ил гъалмагъуначил варх класслизи ацІиб.

Урус мезла дарс сабри. Амма Чанкур дарсличи лехІихъули ахІенри. Ил пикриикІулри: «ХІерагу, Раисат

къунбани ругъули руили сари: бузерили адам цІакъси ветарахъули ахІенну, гъунарагарирахъули сай. Ца сагІят хІянчи барили, ну гъаннара вамсурли хІялагариублира. Эгер абзур бархІи узули виасри, шикъухъес хІейраси. Юх, ишбархІила эргъи нуни сегъуналра хІянчи хІебирис».

Чанкурла пикрумачи шакрикили, Раисатли, дурсри тамандиубли эргъи, классла собрание бучиб, гъалмагъунала гъалав Чанкур гапариб, илизибад гІибрат кайсули, лебил дурхІни гъар бархІи ца сагІят спортплощадкаличиб бузахъес жибариб. Раисатла гъайли Чанкур уркІичевиахъуб — илис сай хабарла игит ветаурсин бизур, гъалмагъуначил варх узес уркІи-уркІилавад разиикиб.

Раисатли Чанкур гапарни билшуси цІаличи набт чертІнигъуна сабри: набт чертІибхІели, цІа сагаси цІакъличил ухес бирхІуливан, Раисатла гъайли илра хІянчиличи гъирачевариб.

Раисатла гъайличи барили, сай гъар бархІи бархІехъ спортплощадкаличив узули виъниличила Чанкурли нешлизи селра хІеиб: иличи неш разихІериркни балулри...

Эргъити чумал бархІи Чанкурла неш тамашарирахъулри кІел секІай: цаибилгъуна, гъалав беркайчи сегъуналра иштахІагарси Чанкур гъанна ахІил уканиублири, кІиибилра, гъар бархІи бархІехъ дурхъибад кІатІа бетихъулри, савли биалли сунела мерлаб дакІубулхъулри.

Динна хабуртачи рирхаруси Аллишлис кІатІа беткайхъни шайтІа баркъуди саби или гъанбиркулри. Ил секІал марбариб гъалавла малла ХІямзатлира. Гъанна, сунечира шайтІан чебухъесгу или, Аллиш дярхълизи арацІес урухкІулри.

Ца бархІи, бархІехъ, Аллишлис хъа гъалар Раисат цугрикиб. Чанкур сен сая ибси Раисатла суайс Аллишли жаваб бедиб:

— Машаллагъ! Цакъадар ахІил укули сай, ахІулхъули сай.

— Гъаннала эргъи ил гъатІира ахІил уканирар, — Аллишлизибад се-сабрил дигІянбирусин, Раисат пишряхъиб.

— ХІуни се балада? — тамашариуб Аллиш.

— Сен хІебалуси, нуни дарман дедлугухІели виалли, ил илкъяйда ахІил укуси ва ахІулхъуси.

— Марли рикІулрив? — Раисат масхурта ругъули рургар или, суал тикрарбариб Аллишли.

— ХІед се гъанбиркули, гъати? Гъайгъай, сай.

— Агъ, хІечи азир ахІ бакІ! ХІела жан мургъили делкі! Се дармунти сари илди? ГІур лералу? Рашигу, нушачи шадир аркъехІену, — Раисат хъули жирариб илини.

Дурсрачи къанриулра, кІинайс ляркъяс или, Раисат аррякъун.

Раисатли лугуси се дарман саби или, Аллишли уршилизи хъарбаибхІели, неш селичила гъайрикІулрил Чанкурли багъес вирули ахІенри. Аллишли суал тикрарбариб. Раисатли сунес сегъуналра дарман лугули ахІен или, уршили нешлис жаваб бедиб. Неш иличи рирххІеур ва рачарархиб. Аллиш Раисатличи аррякъун, ва сунела уршилис бедлугуси се «сихІрула дарман» сабил бурахъес илизи тиладибариб. Амма Раисатли, дарман школализиб кали саби или бурибхІели, Аллиш рамкъур.



Илкъяйда, ишбархІи-жагІял или, Аллиш риргІяриргули, Раисатли чумал бархІи дармайчила селра хІебуриб.

Ил се дарман сабил багъес дигули пикририкІули, неш бархІиличи-бархІи вайтІа русанриулри ва челисче камли руканриулри. Чанкур биалли ахІулхъулри. Ил гъар бархІи спортплощадкаличив узулри, савли ва бархІехъ азбарлабси къаркъа ахъбурцулри, турникличи айцІулри, умсулри, гуширулри, ахІил укулри ва сагъирулри.

ИшбархІи Чанкур дебали разилири: даг бархІехъ спортплощадка диркъбарили таманбиуб. АхІси бузери багъандан, школала дирекцияли 5-ибил классла дурхІнас баркалла багъахъур ва, лебтазивад чевикІили, Чанкур альбомличил савгъатлавариб. Илала дурабадра, гъалаб сунени шикъбарес хІейруси хъа гъалабси къаркъа

ишбархІи бегІгьалаб ахъбуциб: сунезиб цІакъ имцІабикІули биъниличи илини пахрубирулри.

БархІехъ Раисат Аллишхъайчи ахІладли ракиб. Чанкурлис сунени бедлугуси баягъи ит «сихІрула дарман» кІатІа саби или Раисатли бурибхІели, Аллиш тамашариуб: «Иш се рикІуси? КІатІаличила чинабад балуси ишини? Рахли уршира шайтІунтачил вархваси виэсгу?» — ибти пикруми илизир дургъесдиб.

Раисатли Чанкур гьар бархІи бархІехъ спортплощадкаличив узули калниличила ва асилс бузери багъан, дан, школала дирекцияли сай савгъатлаварниличила буриб.

Ил дуги Аллиш русаэс хІериуб: «ВяхІ, хІерагу, кІатІа Чанкурли кайсули уили сай. Ну ахмах биалли ил беткайхъни шайтІа баркъуди саби или викІуси маллала дацІ гъайличи рирхаурра. Агъ-гъагъ... балули ахІенра, сецадхІи ну маллубас ва ШайтІан-Хамисхъайс риргІя-рирусира... Се ахІдеш хиба наб илдани? Селра хІехиб.

Чили сая, гъатІи, урши ахІухъахъунси? Раисатли. Ге, чІянкІли Раисатли...» — пикририкІулри ил.

ГІЯДАТЛААХІЕНСИ ДАРС

Шуибил класслизиб арифметикала дарс саби. Столла гІелавси ХІяжини журналличибад чІянкІси бекІ ахъбуциб, дурхІначи хІеризур.

— Нуни масъала арзес хІейубра, — иб Чанкурли, някъ ахІбуцили, хъарала къякъгъунти цІудара хІулби учительличи вакъяили.

— Э... Чанкур, хІуни ну виргІяхІергура. Далути сари нуни хІела гІямулти. Нура ученикли калунсира. Учительли доскаличи жиирниличи шакикаси, бекІ изули селра белчІес хІейубра или, някъ ахъбурцаси. Даг хІелара бекІ «изесбиибсири», ахІенрив?

— АхІенри, — децІагиб Чанкурлис.

— Қани изули, се декІардеша? — гьар се-секІал гъалахили балусиван, учитель пишяхъиб.

— Селра изули ахІенри! — вачавархиб Чанкур.

— ГІур, гъатІи? Масъала хІебелчІи, илала мурад хІергъили, арзес дигулрив?

— Нуни ил гъачамцунра ахІи белчІунра... амма...

— Наб хІела «амма» агІнили ахІен. Дарсличи хІядурхІейублирив — цала.

Чанкурлис уркІилизи се-сабрил къизбухъунсин бизур: учительли журналлизи цала кымат кабатур. Чанкур вачавархиб, жалвяхъиб:

— Бархъсил-ахІенал нуни ахІил балас: хІу ахІенри-ну учитель, ну сайра. Аргъирив, хъяша?

— Ну хъяша ахІенра.

— Сен пугъикІулри? ХІед дила дарс заябарес дигулри! Вашен класслизивад! Хъярхъли! ХІези викІулрану! — или учитель ХІяжи Чанкурличи челис-че гъами-кІесииб.

Чанкур, бареси хІебалули, гъалмагъуначи хІеризур. Мякълавси Къасумли бекІ кІелра шайчибахІ гъакІбариб — ил шикъмалхъад ибси сабри. Чанкур, гъаялра хІеили, парталичи кайиб.

Гъимукибси ХІяжини, хъянтІа буцили, ил ахъуциб, унзаличивяхІли хъусяхъиб. Класслизиб чили-сабрил ахъли шятІъиб, дурхІни дукарбяхІиб. ХІяжила къакъ, имиули чедухъунсин, важбухъун: дурхІни сунечи къаршили кабизурли биъни илис гІячихъбиуб.

ДурхІнани Чанкур гІевуцнила сабаб ишгъуна сабри. Хъули гибси масъала арзес бажардихІебиубли, бахъалгъунти дурхІни (илдала лугІилизив Чанкурра) даг бархІехъ консультацияличи бакІиб, амма я школализив я хъулив ХІяжи варгес хІебиуб. ИшбархІи масъала арзили дарсличи вакІибси цалра дурхІя аги. Чанкурлисван чусра вайти кыматуни кадатесгу или, илди урухкІулри. Илдани дарс заябариб: ХІяжи Чанкурличил директорла кабинетлизи ацІибхІели, илди класслизибад дурабухъун.

«Гъар се-секІал ит хъяшани дарибти сари, — пикри-икІулри класслизи чарухъунси ХІяжи, Чанкурличи дугъаилзули. — Сепайда, ит ца сагІят дила арилизив дигахъаси — итис нуни неш гъанриркахъаси. Сен ишцад къяркъти законті? Адамличи тІул хъячІаэскІун чина, илизи ахъли гъайэсра балли къадагъабирули саби!»

Коридорлизив чи-сайрил къунзухъун. ХІяжи хІунтІен-цІубиуб. «Се ируси, чили-биалра хапли унза гъаргдаралли? ЦІахкайрулрагу! Юх, се-биалра барес агІнибир-кур. Гъа... гъа... Мел кайсис. ДурхІнази гъайикІусин, гъачамхІели тІама ахъбирис, гъачамхІели доскаличи мел

къутІбикІахъис. Класслизіб гІядатла дарс саби или ахІи, чисалра гъанхІебиркур».

Коридорлизибад ганзла тІама. Мел къутІбикІесаили, ХІяжи доскаличи лукІесахІиб. ГъайикІесииб. ЛехІка-хъиб. ШипвяргІили бехІ гумлачив унзаличи гъамиуб. Унзала мякълар чиларил дабри жикъдухъун. ДурхІначи дугъаилзухІеливан някъ ахъбарили, ХІяжи гъайухъун: «ГехІдаршлим шуцІанну урегга бутІа гехІличи. ГехІел гехІличи бутІалли — ца. Кавлан шуцІанну урегга.»

Унзализи къутІла тІама. ХІяжи тярхІухъун. ДурхІначи гъимукибсин вявбяхъиб: «ВерхІна гехІел чум дирарал хІебалулрав?» ГІур унзаличивахІли дуцІухъун. Амма къаниуб: унза гъаргдарили, Раисат класслизир рагъарриуб. УркІухъунси ХІяжини «унза чедукъен» или вявъиб. Ил, ахъси лесличивад каркухІели, занзила къадаличи хъямикнигъуна сабри.

Дарсличи аркъуси Раисатли, школала удибси шарала мякълаб къукъя барили, сунени бекІдеш дируси классла дурхІни чебаиб. Илдачи гъамриуб, ихтилатбариб. Барсбяхъибти дурхІни ХІяжила дарсличи чарбухъес къабулхІебикиб.

Рачарархили коридорлизирад аркъуси Раисат, класслизибад ХІяжила гъайла тІама бакъили, тамашариуб: «Се биубси? Муэру иш? Набчиб гъалабикили, класслизи дурхІни сен-сен бакІибти? Яра ну къагъриублирав...» — или классла унза абхъиб. ДацІти партабала гъалав ХІяжи чеибхІели, илис гъар се-секІал гІячихъдиуб.

КІелра някъли бекІ буцили, ХІяжи столла гІела кайилри. Ил айзур. Къунзухъун. ДекІли гъигъатур. Цулби къяржардарили, журнал къапбариб. Класслизи-вад дуравхъун. ГІелаитІикІули, учительскаялизи ацІиб. Раисатличи гъамиубли, чебчебудуси тІамаличил буриб: «Тилади... нуни бирулра... дарсличила чизилра селра хІебурни. ГІур кІелра гъайдикІехІе.»

Учительскаялизіб, кІелра саби ахІи, чилра агниличи разириубси Раисатли ХІяжичил ихтилатбарес къасбарибгу, ил тІашхІейзурли дуравхъун.

«Мегъ бемжурли лебай къутІбируси бирар» или, ХІяжи Чанкурхъайчи арякъун. Хъулир, Чанкурла неш ахІи, чилра аги.

Сен хъунул адамлизи дугІли гъай заядирути? — ибси уктемси пикриличил, нешлизи селра хІеили, ил вархъли

мургъи-арцла устнала артельлизи вакІиб. Алихан хІян-чиличивад живарили, дурхІнала бегІтази дурес гьаларал пикридарибти, уркІиличир дяркърти баягъи цадехІ гъай тикрардариб: «ХІела уршилизивад адам ветаахъес сецад-дигара къайгъибарира, амма лебил къиян дугІли арбякъун. Картошкала берхІибси мер заманаличиб къис-хІебаралли, лебил картошка заяблар. Гъанна хІуни уршиличи асархІебарадли, жагІял-царахІел илизивад хулиган ветаэсра асублар.

ИшбархІи ил дарсличи хІядуриубли ахІенри. Цала кабатурхІели, ил набчи вехІизур. Дила дарс заябариб. Директорли ил школализивад дуравшес пикрибарибгу, дила тиладиличи барили, иш гъакІлис, ватур, — викІулри «къайгъичевси» ХІяжи («Набзиб илгъуна ихтияр лебси биалри, нуни ил ца минуталра школализив хІел-таси», — бикІулри илала гъимили бицІибси уркІи).

Урши бегІтас ва учительтас мутІигІли виэс агІни-биркур. Нуни чебиуливан, ил хІечи лехІихъули ахІен. Урези-адабагариубли сай. Урези чинар сари ибхІели, урехила мякълар сари или, хІязлис буруси ахІен. Гъачам хІуни Чанкур урухарадли, гІур ил хІела гъайлици-вад чевхІелхъан. ХІу ахІил пикриухъен», — викІулри хІиллумазиизурси ХІяжи («Гъайла къантІа — Чанкур-лис эмхІесван дикахъес агІнили саби» — бикІулри илала хІяагарбиубси уркІи).

ХІяжис баркаллаикІули, Алиханни Чанкур жавабличи витІакІес чесиб. Алихайс ХІяжи илкъяйда духуси ва гІякълучевси урши сай или гъанбиркуси ахІенри. Шила халкъли буруливан (халкъ хатІабикили нуни гъачамалра бакъибси ахІен), ил селалра къайгъиагарси, жагъил урши сай или гъанбиркусири.

Алихайс ХІяжи ахІизахъурси илала малхІямси их-тилатли сайри. Лявличил Алихайзи се-дигара аргъахъес, се-дигара барахъес вири. Амма чили-биалра сунези ахъли гъайалри, сай варсирхъи, ва се биубли хъалли, сунес дигуси ахІи, хІебири. Илгъуна сунела хасият лебниличил ил жявлил шакикилри, амма барсбарес вирули ахІенри.

Ца кІишан викІуси сай: «Эгер набзи, дила хасият ишкъяйда барсбарес вирар или, гІякълу гІеббуреси левли виалри, магаричлис унц лугъаси». Марлира, кІишайчил къабуллири Алиханра.

Эргъиси замана илис декІбилзулри ца гъатІи секІал. Чила-биалра урши дудешличи хъябрусиркули, масхур-таиркъули чеалри, илала уркІи изиарулри: сен-сабрил Чанкурличи сунела илгъуна шаддеш аги, урши виалли сунечи пулан адамличиван хІерикІулри. Иличи сунела уркІи ванабиахъес, илис сай дигиаахъес или, Алихан, гъачамцунра ахІи, Чанкурличил малхІямли гъайухъун, илис савгъатуни асиб, амма сегъуналра пайда хІебиуб. Уршилара сунелара ургаб халаси къада бетаурлири. Ил къада челис-че мурхъбикІулри.

Урши сунечи илкъяйда хІерикІнила сабаб сай иличи даим вехІилзнилизиб биъниличи Алихан шакиркули виалра, ца яра кІел малхІямти ихтилатли илала хасият барсбарес вирхІерниличила сунени балули ахІенри.

Дудешла уркІилизибси ил дяхъиличи ХІяжинира зе писдариб ишбархІи. «Сен хІу багъандан гъаман набзи адапти гъайбикІахъулри? Сен халкъ-ургаб дила хІурмат булъулри?! Сен хІу учительличил жалтаиркъулри?!» — или Алихай уршилис дикахъиб.

МАРСИ ГЪАЛМАГЪ

Шангла лутІиван цІудара дуги сабри. Се-сабрил бетахъибсин, школала гъалав Чанкур ласикІулри. Илини школализи ацІес чуйна-сайрил къасбариб, амма, унзала гъала ваили, чариуб. Ахирра-ахир, се-дигара биаб или, Чанкурли школала унза гъаргдариб. Унзала гъалав илис чи-сайрил цугикиб. Чанкур урухиуб, ва вебшес къасбарибгу, цугикибси сунела гъалмагъ Къасум виъни багъурли, таманни разиуб.

— Бура, къасум, хІу дила гъалмагъ сайрив? — иб Чанкурли, Къасумличи гъамиубли.

— Сайра.

— Ца секІал бириду?

— Бирис!

Чанкурли илала лихІила се-сабрил дигІянали шиб-кІиббариб ва «ну шарала дублав хІечи хІерли вирус» или тІама ахъбариб.

Къасумли сай учІуси классла унза гъаргдарибхІели, илис савли класслизиб бетаурси анцІбукъ гъанбикиб. Арифметикала дарс сабри. Зяр-или улкъайла шиша бячи, биштІаси къаркъа ХІяжила гъала столличи кабикиб.

Улкѡайлабад хІерѡибхІели, вебшили гѡарахѡиркуси Чанкур чейулри. БархІехѡлиси Чанкурла сурат бяхІла сатирическая газетализиб дурабухѡун. Чанкурли Кѡасумлизи тиладибарибси ил сурат гѡярбарахѡес сабри.

Доскала мякѡлабси бяхІла газета цІуба лацлизибад бара декІарбулхѡулри.

Коридорлизибад чила-сабрил ганзла тІама бакѡили, Кѡасум урухиуб. Илини хапли газета гѡярбариб, ва, хѡа веГІ чеибхІели, бурт беркунси житаѡан гѡалакли, гѡаргти улкѡайлаѡад тІахІухѡи вебшиб.

Кѡасумличи хѡябрусиркули, Чанкурли иб: «Иш баркѡудиличила, кІелра нушани ахІи, чилилра хІебала. Эгер суалбикІалли, нушани чебаибси я бакѡибси агара дикІехІе. АхІсив?»—«АхІси саби»,—иб вебшили гѡеркличиикибси Кѡасумли, паргѡатдешла гѡигѡбалтули.

Ил дуги Кѡасум, усаѡс хІейрули, ухѡалаѡ вахѡхІи жургѡикІи. Ил селичи-сайрил разили ахІенри. Амма селичи разили ахІенрил, сеѡад пикриикІули хѡалли, белгибарес хІейуб. ГІянручІла биухІели, ил усаун.

Кѡасум Чанкурличил варх ваѡа-кѡарла майдаѡчиваѡ ватихѡиб. Амѡурси гѡаѡа бизил тІемли гѡигѡбикІулри. БекІла чедир михѡири цІуба чатІни вичІирдикІулри. Рахли кІелра гѡалмагѡла кѡяшмала гѡалаб гаѡушуни кадилхѡуси, нясси билхІла дакІубиуб. Илабад башуси вайси гѡгІли гѡигѡикІес кѡяянбулхѡахѡулри. Кѡасумли илаѡад хѡярхѡли шалгІевухѡес кѡасбарибгу, Чанкурли сай билхІлализи кѡужвариб. Ил чѡтлара деклара гѡудурмайлизи гІулудѡан гІелайкиб. ГІякГІякѡяхѡили Чанкур шалгІевухѡун.

БилхІлализиѡад дураѡхѡес кѡайгѡнаиркѡуѡад Кѡасум уди арашулри. ХІера, чѡт илала михѡирличи адаиб. ХѡуцІруми чехІедиандиуб. Кѡакѡари цІацІабариб. Гѡигѡ кѡяѡѡуѡли саби! Лебил цІакѡ ибкѡаили, Кѡасумли виругІеб чІярѡяхѡиб — муѡрлизиваѡ чевсаргѡиб. Сай хѡулив кровѡтьличив виѡни балули хѡалли, муѡрли урухарили, гѡаннара сунечи сай ташмишикІули леѡалри: «Муѡру иш, ахІену?»

Ахирра-ахир сай умули виѡниличи таманни вирхаѡс багѡандан, чархличибад някѡ хІяршбариб, ва, юргѡан ахѡѡуѡили, сунечи сай дигІянали хІеризур. Пишяхѡили паргѡаткаѡуб.

Савли дубалтхІели, баягъи ит муэр гъанбикили, ила ла уркІи гъудурдухъун. Укес хІейубли, ил школализи арякъун.

ХІерейс дурсрала эргъи Раисатли классла собрание бучиб. Пионерличи лайикъагарти Чанкурла баркъудлумачила (улкъайла шиша бячниличила, сурат гъярбарниличила) ил гъайрухъун. Сунечибад гІяйиб чебарбукес или гІямултазиизурси Чанкурли саркъахъили буриб: «БяхІла газетализи дила сурат кабахъни шямван бархъсири: шиша бячни дила хатІа саби. Амма, дирхаира набчи, газеталичи нуні тІул хъячІхІеира. Нуні ил гъярхІебарира. Илгъуна секІал, хІяялизивад ухъун-сили ахІи, хІебиру».

Раисат Чанкурличила гъайрикІухІели, Къасумла уркІилизи изиарули. Амма Чанкур гъайулхъухІели биалли, ил таманни паргъатагариуб: сен Чанкурли сай хІяяагарсилизи халируси? Илис децІагиб, вамкъур. Харчизурли вьвъиб: «Ну ахІенрану хІяяагарси, ил хІу сайри, Чанкур! Нуні хІуниван къяна хІебурис, ну пионер сайра. ХІуни ахІи, гІур чили сайри, гъатІи, газета гъярбарахъес ну гъирварибси? Гъанна биалли илгъуна секІал, хІяяагарсили ахІи, хІебиру викиулри. Юх, ишбархІила эргъи хІу дила гъалмагъ ахІенри! ХІера, их саби наб бурес дигуси».

ДурхІнас гъар се-секІал гІячихъдиуб: Чанкурла тилади хІясибли Къасумли газета гъярбарилри. ГІур илгъуна хІебарахъес гъалмагъунани Къасумличи чІумали хъарбариб. Чанкур цІахариб, жавабличи витІакІиб.

Гъайухъи эргъи къакъличибад декІси мах чебасибсин, Къасумла чарх рахІятбиуб, уркІи разибиуб. ХІятта чумал бархІи къацІли хІевкунсин, сай гушли виъниличи ил шакикиб. Хъули ганз хъярхъбариб...

ЦІяба-хъанцІа закир зубарти шалали ухулри. Дугила лехІдеш буи, цаличи ца абздикІутин, шаралар пяс-пясагуни тІярдикІулри.

ХІерейс школализиб жалбяхъибти Къасумра Чанкурра бархІехъ авлахъличиб даршубиуб. КІелра илди гъалмагъра идала зилан Мажидра шадибад чарбулхъулри. Илди шарала мякълаб тІашбизур.

— Дуги ит Хъайдеш дубурличибси «Мяччубала нахълизиб» (гІинихълизиб) шайтІунтани халаси цІа абикъур. Ил нуні дила хІулбани чебаира, — иб дугели сайцун дуравхъес урухкІуси Мажидли, рахли шайтІан

багъарбиубли падализи къацІбикесгу или, гІелавяхІ шурирхъули.

— Ти-гъ-игъ! ШайтІунтани ца абикур! ШайтІунтани ит бариб, иш бариб, ШайтІунти лерти хІедиъни хІуни хІебалулрив, гъатІи?! — иб Чанкурли.

— Лерти хІедиалли, хІу ита укъес вии, — иб варсяхъибси Мажидли, «Мяччубала нахъличибяхІ» някъли чебиахъули.

— АгІнибикалли, вирус.

— Пегъегъ! ХІу ита укъес гъалаб, эмхІе галгаличи абицІур.

— Ита укъес хІейэс, наб Мажид бикІару, гъатІи? — иб децІагибси Чанкурли.

— Мажидра Чанкурличив вайна гъабза ахІен.

— АхІна гъабза виадли, хІу вии ита укъес.

— ВяхІ-хІя-хІяй! ХІерагу, сай ита укъес урухкІухІели, набзи сейкІулил, — или дукарахІили, Мажид Къасумличи ласяхъиб. Къасум, шарализи къаркъуба итули, ца шайчив тІашлири.

— Юх, ну урухкІни багъандан ахІенра или викІуси, — иб ахъли Чанкурли.

— ЧІянкІли ил багъандан сайри, — жалбариб Мажидли.

— АхІенра!

— Сайри!

— Ну викІулра хІези — ахІенра! — или, хункІи ца цІадарили, Чанкур Мажидличи гъамиуб.

— Ну викІулра хІези — сайри! — или Мажид гІела хихиуб.

— Сайрал-ахІенрал хІял балахъас хІези нуни, — или Чанкур «Мяччубала нахълизи» укъес къабуликиб.

Мажидра Къасумра шарала дублаб калун. «Мяччубала нахълизи» ацІибхІели, Чанкурли ахъли тІамадаряхъес илди вагІдалабиуб.

Гъалмагъуначивад гъарахъикибхІели, Чанкурла уркІи сенрил паргъатагарбиуб: «ХІуџи тІул къузбирули хъалли, чебаэс хІейрар. ГІелабад шайтІан бакІалли, се бируси?» — къапалиурти бекІла гъез мицІирдиубтин вяшардухъун, цацали тІашдизур. УруххІейэс или, илини шятІ-бяхъиб.

ХІера, къашмауб серил хІусбухъун. Чанкур чІярбяхъес бара левалригу, хІусбухъунси къаркъа биъниличи шакикили, рахІятдешла гъигъбатур ва ганз гъарзаба-



риб. Амма, къркъаличил дарх сунела гъабзадешра гердухъунсин, ил урухиуб ва ила вакъиличи пашманиуб: «Жалта виркъес селис агъисире наб? Иша хъекъили виасри-деклар, ну чили хъелтусире?»

Вархъли вашес Чанкурли сецад халаси къайгъи бирули хъалли, илала къяшми кепкайубсилаван дулкълри. Илхъели шарала дублабти гъалмагъунала яра чидил-виалра цархъл адамла гъайла тламала бакъибси виалри, илала урехи бекъллил агарсин беткайхъи. Илис гъанна бекъллара декълбилзуси ишбархъи собраниеличив Къасум сунечи гъимукъни сабри: «Къасум цлахарес дила пикрира аги. Нуни илала ура хъехъира. Амма илини ну цлахарира. Ил набзи «гъаннала эргъи хъл дила гъалмагъ ахъенри викъи. Юх, илини наб кумек хъебиру. Иличи ургълевли, наб вайтла дикалли, ил разиирар», — или пикриикълри Чанкур.

Цъабси шипбяргълбси дугили иличи гъатлара декълси асар бирулри. Илис гъанбиркулри, лебил халкълизивад къябвердили, дунъяличив чълнкълли ца сайцун сайра или. Илини бекълла гъалаб аргълб, сунес гъанна чълнкълли гъалмагъ камли виъни, гъалмагъла къадри гълмрулизиб таманни халаси биъни.

«Баягъи ит гълникълчи ацъллара или, ишарад гъалмагъунази тламадарасли, сен биэсара? Бирххълерару? Юх, хълллумачи шакбиркур, гълр ну урухълниличила шантази хабар тълнтълбиру. Шайтълнти лерти хъледиъни Раисатли ункълли нушази аргъахълб — ахирра-ахир, ну селигълвад урухълусира?» — или сунени сай уркълчеварив ва гълрра ганз гъалакбариб.

Рахли чили-сабрил илала шалбар ца шайчибхъл зузбариб. Ил шайтълан биъниличи Чанкурла ташмиш-деш кахълелун. Урухиубси ил, виругълв чълрбяхъили, кайкиб.

Чанкурла кахси тламала бакъибхълели, шарала дублабти гъалмагъуни шипбяргълб, гълла хихбиуб. Мажидли вебшес къасбарибгу, Къасумли ил уциб: «Тлаш! Мутълрус лебу? Агарав? Селра хълебирар. Къркълуби кайсехъле. Гълр камхъледиахъес кисми дирцълехъле.» — Къасум ванзаличи гълшиуб, къркълуби дучиб. Ахълубли

хІерикІалли — Мажид аги. Ил хъули вебшилри. Цун-
кавхъунси Къасум гъалав-гъалав цакъадар урухиуб:
«Нура хъули чарухъаслири, сен биишира? Юх, ил убяхІ-
деш саби, хъухъудеш саби. Чанкур верцахъес агІнибир-
кур. Ту, хІяжар!» — вебшибси Мажидличи лагІнатбу-
шили, Къасум Хъайдеш дубурличивяхІ ватихьиб.

Къасумли, гІямултазиизурли, шайтІунти урухдарес
къасбариб. «Чанк-у-р! Урухмайруд! Тупангуначил нуша
ляркъулра. Тупангуначил. ШайтІа къуйрукъ буца, нуша
гъамдиайчи батмайид», — ил вашувашули вявикІулри.

«Къяш баткайули ахІен», — висуси Чанкурла тІама
миѣлиубси хІеркІлаван буири.

Къасумлис лаглизивад вашес челис-че къиянбулхъул-
ри. Вамсурли гьеркличиникибси илала чархлизибад майа
дурабикиб. Чанкурличи гъамиэс чумал метрла ургала
лебай, илала шалбар кабикиб. «Гъей! ПяхІли буэн!» —
или урухиубси Къасум, някъби гъакІдирули, шайтІайчи
дугъаизур. Амма алавчар селра аги. Къаркъуба кисми
дицІили, декІбиубси шалбар, ири хІярхІбиубли, батбу-
хъири. ДугІли урухиъниличи Къасум вачавархиб. Ил
Чанкурличи гъамиуб. «Эй, шайтІунти, тупанг игъайчи
сабурбарая. Тр-р-р-тямхъ!» — Къасумли Чанкурла ца
шайчидяхІ гъарэргъили чумал къаркъа игъуб. Илди,
селизирил шявхъдухъи, ванзаличи чегиб. Ванзаличи чІи-
къитІунси Чанкур, къудкъули симкъикІули, паргъатиру-
ли ахІенри. Къасумли бегІла эргъиси къаркъа игъуб.
Илра ванзаличи чегиб.

Къасум сабурагариуб, цулби къяржардикІесаиб.
Эгер шайтІай хапли сунес дикахъалли, чІярхІеэс или
кІунтІбачи къацІики, Къасум гъалмагъличи гІяшиуб.
Чанкурла мякълаб селра аги. Къасумли Чанкурла къяш
хІисаббариб. ХІерикІалли — илала
шалбарла къяли занзбар къадализи
бархили. Къасумли ахъли гІякГІяк-
бяхъиб ва къадализибад Чанкурла
шалбар батбухъахъун. Тамашаиуб-
си Чанкур, гъайэс хІейрули къяш-
мачи тІашизур. Гъанна ил хъярхъли,
сунес се-биалра хІебиубли, ара-
сагъли левай, хъули чарухъес
къалабаикІулри. «Юх, ит «Мяччу-
бала нахълизи» ахІедацІили, хъули
чархІедулхъехІе! ХІял балехІе шай-



тІунтала!» — иб Чанкурличил кабикибси анцІбукъли шайтІунти лерти хІедийниличи таманни вирхаахъурси Къасумли. Чанкур илала гъайличивад чевалкІес хІейуб.

ХІера баягъи «Мяччубала нахъ». «Эй, шайтІунти-пайтІунти! Намус-хІяя агарти! Дукулрав? Дусаирав? Чина дигІяндикилра?» — или гъардизурти сунела масхуртачи сай разиубли, Къасум гІиникълизи ацІиб. КІелра гъалмагъла къяшмази шявхъдухъи, тІамагъама агарли, гІинихъларад «шайтІунти» дебшиб. «Урухмайруд!» или Чанкурличи дугъайзурси Къасум, селизи-сайрил вархили, гІинихъла гъала кайкиб. Бебшес бажардихІе-бии, ца «шайтІан» кайкибси Къасумла канилиуб балбикиб. «Буцира!! ШайтІан буцира!» — или Къасумли ахъли вявъиб. Лев мерлав шикъухъес хІейрули, Чанкур тІашлири.

Къасум, «шайтІан» гІяндбушес или, виругІев иличи чекалхъулри. Ахирра-ахир, илини кІелра някъли «шайтІа» хъяб буциб ва келпатай гІябулван цІацІабариб. ШайтІа гъигъ къяббердиб. ЦІябдешлизиб «шайтІан» сегъуна-сабрил ахІил чебаэс вирули ахІенри. Амма илала чарх Чанкурла хъулибси халаси къурмяв гаталагъуна сабри, гъезра тѣп гаталаван кІантІити сарри.

ХІятта «шайтІан» сунени кабушибсин, Чанкур иличи таманни разиуб: «Се бикІесара нушачила шила халкъ — хІябилра гапдариша нуша!

Э-э... ШайтІунти агара или Раисат къунбани ругъули руили сари. Иш сен лебсив или, жагІял илизи шайтІан чебиахъехІе. Юх, юх. Или хІебирехІе. Раисат нушачи хъули жирирехІе. Нешлизи шайтІа диъла хинкІ барахъили, Раисатлис гъалакабирхъехІе. Ил релкъи эргъи, шайтІан лебсив-агарсив или жалбирехІе ва гІур сунени шайтІа диъла хинкІ беркниличила бурехІе, шайтІа гули чебиахъехІе. АхІену, Къасум? Я?» — иб разили ихтилатикІуси Чанкурли. — «Саби. Саби» — шадли жаваб бедиб Къасумли.

ХІулукибси Чанкур ца мерлав паргъатиэс вирули ахІенри. Илис чис-биалра ахІдеш барес, чичи-биалра хъябрусикес дигулри.

— Къасум хІези нуни ца секІал буришав? — иб Чанкурли, гъалмагъла хъуцІариличи някъ кабирхъули.

— Бура. КІел дигалра.

— ХІу дила вегІла дигуси, вегІла марси гъалмагъ сайри. Сайрив? Сайрив? — Чанкур иличи гъамиуб.

— Сайра. Гъайгъай, сайра, Чанкур.

— Хиу багъандан ну чина-дигара аркъяс, се-дигара бирис. Дигулрив — шаладикайчи иш гІинихълав кавлас! Вирхай, масхаралис викІули ахІенра.

— Вирхулра, вирхулра, Чанкур, — или Къасум пишхъиб.

КІелра гъалмагъ ихтилатбикІули шилизи бухІнабухъун. «ШайтІан? ШайтІан гІяндбушира!» — унза тІинтІ-далири, кІелра илди Чанкурхъа хъули абацІиб. УркІ-бухъунти Чанкурла неш-дудеш харчбизур. Шаласи хъули ацІибхІели, тамашаиубли шипвяргІибси Къасумла някълабад батбухъи, «шайтІан» къяшмала гъала кабикиб. Чанкур аъкахъиб: тІул хъячІаалли, гъезли пухІбикІуси, къакъ чІянкІбиубси ва чІукъадешли лигубачи гули чеакибси бухъна гІяра бай хъулиб чІикъбитІири...

АДАМЛИКІУН ЖАНИВАРРА БУШИНБИРУ...

Учительтала педагогический совет сабри. «ДурхІ-нас коммунист рухІлизиб бяркъ бедлугнилизир учительтала мурадлуми» бикІуси школала завучла докладла ъргъи опытчевси учитель Къара гъайухъун.

— ЦацабехІти учительтани, илдала лугІилизив ХІяжинира, дурхІнас бяркъ бедлугнила хІянчи 45 минутла дарс бедниличиблицун къантІкабирули саби. Се бирулив илгъуна учительли? Дурсри тамандиубмад, хъули чарулхъули сай. Шилизив яра шила дурав вайта виркъуси дурхІя чеалли, ил дила ученик ахІен или, сунела ученик виалли, чехІеибсила дарили, шалгІевулхъули сай. «Ил (дурхІя) гъачамлис хъяша сай. ВиштІахІели, чи вайта хІеркъура? Халаиур, саял духуи-рар», — бурули сай илини.

Ахирра-ахир, баягъи ил саял духуируси дурхІя, халаваибхІели такъсирчи ветарули сай.

Хъяша сай или, дурхІяличи илгъуна къайгъагар-деш бирни гъарил адамла, хаслира учительла, халаси хатІа саби. ДурхІялис хъяша викІни бекІлил бархъси ахІен. ИшбархІи ил дурхІя виалли, жагІял илизивад нушачил бутІацугси адам ветаруси сай. Сирилав левай дурхІя адам виъни аргъес, иличила адамличилагъуна къайгъибарес чебиркур.

Нушани даим пикрилизи кайсес агІнибиркур ишгъуна секІалра. ВиштІали виубцад дурхІяла нукъсан-

дешлуми урасес, ил бархъси гъунчи каэс, къантІли буралли, ил вяркъес гъамадли бирар. Ил шайчив бегІтачил барх дурхІялис бархъси бяркъ бедлугнилизиб бекІлибиубсигъуна мер бурцули сай учительлира. Чинав-дигара виаб сай, учитель цархІилтас гъар шайчив гІибратли виэс, сай-алавси мер бяркъ бедлугнила школали биохъес агІнибиркур.

Нушала чебла педагогикала тІалабуні гІямрулизир нушани дархъли пайдаладирнищун ахІенну, илдачила бегІтази тІинтІли иргъахъни, бегІтас даим кумекбирни саби. БегІтала, учительтала ва лебил жамигІятла илгъуна уржибси хІянчи хІебиубли эргъи, ишхІелла пергерси манзилличи лайикъти дурхІни абикъес нушаб имканхІебикІур.

Къарали сунела гъайлизиб ХІяжила у чІянкІли гъачамщун биалра гъанбушибси, ил имцІаливан сунечила гъайикІули виъни ХІяжис гІячихълири. ХІяжини сунела гІяйибти дирцес къасбариб. Ил айзур. Гъайухъун.

— Къара вархъли викІули сай. Нуни ученикуначил баарикъадарла хІянчи хІебирули виэсра асубирар. Амма «ишхІелла пергерси манзилличи лайикъти дурхІни абикъес» багъандан, нушани вайта биркъути дурхІни заманаличиб жавабличи битІакІес агІнибиркур.

Нуни шиубил классла ученик Чанкурла лайикъагарті баркъудлумачила гъачамщунра ахІи директорлизи багъахъурра, амма, сепайда, сегъуналра барсдеш хІебиуб.

Чанкур учІули ахІен. Илис учІхІевчІули ахІти къиматуні касес дигули сай. ДурхІнала зегъа булъули сай. Илині дила дарс заябариб. Улкъайтала шиша бящун. ИшбархІи наб илгъуна секІал барили виалли, жагІял ил директорличи вехІизесра гІелавитІхІейкІур. СецадхІи валтуси ил сунес дигута виркъахъули? Чанкур школализивад дуравшни нуни педсоветлизибад тІалаббирулра! Ил секІал зегъа булъути цархІилти ученикунасра балли мисалли бирар.

ХІяжи кайэс левай, Раисат харчризур, ва буриб:

— Юх, хІу вархъли викІули ахІенри, ХІяжи. АнцІбукъ Чанкур школализивад дуравшнилизиб ахІен. Нушала чебла — Чанкурла илгъуна баркъудилис се сабабли биубал белгибарни ва гІур илгъуна хатІа тикрархІебиахъести тахІурти далдуцни саби. Нушачи чеб-

бируси дурхІнас тамбихІбарахъес ахІенну, илди бяръкхъес саби.

— Чанкур въркъес хІейрар! — ургавхъун ХІяжи.

— Въркъес хІейруси дурхІа левси ахІен! — иб Раисатли, ХІяжичи хІулби въкъяили, гъай даимдариб:

— АдамликІун жаниварра бушинбиру, адамли адам въркъес сен хІейруси? Адамлизир чІянкІли нукъ-сандешлумицун чедаэс асухІебирар. Илала имканти гъаргдарили, бажардичевдеш пикрилизи касили, ил гІевуцес, уркІичевварес, цараван буралли, иличил хІянчи барес агІнибиркур.

— ХІерикІус, сегъуна хІянчи биридал хІуни Чанкурличил, — иб Раисатличи гъамукІибси ХІяжини.

— Юх, хІу набчи хІермакІуд, ХІяжи. Набчил барх хІунира, нуша лебтанилра, — алавчар хІерризурли, гІама ахъбариб Раисатли, — цадиубли хІянчи барес агІнибиркур.

ХІяжини гІурра се-сабрил буриб. Раисат сабурлизирад рухъун. Учителъичи бекІлил лайикъагарти ХІяжила баркъудлумачила Раисатли буриб.

Гъайбухъунти учительтани ХІяжи цауркІли жавабличи витІакІиб. Сай гІяйиблаварниличи ХІяжини разиагардеш багъахъурхІели, Къарали «вайта виркъуси заманаличив жавабличи витІикІес агІнибиркур» ибти Чанкурличила ХІяжини дурибти гъай гъандикахъиб. ХІяжи хІунтІен-цІубиуб. ЛехІкахъиб.

ТамбихІагарли кахІелун улкъайла шиша бячунси Чанкурра: илис выговор бедиб.

Ил дуги педсоветличибад чарбулхъути учительтани «адамликІун жаниварра бушинбиру...» ибти Раисатла дугъби тикрардирулри...

САБАБ СЕЛИЗИБАРА

Бузерила дарс саби. Гъар учениклизир уркъуйчи дебабарибси дубсила бутІа ва дуруб сари. Уста-учитель Алини дурубла бехІличил бара чедаэсли дубсичи някъиш лукІули сай. БелкІунсичи хІербикІули, ученикунани дурубличил дубси къиббирули саби, някъиш-дирес бурсибирули саби.

«ХІянчи чум бархІили таманбарибси или суалхІебикІарну, чили барибси бикІули бирар. ХІела у ахъибхІе-

ли, урузхІейэсли хІянчи барес агІнибиркур», — викІи Али дурхІнази.

Илала дугьбани ва баркьудиличилси кумекли дурхІназиб хІянчиличи гьира имцІабикІахьулри. Амма илдачил бируси хІянчилилизир Алис дахьал кьияндешлуми кьаршидиркулри. Чанкурван кьалабабикІути ва бажардихІебирути дурхІни ца-кІелцун ахІенри. Илдачил халаси хІянчи барес агІнилири.

Дубсилизи кьиббарибси дуруб рахли Чанкурла алгьай някьлизи атІун. Вачавархибси Чанкурли дуруб лайбакІиб, явлухьли някь бигьун.

ХІянчи даимбарахьес ил жирули, Алини буриб; «Вари, вари, дила урши, илкьяда жявли уркІиагариэс асухІеблар — хІукІун мурал адам сайри. Гьачамра кІинарацун дуруб някьлизи атІи уста ветаруси ахІен. КьалабахІейкІули, сабурличил узен».

Амма варсяхьибси Чанкур Алила гьайличи лехІихьули ахІенри. «Уста ветхІеаслира, камсилра авара ага-ра», — пикриикІулри ил, сай уста ветаъниличила Али гьайикІухІели. Чанкурли гІядатлис дуруб някьлизи касиб, амма ил бархІи гІур някьиш хІедариб.

Урши уста ветаахьес халаси кьай-гьилизиври Алиханра. Илини гьар бархІи бархІехь ил някьишикІахьес калтулри. Амма, някьишдирес Чанкур кьанни бурсирули или, сай зигарикІулри. Алихай, сунени някьишдарибси дубси Чанкурлизи бедлугули, буриб: «Ма, иш нуни барибсиличи хІерикІули, някьишикІен. Гьачам вайтІа

бетаалли, кІинайс бара, хІяйнас бара, амма ахІил бара. ХІези нуни балахьулра: ахІил някьишикІес бурсихІейадли, дуги-хІери хьуливад дурахІейули узахьури».

Ил ихтилатла эргьи, Алихайс гьанбиркуливан, Чанкур таманни варсиуб. БархІехь сай хІянчилавад чарухьунхІели, Чанкур устаханализив узулри. «Гьанна бусагІят таманбарира», — или Чанкурли ца мадарла някьиш барибси дубси дудешлизи чебиахьулри. Дудеш илала хІянчиличи разилири. Урши някьишикІес жявли



бурсирули виѣниличи Алихан тамашаирулри, ва цар-
цІилтази гапирулри.

Гъачам Къасумра Чанкурра селичила-сабрил жалта-
биркѣули лебли, Алихан хѣули ухІнавхѣун. Иличи
Къасум дебали разиуб. «Адавзи Алихан, чидил дубси
ахІил някѣишбарили? Бура, чидил сабил?» — или
някѣишдарибти кІел дубси Къасумли илизи дедиб. Ду-
дешличи хІерикІули, Чанкур хІунтІен-цІубиуб, бекІ
гІяшбуциб. Баягѣи илди кІелра дубси сунени някѣиш-
дарилра или даг ва архІели Чанкурли дудешлизи чедаа-
хѣибтири. Гъанна Къасумли ца дев буралли, сай цІахи-
рар. Бурув Къасумли? ХІебурув? ЛехІкахѣалри, ахІил
бииши. ГІур къалли сунени илизи някѣишхІедирахѣи.

«Иш цакъадар ахІил някѣишбарили саби», — Али-
хай биштІасигѣуна дубси чеббикІиб. Къасумла дяхІ
берхІи бухѣунхІеливан шаладиуб. Чанкурличи лася-
хѣили, илини буриб:

— Чебиулрив, ну вархѣли сайли? Чебиулрив?

ГІур чула жалла магІниличила Алихайзи аргѣа-
хѣес или, Къасум иличи дугѣайзур:

— Иш нуни някѣишбарибси саби, — иб Къасумли,
сунела хІянчиличи сагадан пахрубирули, — ит ибси
БахІмудли някѣишбарибси саби. БахІмудли ахІил
някѣишбарили сай или, Чанкур набчил жалтаиркѣуси-
ри. Гъанна биалли лехІкахѣили сай.

Къасумла гѣайли Алихан тамашаиахѣуб. Ил таш-
мишдешличил Чанкурличи хІеризур, гІур Къасумличи
шуряхѣиб. Къасумла някълаб сунелагѣуна дуруб чеба-
или, Алихай хѣарбаиб.

— Иш чинабрив хІед? ХІела дудешла-мага хІе-
биэс?

— Юх, ахІен. Дубси някѣишбаресли, Чанкурли
гибси саби.

Чанкурла баркѣудлumi Алихайс таманни гІячихѣ-
диуб: илини, Къасумлизира БахІмудлизира дубсиличи
някѣишдирахѣули, нуни дарира или сай виргІаиргули
уили сай. ХІера, се сабабли детахѣили дуилил сунела
ахІитигѣунти кІел дуруб.

«Агъ угѣраш! ХІерагу ишини дирутачи! Ишила гІя-
мултачи! Мурт хІезивад адам ветаруси? Хяла ке-
цІа!» — Алихан уршиличи вехІизур. Ил анцІбукѣли
Алихан, Чанкурличицун ахІи, сунечи сайра вачаварха-
хѣиб. Илини урши устадешличи бурсиварес, ахІил

учІахъес лерилрара-сера сунени далути тахІурти дал-
дурцулри, амма цалра балбуц гъарбизурли ахІенри.
Урши челис-че лехІхІейхъанирулри. «Иш хІярамзада-
зи я лявли я маймаили селра аргъахъес вирули ахІен-
ра. Чи ветаэс вирара ишизивад? Устадеш агарси, пагъ-
му камси адам. Се иру наб урхІли? Баркалла хІейру.
Урши вяркъес хІейуб бикІар. ЧебдукаркІар», — ибти
пикруми Алиха бекІлизир жургъдикІулри.

Ил дуги къанни, усаэс хІейрули, Алихай хъунуйзи
буриб: «Нушала урши укъуи сай Илини, нуша дир-
гІядиргулра, се-дигара бирули сай. Варсирхъули сай.
Гъайличи лехІихъули ахІен. Сегъуна тахІяр балбур-
цуси биалра, илкъяйда ватес асухІебирар. Се бируси,
нуни балули ахІенра».

Муруй сунези уркІигъаргли ихтилатбарниличи ра-
зириубли, Аллишли буриб: «Нура иличила пикрири-
кІули калунра. Дила пикрили, нушаб ца секІал саби
барес кавлуси: учительница, Раисат, нушачи жирари-
ли, урши укъуънила сабаб селизиб сабил, ил ахІухъа-
хъес се барес агІинилил хъарбиахІе. Илиниван нушала
уршила хІял-тІабигІят ахІил далуси, илван нушачи
уркІи изуси ва нушаб баркъудиличил кумекбареси
царал чилра агара или гъанбиркули саби».

Хъуна гъайли Алиха пикруми дахъдаахъиб: «ХІе-
рагу, гъари, сегъунти аги-хІяйзи викахъилри уршили.
Ил вяркъес багъандан, урхІла насихІятличи лехІихъес
чебиркули саби. Раисат, Раисат... Илини се биру?
Ил кІун набчир кІиналира-сера риштІал сари. Цакъа-
дар гъести гІямрула адам риалри яра мурул адам ви-
алри, буиши, илизи се или тилидиикІусира? ВяхІ, вяхІ,
вяхІ... Балули ахІенра, сейкІусиралра. БекІ пикриби-
кІули ахІен, къагъаурли саби, — Алихай анда хІяршба-
риб. Рахли илис сунела гъалмагъла гъай гъандикиб:—
Марлира, ШапигІ викІусин, гъарил адамли сунела
хІянчи ахІил бала. Нуни мургъи-арцлизирад Раисат
рарес вирус. Дила илгъуна хІянчи саби. Раисат учи-
тельница сари. Илини сунела хІянчи ахІил бала. Или
хІебиалри, шила халкъли илала илцад хІурмат бирив?
Юх, хІебири», — илдигъунти пикрумала эргъи Алихай
хъунуйзи буриб: «ХІуни буруси бархъси саби, Аллиш.
ЖагІял Раисат жирара».

ЧудухинкІи дарнилис Аллишхъайс баркалла бала-
хъули, Раисатли камси заманалис Чанкур хъуливад

дуравхъахъес тиладибариб. Илини бегІтачил ихтилат бехІбихъиб:

«Чанкурличила, илала хІял-тІабигІятличила, хІушачирра камли ахІи, нура пикририкІулра. ХІушази дила пикри бурес гъачамцунра ахІи ралризуррагу, иш сагІятличи хІерли калунра. Уршиличила хІушани учительличил ихтилатбарни, дебали ахІси саби. Гъарли-марси советский хъалибаргла баркъуди саби. Ну хІушачи дебали разилира.

Амма, сецад хІейгеси биалра, бархъли бурес агІни-ли саби, Алихан: Чанкур таманни укъуи сай, илизивад адам ветхІерар ибси хІела пикри хатІала саби. Мар саби, Чанкурлизир гъачамлис дахъал нукъсандешлуми лерал. Гъайгъай, сецад дигули хъалли, ца яра кІел бархІили ил варсухъахъесра хІейрар. Амма къантІси заманала бухІнаб урасес хІейэси илала цалра нукъсандешра агара. Ил секІал сархес имканбикІур, хІушани ва нуша учительтани барх хІянчи барахІелли. Дила пикрили, иличи хІушара къабултира.

Чанкур укъуънилис дахъал сабабти дурес виар. ХІушала хъулибси тахІяр-къяйда ва уршила баркъудлуми пикрилизи касили, наб ишгъуна секІал бурес дигулра.

ДурхІялис гъала-гъалабси бяркъ бедлугути бегІти саби. Гъайгъай, цалра хъалибарглис, чула урши вайси ветаурли, хІейгахъу. Амма уржибдеш агарси хъалибаргли, чусра хабарагарли, уршиличи гъар бархІи вайла шайчиб асарбирули саби. МухІилила гъайличиб виштІасили баркъуди гъалаб чебиу. Ил секІал пикрилизи кахІесили, цацабехІти бегІтани урши мякълавли урхІличила вайси дев бурули, яра цаличи ца гъимбукІили, къалмакъар дирули бирар. Илини биалли уршилизиб урхІличила чедихІяртси ва балкІси пикри алкІахъу, илала хІял-тІабигІят бегІталайчи мешудиркахъу.

Наб хІушала пикри ца гъатІи ишгъуна секІайчи бахІчаэс дигахъира. Дудешли урши маймаварибхІели нешли лявирули, нешли маймаварибхІели, дудешли лявирутира бирар. Илгъуна хъалибарглизив, гъачамхІели дудешличил, гъачамхІели нешличил пайдалаирули, бегІтачи уршила хІер барсбирар, диги камдикІесдирхІур, ил укъулъан. Илдигъунти мисалти дахъал кес вири. Амма нунн бурси хІушани аргъилра или гъанбиркули саби. ХІуша неш-дудеш-ургаб чІумаси уржибдеш, урши-

личи цагъунти тІалабкардеш хІедиубцадхІи, хІуша гъар се-секІайзир бархъдешличи чекахІедизурцадхІи уршилис бархъси бяркъ бедес хІушаб имканхІебикІур, ил хІуша-чи лехІихъанхІейрар.

Амма лехІхІейхъуси уршилис бусагІят пакъасахъили дирхъули яра урухирули, ил вяркъес вируси ахІен. Иличи, Алихан, хІу шакикили ургуд. Уршиличила адам-личилагъуна къайгъи дакІубирес, иличил адамличилван гъайикІес, илала имканти пикрилизи касили, хІянчи хъарбирес, ил уркІичевирес агІнибиркур.

Чанкур устадешличи бурсиварниличила гъайдикІа-хІелли, ну ишбархІи уста Аличил ихтилатрикІули калун-ра. Селисалра гъалаб, уршилизир хІянчиличи диги адикъес агІнили саби. Ил хІебарибцадхІи, мухІлила гъайлизибад сегъуналра ахІдеш бетхІерар.

Алинира нунира ишгъуна секІал пикрибарилра»,— или Раисатли Алихайзи чула пикри аргъахъиб.

Раисатла ихтилатли неш-дудеш уршила гІямруличи-ла, илала къисматличила гъатІира мурхъли пикрибухъа-хъун.

Лерилрара-сера Раисатли дурибти чула гІямрулизир диубти ва дирути диъни балули, илди цІахбиубтин де-цІагили лехІкахъилри. Илдас цалис эргъи ца Чанкурла виштІахІелила бурхІни гъандикиб. Чула гІямрула цІяб-ти шалуи гІячихъдиуб.

БЯЧУНСИ ТІУЛЕКА

Чанкур верхІел дус таманиубли ахІенри. Хъулив чилра агарли анцІубукъунси ил дудешла устаханализи ацІиб. Илис се-биалра барес дигиаур. Илала уркІи сегъуна-сабрил халаси пахрули бицІиб:

«Дудешла агІниахълуми... Чидил чинаб пайдалаби-русил нуни балас. Нура виштІаси ахІенра...»

ЖанакІгъуна чІяртІа хъа алгъай шайчиб гІямзилаб бурдили гъачамцуна ахІи бучукибси пуша сабри. Пуша сецад заябиубли хъалли, Алихайс ил лайбакІес дигули ахІенри. Сунела дудеш убкІухІели, Алихан 10 дус сай-ри виубси. Илизи дуруб бедлугули, дудешли бурибсири: «ХІези дила аманат... лехІехъи... Хъуммартид, Алихан: ургъаннис — ярагъ, устас — дуруб чараагарти сари. ХІера ит пуша — илаб цІа кammaбирид. Иш устахана —

ишав хІу каммайруд...» Илди дугъбани Алиха уркІиличи халаси асар барибсири. ИлхІейчивадала ил — дудешла аманат гІямрулизиб дурабуркІули сай.

Пушала гъалаб гъар-чуйна цІа абалкалра, илис дудеш гъаниркусири... Илала магІни хІебалуси Чанкур буркъа пуша лайхІебикІули или, дудешлизи разиагарли гъайкІусири.

Пушалабад гавли бурух цІударбиахъублири, луцри виштІаси уршила хІегъбнубси цІуба хІеваличи мешулири.

БиштІаси улкъайла алгъай шайчи магІи рурчуси рас, илала мякъла мургъи-арц дитІикІути умцанти, цакъадар уди тІярхъибалтуси рургани черахІкахъилри. Улкъайла гъалабси столличир журуга, чІапси, хІябмузан ва цархІил журала мегълукуни, кІунтІби чІапси келпатан, къямцІа, бяхІани няхІедиахъес резинализи атІунти дурубуні, гІярала къаши (някъиш дирухІели ва секІал гъалагбирухІели, дакІибти арцла бутІни чукурдирес щеткала мерлаб пайдалабируси) ва цархІилти агІниахълуми лерри.

Чанкурли дудешла ваяхІлизибад къякъ, столла ящиклабад дубсила кесек касиб, ва пушала мякълабси убзала гІела кайиб. Къякъ хІяйна гъакІбарес левай, биштІаси устаханализив сай зурбаси, пагъмучевси захІматчи сайра или, гъанбикиб илис.

Гъар шайчив дудешличи мешуикес дигули, илини къякъ чебчебудуси тІамаличил къутІбикІахъулри, дубси ахъбуцили хІербирулри. ХІятта гъала-гъала илини тІулека барес къасбарили виалра, гъанна ил — тІулекаличила пикриикІули ахІенри: илала пахру чІянкІли сай халаси адамван — тяп сунела дудешван — узули виъниличі сабри.

Ахирра-ахир, дубси ца сегъуна-сабрил мяваличи мешубикиб. «ТІулека саби» ибси пикрили Чанкур разииахъуб. Илини мегълуки касиб ва тІулека гъалагбариб. Гъалакти пикрумазиб Чанкурли челябкъла гъала хиб. «Гъамли артельлизивад дудеш чарулхъан. Дила хІянчиличи разиирар. Ну кІапурцура... ГІур муцІур хІяна бухънабачил — машгърти устначил — нур артельлизи...» — ибти пикруми таманхІедиубли лерай, Алихан устаханализи ухІнавхъун.

Чанкур, дянгбухъунси тапван, убзала гІелавад харчизур. Сунени барибси тІулека чебиахъули, дудешличи

дугъаизур: «Тѳулека! Нуни барибси саби. Валлагъ, нуни барибси саби! Хѳера севан жагасил?!» — Чанкурли уктемли дудешличи някъ гъабатур. Хѳянчи гъарбизни-личи разили, ил гъеркличиикибсин гъайикѳес вирули ахѳенри, гъалаксаурлири. Амма гъайхѳейкѳалра, илис се бурес дигулил багъес къиянни ахѳенри: илала диштѳа-ти хѳулби разили лямѳѳидикѳулри, мухѳили пишбяхъилри, демжурти журуга дахѳ, ляжи хѳунтѳена гѳинѳличи мешудиркулри — ил сабурагардешличил хѳерлири... хѳерлири малхѳямси гъайличи, хѳерлири дудешла гап-личи.

Сепайда, Алихай Чанкурла уркѳи хѳергъиб. Илала багѳуси андаличир баѳунси хъучиргъунти тугъи дакѳу-диуб. Ил гъимукѳнила лишан сабри. Уршиличи вехѳизур: «Тѳулека бирару иш? Балкѳа мява! Хъутни умударес балули ахѳенри, тѳулека барес дигулри. Тѳуйзи къякъ чегибси биалри, ахѳсирив? Се биради? Бура, сен лехѳ-кахъилри, хъяша?» — Алихай уршила тѳулека муси лайбакѳиб ва къяш чеѳѳили бячун. Уктемли ахъбуѳи-си бекѳ Чанкурли михъирличи гѳяшбуѳиб.

УКЪУУН

Эргъила бархѳи бархѳехъ, артельлизивад лѳякъукад Алихан устаханализи аѳѳиб, ва къалабали се-сабрил биресииб. Сунес эргъи хъунулра уршила устаханализи бухѳнабухъунхѳели, Алихайс хѳейгули ахъиб. Илини хъу-нуйзи серил иб. Чанкурра нешра устаханализибад дура-бухъун. Нешли устаханала унзаличи мегъ чедихъибхѳе-ли, сен дудеш дебаирусири или, Чанкур разиагарли гъайухъун. «Ил хѳела къуллукъ ахѳен!» — нешли ил маймавариб.

Камси заманала эргъи чили-саррил Алиханхъала унза къутѳдариб. Чанкур харѳизур, ва унза гъаргдариб. Унзала гъалав унра, ухъна Ахѳмад, тѳашлири.

Чанкурлис халадудеш, Ахѳмад, дебали дигахъи: илини сунес кемпетуни луги, сай шадив вики, игитси урши сай или, гапири. Гъанна ил чучи вакѳниличи Чан-кур дебали разиуб: даг Ахѳмадли жинжирагъ барес гъай гибсири. Ил бархѳи илини жинжирагъ лебхниличи Чанкур вирхулри, сенахѳенну бурибси гъайлис Ахѳмад гъачамалра къянаубси ахѳенри.

Марлира, АхІмадли Чанкурлис жинжирагъ бедиб. Разииубси Чанкурли делхъдариб, гІур жинжирагъ беталтесииб.

Алихан чинав сая ибси АхІмадла суайс, Аллишли, ил камси гъалавван хъулилад дуравхъун или, жаваб бедиб. «БархІи ахІбиаб» или, АхІмад арукъес вализургу, Чанкурли, хІякала дуб буцили, тІашаиб. «Армакъяд, халадудеш. Армакъяд. Дудеш устаханализив тев. Нуни бусагІят илизи тІамадирис», — иб Чанкурли, АхІмад чучив калахъес къайгънаиркъули. ЦІахриубси неш, буреси хІебалули, аърахъиб. Илала талихІлисван, АхІмад тІашхІейзурли арякъун. Ил дуравхъахъес къалабарикІуси нешли къямцІа хапбариб, ва уршиличи рехІризур: «Агъ малгІун! ХІуни ну цІахраррагу. Ну дудеш хъулив агара рикІулра, хІу биалли устаханализив тев или вявикІулри. Чи сая хІези хъарбиуси? ХІела се къуллукъа? Сен мухІли хІебурцида?»

Хъуна вьвъала дакъибси Алихай устаханала унза гъаргдарахъес буриб: «ЖумагІ бархІи Жабраил Бакулизи аркъули сай. ЖагІял, бархІехъ, ил нушачи шадив кес пикрибарилра. Илала рурсилис бедес барибси саби иш мургІила тІулека», — Алихай жагали някъишбарибси биштІаси тІулека чебаахъиб.

Эргъиси бархІи Аллишли чумал журала хурегуни дариб. Замана аркъулри, гъар се-секІал хІядурлири. Алихан хІерлири. Жабраил аги. Ахирра-ахир, сабурагариубси Алихан, Жабраил лявкъули агарара или, улкъайлавад хІеризур. ДуцІли хъули чарулхъуси урши чеибхІели, ил рязииуб. Жабраил лявкъули тев или, хурегуни столличи кадихъахъес хъунуйзи буриб.

Хямкдарили унзара, Чанкур дагІван хъули ухІнаахъиб.

— Дудеш, ахІдеш буришав? — иб илини, писяхъили дудешличи хІерикІули.

— Бура, дила Чанкур, бура, — иб Алихай разиси тІамаличил.

— Нушачи Жабраил лявкъули наб гъунчив цугикиб. Нуни дудеш хъулив агара или бурибхІели, ил гІелачариуб.

Уршила гъайли тамашаахъубси Ахиха някълизибад чегъирла графин батбухъун, бутІа-бутІабиуб ва бай хъулиб чягъирла хІеркІ бухъун. Гъимидухъи Алихай уршилис дикахъиб.

Висес вамсурли, Чанкур вахъИи пикриикИи: даг дудеш устаханализив тев или бархъдеш бурибХели, сай маймавариб; ишбарХи ил хъулив агара или къяна бурибХели, сунес дикахъиб. Гъанна се барили сай бегИ-тас ахИси ветарусил, Чанкурли балули ахИенри. Ил бегИтала гъайличи лехИХейхъаниуб. Укъуун.

ШАГЪАРЛИЗИ ВЕЛОСИПЕДЛИЧИ

Чанкур хИябъибил класслизив учИулри... БархИехъ ил къацИли хИевкун. Гъайалра хИеили, кроватьличи кай-хъун.

Паргъатагарриубси нешли се биублив, се изулив или, уршилизи хъарбаиб. Амма жавабла мерлаб Чанкурли кИелра някъли бекИ гъяжбариб, ва нешличи хИеризур.

— Чичил-биалра къалмакъар дарили хИейиши рах-ли? — нешли Чанкурла бекИличибад някъ хИяршбариб.

— ХИедарира.

— ГИур се биубли, гъатИи, хИед?

— ХИебалас. БекИ изули саби.

— ХИу къацИли хИевкунХели саби ил изуси, — иб нешли, урши ухахъес къай-гънарикъули.

— АхИен.

— Белики хИед сегъуна-биалра цархИил хурег ди-гули виишигу? Хайнига ба-ришав?

— Мабирид.

— Бурт гишав?

— Малугад.

— Варъа дигив?

— ХИейги! ХИейги!! Сел-ра хИейги!!! Набзи гъайма-рикИуд, ну паргъатли вата-

ба, — или Чанкурли нешлис къакъбариб.

Ил дуги Чанкур усхИеун. Илала цИумла тИамали неш-дудеш гъачамцунра ахИи чебаргъахъиб.

ГИяручИла биухИели, Чанкур дазуагар гъайли гъай-ухъун: «ПахИли уэн! АгИнили ахИен. Изули саби... вай... ХИела велосипед се бариша наб? Набра ису, вай, дила бе-е-екИ... Велосипе-е-ед».

Илди гъайла дакъили, урши дагърилизивад ухъи сай



или, неш урухриуб, кІантіракиб, ва биса хІилхІитІа-
шаиб. Ил Чанкурличи гѣамриуб, лѣврухѣун:

— СейкІусири хІу, дила ахІер? Се велосипед саби
хІуни гѣанбуршуси?

— Ит Кѣасумлагѣуна велосипед... — иб Чанкурли
висусила тІамаличил.

ХІедра илгѣуна велосипед дигули вишигу?

Чанкурли жаваб хІебедиб, вай дила бекІ или, висе-
сииб. «Вари висмайсуд. Висмайсуд, дила урши, — неш
гѣатІира кѣайгѣичерли лѣврухѣун, — «Чумал бархІили
дудеш МахІячкѣалализи аркѣуси сай. ХІед велосипед
асахѣес илизи тиладибирис. ИлхІейс хІу араируд. Вело-
сипедличив шадив вашуд».

Чанкур загІипли ахІенри. Ил кѣацІли хІевкнила ва
бекІ изули саби или хІиллумази визнила сабаб велоси-
пед сабри. Кѣасумла сагаси велосипед чебаибхІели, или
ни бегІтази сунесра илгѣуна велосипед асахѣес кѣас-
бариб. Сунела тилади бегІтани мурт-биалра бартарахѣ-
ни, Чанкурли балулри. Амма илис вахѣхІи хІерли кайѣс
дигули ахІенри. Илини пикрилизи касилри, сай загІипи-
калли, бегІтани сунес кѣуллукѣ имцІабирни, сунела
гѣайличи илди, хаслира неш, ахІил лехІихѣни, илдани
сунес дигуси бирни. ХІера, илкѣяйда сабри гѣаннара.

Савли Аллишли муруйзи буриб: «ЗагІипсила уркІи-
лис дигуси хІебаралли, илала изала гѣатІира цІакѣби-
рар или буру. ХІечиркѣадин рубкІус, уршилис ца вело-
сипед аса. Ил изай кѣагѣарили сай. Амма кѣагѣхІелира
велосипедличила гѣайкІули сай». Алихай уршилис
велосипед асес гѣай бедиб.

Сай загІипли виѣниличи бегІти таманни бирхаахѣес,
Чанкур ил бархІи савлира дубхІетур, школализи хІя-
кѣун. Амма гушиубси ил, неш-дудеш хѣулибад дурабу-
хѣайчи, хІерлири.

Дудеш артельлизи, неш шичи арбѣякѣун. Чанкурли
тарумлаб берцІибси журуга бехІцІури касиб, ва, чучи
чи лѣвкѣянал улкѣайлавад дигІянали хІерикІули,
укесахІиб. Шичирад чаррулхѣуси неш чераили, ил
кѣалабали кроватьличи ацІиб ва юргѣайу дигІяникиб.

ХІерейс Чанкурли, неш-дудешличил варх кайили,
чумал хинкІ атІун. БархІехѣлис кровать бархѣбатур —
«арауб».

Алихан МахІячкѣалализи укѣес 3 бархІи сарри ка-
лунти. Чанкурлис дудешличил варх шагѣарлизи укѣес,

Каспи урхъу ва поезд чедас, иличибра имѣали, сунес асибси велосипедличи аѣили, хъули чарухъес дигиатур. Сецад тиладикиѣули хъалли, дудешли сай, дурсри дархъ-датахъурли, шагъарлизи хѣкни балули, Чанкурли дудешличи цараван асарбарес пикрибариб.

Ца бархѣи, школализир дурсри таманхѣедиубли лерай, ил — хъули чарухъун. Иличила багъурли, Алихай урши маймавариб. Амма Чанкурли дудешла гъай пикрилизи кахѣесиб. Илала дуравадра, школализи укъян или дудешли бурибхѣели, илини «Гъанна 3 дус гъарэргъили ну вашулрану, гъачамалра ил хѣура укъян» или жаваб бешиб. Илала чурхси жавабли дудеш сабурагарилахъуб. Алихай уршилис дикахъиб, ва хѣянчиличи арякъун.

Чанкурли нешлизи буриб: «Дудешли ну шагъарлизи укалли, цалра бархѣи камхѣейубли школализи вашус, ахѣил учѣус. Хѣевкалли, гъаннала эргъи школализи къяш кахѣейѣис».

Урши варсяхънила сабаб Аллишли муруйзи аргъахъибхѣели, ил гъатѣира дебали гымукѣиб ва Чанкурличи вехѣизур: «Хѣу, къурумсакъ, я шагъарлизи хѣекури, хѣед я велосипед исхѣейсис. Амма, ца дабрила кѣелра къяш каѣили, школализи вашахъури. Аргъириб? Хѣед ну урухарес дигули валанри? Юх, ил бетхѣерар. Жагѣял шала шишдухъниличил школализи хѣевкъядли, чебиахъис хѣед нуни, се бирисал».

«Жагѣял хѣуни бируси нуни гъанна бусагѣятал балас: хѣу сецад ургъули хъалли, ну школализи хѣякъяс. Хѣуни наб диркахъид. Ил гѣячихъси саби. Ну висикайрус. Неш ургарулхъан. Нешра хѣура цаличил ца дарсдирхъуда, гымдуркѣуда. Ну увулхъас,» — пикриикѣулри Чанкур.

Марлира Чанкурла пикруми гъардизур: эргъиси бархѣира ил школализи хѣякъун. Амма сай шагъарлизи аркниличи умут бетихъули ахѣенри: «Дигахъув, гъатѣи, дудешлис ну школализи хѣешули? Юх, хѣейгахъу. Хѣебиалли, нуни шагъар чебиис.

Алхѣят бархѣи, Алихай чемодан някъла касибхѣели, Чанкурра дудешличил варх дуравхъес вализур. Дудешли, «къяш майѣид!» или, иличи вѣвбяхъиб. Чанкурли виругѣев чѣярбяхъиб ва, чемодан буцили, дудеш тѣашаиб. Нешли урши шагъарлизи укахъес муруйзи тиладибариб.

Алихайс уршила биса ва нешла тилади анцІдукъун. Бареси хІебалусин аъкяхъиб. Вачавархиб. «Жагъан-наблизѣ викабину хІу, ваши», — Чанкур шагъарлизи арукиб.

«НАБ АМИНАТ ХІЕБИКІАР»

Шагъарлизивад чарухъи эргъи Чанкур ахІил учІар или, Алихан паргъатлири: марлира, дудеш хъуливхІели илини някълаб жуз камбирули ахІенри. «ХІера урши гІякълуличиикили сай», — иб дудешли разили.

Амма хІякъикъатлизив биалли Чанкур ахІил учІули ахІенри. Дарс бучІухІели, ил бяхъили велосипедличила пикриикІулри. Велосипед бикес сай ца бара бурсирули виалра, велосипедличив чичил-дигара абзиркус или, илис пахрукаберхур. Илини Къасум абзличи живариб. Сепайда, Къасумли сай километрла гІелав ватур. Сай цІахиуб. ГІе, цІахиуб. Амма Чанкур или ухъІевъар. Седигара биру — Къасумличив чедииркур.

Илдигъунти пикрумазив Чанкурли бучІусила магІни иргъули ахІенри, дарс багъурра или, дудеш виргІяиргили, жуз лайкабикІулри.

Чанкур сай шагъарлизи вякъунхІели дархъдатурти дурсри дагъурли бекІиэс вирули ахІенри. Илис хаслира къияндулхъулри арифметикала мисалти: «Чула вегІ вацІализи вебшарти, ишди мисалти. Лерилра цаличил ца дархдаси сари. Гъалабадси мисал хІерзалли, се барили хъалли, гІелабадси арзес вирули ахІен. Тяп устала някъишгъунти сари».

Чанкурла дневниклизиб кІила къимат чебаили, Алихан вачавархиб. «ВахІ! Иш се анцІбукъ саби, урши? Гъаннара хІу вайтІа учІули валанри. Се биубси хІед? Сукъурлирив? ГІянцІлирив? Яра ухънаваили къакиублирив? Сен гъайхІейкІулри?!» — или Алихай урши маймаивариб.

Ца бархІи Чанкурли хІябал кІила къимат касиб. Дудеш сунечи къяркъли вехІилзни балули, «цІали дигаба хІуша» или, кІила къиматуначи лагІнатбушили цІа удихъиб.

Чанкурлис гъанбиркулри, дневник бетяхъиб или дудешлизи бурили, анцІбукъ сай маймаиварниличибли таманбирар или. Амма сунела гІямултачи дудеш шакикиб,

гъимукІили буриб: «Укъянну, бусагІят дневник ха. Іл хІебарадли, хъулив хІелтари. Къалабаанки!»

Сунес вайтІадиркни балули, Чанкур висивииб. Урга-рухъунси нешли ил кІапуциб, Алихайчи дугъарилзули, разиагарли гъайрухъун:

— Се аллагъла балагъ сайсирив хІу? Даим ургъулри, пяхъикІулри. Пулан адамла урши виалри, буиши!

— Аллагъакаб сунечину, сен хІевчІуси, гъатІи, ил?!

— УчІес леву иш — сецад назиклил чехІейулрив? УркІецагарси! Даим учІалли, чархлис вайтІа бирни, хІебалулрив?

— ХІерагу, гъари, хІуни руили раланри иш учІахъес хІелтуси. Урши назикли сай, ити сай, иши сай.. Се сабабти сари илди? ХІези нуни чІумали балахъулра: гъаннала эргъи Чанкурли цалра кІила кымат касалли, жаваб хІезибад тІалаббирис. ЧІянкІли — ил хІезибад! — сабурлизивад улхъули виъниличи шакикили, унза хямкдарили, Алихан дуравхъун.

Іл дуги неш-дудеш цаличи ца вайтІа хІербикІи. Нешла дугъбас дудешли гІе, юх или къантІли жаваб чарбирулри, яра, илала гъайла хІедакъибсин, сегъуналра жаваб хІебедили, лехІкайхъулри. Илдала дахІла хІерикІуси Чанкурли гъар се-секІал пикрилизи кайсулри. Илди цаличи ца гъимбукІинилис сабабла вегІ сай виъни балули, Чанкур, бареси хІебалули, къакъавакІилри. Масхурта угъес я дарс белчІес иштахІ аги. Илис анцІбукъири...

Бачабархибти неш-дудешли Чанкурличила хъумкартурлири. Чанкур вайтІа учІинилис дудешли неш гІяйибларирулри. Нешли Чанкур илгъуна варскъа ветаънилис дудеш гІяйибларирулри. КІелра саби лехІкахъниличи Чанкур разили ахІенри. Гъарил вегІ-вегІла пикрумазибри.

СагІят 8 хІедикили лерай, анкъила ца шайчи герухъи, Чанкур усаун. Цалра дарс хІядурхІебарили, савли школализи арякъун.

Мисалти хІедарили или, тетърадлизиди учительли цала кымат кабатурхІели, Чанкурлис дудеш гъаникиб. «Жаваб хІезибад тІалаббирис» ибти нешличи дахІчаибти илала дугъби Чанкурла лихІбагІир дамла тІамаван зайдухъун.

«Иш тетрадь чебаалли, дудешли наб диркахъу, неш-

личил кълмакъар диру. Хебалас, се бирусил...» — пикриикІулри ил.

Дурсри тамандиубли эргъи Чанкур къалабали хъули чарухъун. Хъулив чилра агниличи разиубли, сумкалад ад баягъи ит арифметикала тетрадь дурасиб.

Резинкаличил цала кымат буун. Касили хІунтІена къалам, цала мерла 5 кабатес вализур. ИлхІели хапли хъа унза гъаргдиуб. Рахли дудеш ургар или уркІухъи, Чанкурли тетрадь дигІянбарес къасбарибгу, унабурхІличирси неш риъни рагъурли, рахІятдешла гъигъбатур ва сунела баркъуди даимбариб.

Тетрадьличи гІяшиубси урши чеили, неш иличи дугъаризур:

— Чанкур! Се бирулри, ахІерси?

— Дудешлис «шел» кабалтулра, — иб пахруличил Чанкурли, сунени кабатурси кымат чебиахъули.

Уршила гІямултачи шакрикили, неш пишряхъили лехІкахъиб. Гъалаксаурси Чанкурли сунела гъай даимдариб:

Гъанна къалли дудеш набчи разиирар, хІейрару, неш?

Амма нешли жаваб хІебедиб, гІелахъули рухІнарухъун.

Чанкурла дудеш бурибси гъайличи чекайзурлири. БархІехъ илини уршила тетрадуни касиб, хІердариб. Баягъи ит «5» кабатурси тетрадь дудешли гъаргбарибхІели, Чанкур паргъатагариуб. Илала дяхІ демжур, хІулби лямцІдухъун. «Нуни... нуни ахІен «шел» кабатурси... валлагъ...» — или чебчебудуси тІамаличил Чанкур гъайухъун. Иличи шакикибси Алихан, лихІи буцили, урши хъулилад дуравшес вализургу, нешли ил барахъес хІетур. Алихан гъимукІиб ва хъунуйчи вехІизур:

— ХІу се рикІусири набзи? ХІед се дигусири? ХІуни урши укъуи, гъанна набзи гъайрикІес цІаххІебилзулив! ХІяяагар!

— Нуни укъуи риасли, хІуни гъунчиуша. ХІукІун дудеш сайри.

— Нуни се барес агІнилил, хІези хъархІебиис. Чизилра хъархІебиис!

— ХъархІебиадли, сунела мерлав уршира ватину, хІура паргъати.

— ВахІ! МуртхІейчирадала бурсириубсири хІу наб буйрухърикІес? ХІуни наб мурулдеш дарес дигули

хІерииши рахли? Амма хІуни аргъа: наб Аллиш хІеби-
кІар. Дила бекІличиб гъачамлис кІана ахІен!

Муруйчил сунела жал дугІла биъни ва, се биубли
хъалли, илини сунес дигуси ахІи, хІебирни балули
Аллиш лехІкахъиб.

Неш-дудеш саби-ургаб къалмакъарли биркъесбииб-
хІели, «хІера ил сабри набра дигуси» или, Чанкур хъу-
ливад дуравхъун. Илдала жал таманбиайчи, сай мягъ-
лав кахІели хъалли, дудеш чедииркни Чанкурли шелра
тІуйчиб ункъли балулри: илдигъунти къалмакъар иш-
бархІи бегІгъалар ахІенри диубти. Илди тамандири неш
рисириъниличирли яра, дудеш паргъатийчи, хъулирад
дуарухъниличирли. Илала эргъи чумал бархІи дудеш
(чІянкІли ахІли бакІибхІелицун халхІебаралли) нешли-
зи гъайхІейкІи. Неш илис лярвикІи. Чанкур сунес ди-
гута виркъи.

Гъаргала дуравхъунси Чанкур сунечил бучІути
дурхІначил цугикиб. Илди селичила-сабрил гъайби-
кІулри. Чанкур чеибхІели, классла староста Аминат
разириуб, ва буриб:

— ХІябилра ахІси барри, Чанкур, иша вакІили. ХІе-
рейс хІези бурес хъумартурлира: жагІял Къасумлира
хІунира класс умубируси саби.

ИлхІяйзив сен сайрил Чанкурлис дудеш гъаникиб.
Нешличи гымукІибхІели, илини дурути гъай уркІила
дакІиб.

— Класс умубирес дила бекІличиб гъачамлис кІана
ахІен! Наб я Аминат хІебикІар, — вявбяхъили, Чанкур
гъалмагъуназивад декІарикиб.

ДурхІнас гъарахъли ахІи шалгІевулхъуси чидил-сай-
рил мурул адамли, Чанкурла гъайла дакъили, буриб:
«Дудеш валусини, чила урши сайвара или мажахІят
бурес».

«ИЛИ БИЭС ХІЕБИРАР»

Чанкурла виштІахІелила бурхІнани Алихайс сунела
дурхІядеш деркІибти гІямру гъандикахъиб. Илала уркІи-
личи дахъал декІардекІарти пикруми дашесдииб. Ил су-
нела гІямруличи сай разиагариуб...

Марлира, се разидеш бируси? Алихан 8 дусра танан-
хІейубли левай дудешли илизи къуръан дяркъяхъес

кьасбариб. «ВерхІел дус виубли эргъи, дурхІя дахІиба-ла дирес бурсихІейалли, ил кавшес бегІтазиб ихтияр лебси саби или, табтуртази белкІи саби. ХІу, хІяжар биалли, 8 дус виублири, амма кьулгъу-алхІямалра да-лули ахІенри», — вехІилзи иличи дудеш.

Алихан малла АлихІяжичи мижитлизи вашесииб. Сайгъунти цархІилти дурхІначил варх илини чула магІ-на сегъуна сабил хІебалуги дугъби маллас эргъи тикрар-дири. Ца хІярпалра балкІли буралри, маллани зярхІя мурчІ кайси ва диркахъи. Алихан гъачамцун ахІенри дахІличир мурчІла хъанцІа тугъачил кьудкьули сим-кьикІули мижитлизивад хъули чариубси. Динничичекай-зурси дудешли маллачи сегъуналра гІяйиб хІебири. Иличи ургІевли, «илра камли саби хІед, хІяжар» или, хъулив сайра уршиличи вехІилзи.

Алихай бекІлил хъумхІерт, сунени серил вайтІа аргъили или, АлихІяжини сай, лихІби дуцили, мижит-лавад дуравшниличила. ИлхІели Алиха кІелра лихІи хІилидашесдибтири. Илала эргъи гъар лехІиличи някъ бухиб-чуйна, Алихайс АлихІяжи гъанирки, илала гъими рурхъесдири. «Мурт-биалра чеббицІес хІебикесара?» ибси пикри, дусми аркьули хъалли, илала бекІлизибад бетихъули ахІенри.

Алихан 10 дус виубхІели, дудеш вебкІиб. ХІябалра дурхІя нешла цадехІ някъбачи хъарбиуб. Белкъайчи беркес къацІ я чегъес палтар агарли, илди къарциндеш-лизиб хІербирулри.

Рахли ца секІай Алихан тамашаахъуб. Гъалаб су-нечи итцадра къяркъли вехІилзуси малла, дудеш веб-кІила эргъи, сунес лявикІулри, илини цархІилти дурхІ-ни-ургав сай гапирулри. УркІичевиубси Алихан гъатІира ахІил учІулри. Ил аллагъ левси виъниличи вирхаур.

Алиханна нешли маллала дурхІнас кьуллукъбирес чесилри. Маллачирад чаррулхъухІели, илини сунела дурхІнас къацІ, цацахІели диъла бутІа, нуси дихулри.

Малла сунечил малхІямли гъайикІнила ва неш суне-чи хъули рашахънила сабабличи Алихан къанниван шакикиб. Алиханна неш шилизир жагадешлис рурибси хъунул адам сарри. Малла жявхІяйчивадал иличи хъу-ликІусири.

Сунела дурхІни гашазибад хІебебкІахъес Алиханна неш сегъуна-дигара хІянчи барес хІядурлири. Амма мал-лани риргІяриргибси илини гъандуцес хІериуб: маллачир

рузухІейчирадал урчІемъибил базлизир ил, сунечи сунени набт чертІили, цІали ригуб.

Алиханра кІелра узира халанешличи хъарбиуб. Гъачам гушбирули, гъачам биргІули язихъбиубти Алиханна биштІати узби неш цІали ригубси дуслизибал бекІиб. Алихан цункавхъун. Къарциндешлизир цалис эргъи ца дусми ардякъун.

Алихан 16 дус виубхІели, ну рухънараилра, хІед къуллукъбирес рирули ахІенра, хъулир хъунул адам агІинили сари или, хананешли Алихан Аллишличил хъайчи катур. Мекъ барес гъалар Алихай Аллиш чи сарил ралуси ахІенри я хІулбани чераибси ахІенри.

Мекъ барибси бархІи, Алиха талихІлисван, Дагъистайзиб Совет хІукумат чедибикнила хабар лерилра шимази тІинтІбиуб. Дусми аркъуцад гІямру ункъдикІесдииб. Шилизиб мургъи-арцла устнала артель акІуб. Алихан уста ветаур. Лебилра халкъливан, илинира къарциндешличила хъумкартур. Амма, цацабехІти дагъри камти адамтиван, Алихан урла дуркъа гІядатуназивад, хаслира динна асарлиувад, таманни азадиубли ахІенри.

Динничила Алиха пикруми таманни дарсдиуб 1941—1945 ибти дусмазир.

Гъар се-секІал душмайчилси дявилис бахІчиули, къия халкъ къарцинни хІербирулри. Гашазибад хІебебкІес адамти къарли букулри. Сегъуналра хІянчи хІебируси малла АлихІяжи биалли лебилрайчив ахІил хІерирулри.

Гашазибад ва изайзибад бахъал адамти бубкІулри. Адам вебкІалли, малла жихІерес чина гІямала! ГІядат саблин, гъар вебкІибсилис ил 40 бархІи савли ва бархІехъ хІябрази къулгъуличи ваши. Илала «къиян» дугІли архІебаши: цархІил селра бедеси агарли, илис къанилабад декІарбарили, уршила яра рурсила мехълис хІядурбарибси чІянкІи палтар дедлуги. Қамси секІал бедалри, ил гъимуркІи, «дила къиян лайикъли къиматлахІебарадалли, хІуша аллагъла бунагълиу диркуда» или.

40 бархІила бухІнаб шилизиб камхІисабдан 2-3 адам бубкІулри. Малла АлихІяжила мурадра ил сабри. Илала дурабадра, мерс дакъалри яра сегъуна-биалра хабар акІалри, дагъри камти адамти, табтарлизи се белкІил хІеръахъес, малла АлихІяжичи дуцІбикІи.

1944 ибил дуслизив Гитлерла гъармукабачилси дергълизив Алиха урши Чанкур вебкIиб. Ил хабарличила багъурли, Алихан хIянчиличивад чарухъун. Бай хъули кайили, хIяна муцIурра хIяршбирули, учIуси малла АлихIяжи чеибхIели, Алихайс дунъя цIяб-цIударбиуб, ил сабурлизивад ухъун, хъямики муцIур буцили, малла ахъуциб. «Агъ, канихъус! ХIу дила унраличив сайри. Амма Чанкур варкъили багъурхIели, унабурхI хIехъири. Гъанна ил 4 дус дургъбазив ургъули тевли хъалли, кагъар башулив или хъархIебаири. ВебкIили багъурхIели биалли, дуцIухъири. ПахIли уэн! Халкъла душман!» — или АлихIяжи дуравшиб. ГIур ил музабухъунти адамтачи дугъайзур: «ХIуша набчи гъиммадуркIудая! Халаси баркалла! ХIушала пашмандеш нунни ахIил аргъилра. Гъанна дардикIинилизибад ахIдеш агара. Дила урши вебкIили сай. ВебкIили сай, ВатIан балтахъули, ну ва хIуша далтахъули. Неш-ВатIан багъандан ва халкъ багъандан нушанира жан ахIерхIедирехIе. Амма ишбархIи, дила гIямрулизиб бекIлил хъумхIерте-си бархIи, дила урши вебкIиниличи разиубси, ит канихъус малла ахIи, шилизив гIур цалра адам агара. Нунни ил дуравшира!»

Илала эргъи АлихIяжи хъуливад дуравхъунси ахIенри. ЖумягIла ухIнав ил вебкIиб.

Илди бурхIназив сайри Алихан диннизивад къябвердибси. Илини аргъиб, динни халкълис сегъуналра ахIдеш хес хIебирни, халкъла гIямру вавалидыхъяхъибси ва талихIчердарибси Совет хIукумат биъни. Илала уркIи, чятлизибад умубиубсин, шалабиуб. Илини сунела кIиибил иршилис дергълизив вебкIибси халал урши Чанкурла у бедиб.

5—6 дус виайчи бегIтани Чанкур сегъуналра къияндеш агарли айкъур. Уршилис бархъси бяркъ бедес багъандан, иличил акIубхIейчивадал белгиси хIянчи бирес агIиниси биъниличила илди гъалаб гъачамалра пикрибухъунти ахIенри. Гъанна, урши укъуунхIели, илди, бареси хIебалули, аъбяхъилри.

«Марлира, халаваибхIели, Чанкурла гIямрура дилаван тIагIям-агартили детарару? Юх, или биэс хIебирар. Или биэс хIебирар,» — Алихан дуги-хIери уршила къисматличила пикриикIулри.

«АБЗ ДАИМБИРЕХІЕ»

Бузерила дарс таманбиубли эргъи, Чанкурра Мажидра тІашаили, уста Алини буриб: «БелчІудила дуслакІиибил четверть таманбиэс кІел жумагІ сари калунти. Гъанналаурван къайагарли някъишдикІадалли, хІушаб нуни ахІти къиматуни кахІедалтас. Къасбарадалли, калунси заманала бухІнаб хІянчи ахІбухъахъес дируда. Дурсрачирцун ахІи, гъар бархІи сагІят-кІел сагІят хъулирра някъишдикІес агІнибиркур. Или хІебарадалли, хІуша устадешличи бурсихІедируда.

ИшбархІи итни бархІи саби. АрбагІ бархІи дарсличи ляркъухІейс ишди кІи-кІел дубси, къалабахІедикІули, диубцад ахІил някъишдарили, чардарая. ГІур се барес агІнилил, пикридулхъехІе».

Уста Алини кІелра барх тІашаъниличи Чанкурра Мажидра бекІил разили ахІенри: савли арифметикала дарсличиб Чанкурли кІила касибхІели, Мажид дука-рирхІусири. Перерывличиб кІелра илди, цаличи ца бехІбизурли, къалмакъар дирули, хІилхІи калунтири. Гъанна биалли чучи цагъуна хІянчи хъарбарили саби. Барх школализибад чарбулхъули саби.

Чанкурлайчиб сунела хІянчи ахІил бетерхахъес, Мажидли ил виргІявиргес къасбариб:

— Ца байхъала сагІятли кІелра дубси някъишдарили, шадив дураулхъас, — иб илини, Чанкурлизи ил барахъес, къалабаикили някъиш заядарахъес дигули.

— Или барадли, жявли кІила къимат кабатес хІед, — иб Чанкурли вайдеш уркІилабли, хІятта бусагІят сунени илис кІила кабалтусин.

— КІила касес ну Чанкур хІейиша, — иб Мажидли, баягъи савли илини касибси кІила сагадан гъанбиркахъули.

— Илцад пахручев хІейадра, хІуничир нунира вай-тІа някъиш хІедирис.

Мажидли «фув» или шятІбушиб ва буриб:

— Нуниван някъишдарес балуси виадри хІу, гъайи-кІадлира, буиши.

— ХІу къалли хІу сайри, хІела дудешличибра ахІил балас, — или Мажидличи чевхъес хІядурикІули, Чанкурли сумка муси лайбакІиб.

— ХІердикІехІе, — гъай къантІкадарили, Мажид арякъун.

Сунела гъими ахъес Мажидлис хІядяхъниличи вачавархили, Чанкур хъули чарухъун.

«ХІечил абзикес хІейасли, нур урши ахІенра» — или Мажидличи дугъаилзули, Чанкур дудешла устаханализи ацІиб. Дуруб някъла касибхІели, илис уста Алила гъай гъандикиб: «КъалабамайкІуд. ХІянчи чум бархІили барибси или суалхІебикІарну, чили барибси бикІули бирар. ХІердикІехІе чила хІянчи ахІсил». Гъалаб чучи сунени сегъуналра пикри бахІчихІеибти илди дугъби гъанна Чанкурла уркІилизи мурхъли атІири. ХІянчили-чи вехІихъес гъалав ил вахъхІи пикриикІули калун. «Рахли дила хІянчи вайтІа бетаалли, се или гъайикІусира? Юх, сен вайтІа бетаруси?! Мажидла-декІар муккри теру, илра нугъуна урши виалли», — сунени сай уркІичеварили, ил узесииб.

Устаханализив Чанкур чеибхІели, Алиха дахІ шаладиуб. Илис, бархІехъ артельлизи вакІили, уста Алини сунечил барибси ихтилат гъанбикиб. Ил викІи: «Мажидлара Чанкурлара имканти цагъунти диъни пикрилизи касили ва саби-ургабси разиагардеш пайдалабирули, илдас цагъуна хІянчи хъарбарира. КІелра илди цаличил ца абзбиркур. ХІуни урши гІевуцес, уркІичевварес агІнибиркур».

Чанкурла бекІличибад някъ хІяршбирули, Алихай буриб: «ХІерагу, севан ахІил бурсирулрил: гъанналаур хІуни дарибти някъишличир ишди кІинали ункъли сари. Къасбара, къасбара.

КІинайс някъишдирухІели, ишгъуна секІал хъуммартид. ХІерикІен, гъари, иша, иш някъишла дуб чебиулрив, ца мерлаб багІули, ца мерлаб гъярцІли къиббарилри. Къайгъибарадли, хІу жявли гъунчииркуд».

Дудешла насихІятличи лехІихъули, баягъи ца някъиш Чанкурли авна-шуйна сагадан бариб. БерІла ахІил бетаурси някъиш, уста Алинира ил гапбирниличи умутбихъили, арбятІ бархІи школализи бухиб.

Алини, кІелра уршиличи хІерикІули, буриб: «КІилалра хІянчи цакъяйда саби. ХІера, ихди нукъсандешлуми халдарили, хІушаб хІябла къиматуни кадатес лайикъли саби.

Гъанна хІушаб цакъадар къиянси някъиш лукІас. Чидилли ахІил баралра, илини ахІси къиматра кайсу».

Мажидлара Чанкурлара жал гъатІира дебали бемжур. Чанкур гъар бархІи 3—4 сагІят някъишикІулри.

Дудешли дубси каберхурхѐли, лацла бахѐличи чебахѐ-
кахѝбси дубсила тѐас касили, някѝшикѐсииб. Ил,
сен-сен някѝш баралли ахѐил бирара или, дудешлизи
бяхѝли суаликѐулри...

Савли дурсри дехѐдихѝес лерай, лебилра дурхѐни
школала гѝала чукурбиублири. Илдани Чанкурлара
Мажидлара някѝш ахтардидирулри. Хѐера, лебтанилра
Чанкурла хѐянчи вайтѐа чебаиб, Мажидгапвариб. Децѐ-
агибси Чанкурли чѐярбяхѝиб — хапли муэрлизивад
чевсаргѝиб. Рахѐятдешла гѝигѝра батурли, ил кровать-
личивад айзур. Спичка абалки, сагѐятличи хѐеризур;
бай дугила эргѝи кѐел сагѐят сарри дикибти. Гѝачам-
лис жявли саби или, ил кайхѝун, амма усаѝс хѐейуб.
Муэрлизиб гѝалмагѝ дурхѐнаниван хѐурцѐлизиб уста
Алинира сунела хѐянчи вайтѐа чебаѝсгу или, ил урух-
кѐулри. Илдигѝунти пикрумани паргѝатагарарибси
Чанкур айзур. Хѝулибси ва устаханализибси лампани
адалки, столличи кадизур. Някѝшикѐсииб.

Иличи шакрикили, нешли буриб: «Абдалиублирив?
Шанти бусухѐели, чи хѐянчили виркѝура? Кайхѝен, хѐе-
ла кѝайгѝи барану. Хѐулбас шала лебхѐебиалли, чарх-
лис рахѐятдешалра леббиѝсну».

Дудешли неш лехѐкахѝахѝибхѐели, Чанкур разиуб.
Алихай хѝунуѝи дигѐянали буриб: «Вати, вати, гѝай-
марикѐудну. Ца дуги гѝанкѐхѐхѝили или, селра хѐеби-
рар. Школализивад чарухѝи эргѝи, усес вирар. Хѐянчи-
личи илала иштахѐдухѝи сари. Ил уркѐиагарарес асу-
хѐебирар».

Алихан айзур ва, хѐянчиличи урши гѝатѐира гѝира-
чевирули, иличил варх узесииб. Сунела гѝайли Чанкур-
личи лайикѝси асарбирни балули, илини буриб: «Уста
ветаѝс халаси кѝайгѝи ва сабур агѐнити сари. Ил се-
кѐал хѐуни ахѐил аргѝилри, дила урши. Амма, се биуб-
ли хѝалли, уркѐила халаси пахру камабурхахѝид. Хѐела
хѐянчи урхѐли кѝиматлабарахѝа. Хѐу лехѐкахѝи. Эгер
гѝачам хѐчила хѐу гапухѝадли, гѐур гѝалавахѐи вашес
хѐейруд. Хѐед нуни ишгѝуна ца хабар буриша.

30—40 дус гѝалав шилизив ца машгѝурси уста вири.
Илини чебетаахѝили ва сецад-дигара ахѐил хѐянчи бири.
Амма, чинав виалра, ил даим сунечила сай гапикѐусири.
Сунела устадешла дигѐянадешличила илини хѐятта
дурхѐназира буруси ахѐенри.

Ил цалра адамличи шадив хѐеши, я сунечи цархѐил

хІешахъи. Дунъяличив сайгъуна уста гІур ахІелкІан или гъанбиркулри илис. Амма халкъ-ургаб пагъмучебти устни цара-кІелрацун ахІенри.

Гъачам гумайлав, сунела устадешличила гапикІуси баягъи ил машгъурси устачи дугъаилзули, ца жагъил устани буриб: «ВеГІличила веГІ гапикІни адамла ахІти шалубазибад ца ахІен. ХІера ил сабабли лехІкахъибти, амма хІуничиб ахІил хІянчи барести устни шилизиб ил-цад камли хІебургар».

Жагъилла гъайли машгъурси уста гъимукІахъиб. «ХІу се балулра или пугъикІусири, дила урши?» — или илини жагъил дукелцІиличиихъес къасбариб. Амма жа-вабла мерлаб жагъил устани кисалабад дуруб дурасиб ва машгъурси уста абзличи живариб. Жагъилли мур-гъи-арцличирван шанданничир някъиш дарибхІели, маш-гъурси устала дяхІла ранг дуунтири, ил майаливатур-сири.

Илала эргъи ил уста чумал дус хъуливад дуравхъун-си ахІенри, дурхІнани ва шантани хъумкартурли, цуну-хъи вебкІибсири.

ХІера, чи сунечила сай гапикІалра ва сай айкъурти халкълизивад къябвердалра, илала къисмат баягъи икІ усталагъуна бируси саби.

ХІуни дила гъайла иргъулри или гъанбиркули саби, Чанкур. ХІу, дила урши, адамтала гъайличи лехІихъен, ахІси ибси пикрилизи кайсен. Амма хІуни балуси се-кІалра дигІянамабирид, хІебалусилис гІеббура.

Ил хабар Чанкурли школализиб лебилрара-сера дурхІнази буриб. Илини дурхІназиб цаличил цала барх-бас гъатІира чІумабикІахъес агІнибиркур ибси пикри акІахъуб.

Уста Алини Чанкурла хІянчи ахІсилизи халбариб-хІели, Мажид висииэс бара левалри. Чанкурли бузери-ла дарсличиб беГІ гъалаб 4-ла къимат касиб. Иличила балули, Мажидли буриб: «Абз таманбиуб или гъанма-биркахъид, Чанкур. ХІед удивикили ну ухъІевъни ба-гъи». — «АхІси саби. Абз даимбирехІе», — иб Чанкурли, разили пишяхъили.

ТИМУРОВЦЫБИ

Школализиб литературный кружокла занятие сабри. Раисатли «учІниличи гъира» бикІуси А. М. Горькийла хабар бучІулри. Гъар дев саркъахъили, иштяхІличил

ручІуси илини дурхІнала пикри хабарличи битІакІилри. ШипваргІибси Чанкурли учительницаличибад хІер че-бисули ахІенри.

Хабарли ва илала чебкадси ихтилатли Чанкур мурхъли пикриухъахъун. «ХІерагу, гъари, сецад кахти кърциндешлумазив хІерирули уилил Алеша. Ил гІядатласи урши уили сай. Амма чевяхІси адам ветаурли сай. Сен-сен? Даим учІули. ГІе учІули...

Ил пакъирла жузлис бедесалра арц лебли буили ахІен. Нагагъладан ну итхІели хІерируси виасри, дудеш-лизибад сасили, нуни илис 10 къруруш, юх, 20, 30 къруруш

арцла бедлугаси, валлагъ, бедлугаси», — пикрииКІулри Чанкур, сай ит заманализив хІерируси виалри, сунела кърсатра Алешалагъуна бир-ниличила селра хІебалули.


Алешачи мешуикес кърйгъилизиси Чанкурли чинабад-сабрил шям тІалаббариб. БархІехъ ил, бегІтазивад дигІянали, дурхъи арякъун ва, шям абалки, учІесииб. Жузла кІапи сабирхъухІели, шямла шала лимцІ-лимцІбухъалри, Чанкур разирулри. «Тяп ишкърйада уили сай Алешара», — ибси пикри-ли илала уркІи пахрули бирцІа-хъулри.

Амма Чанкурлис дурхъи вашес анцІбукъун: цаибилгъуна, Алешаван сай учІахъес хІелтуси чилра аги; кІиибилра, шямла шалалиув учІес деба-ли кърйаннири.

Чанкурли чІумаси низам кабизахъур: дурсри хІядур-дарили эргъи, ил някършикиулри, дугели декІардекІар-ти жузи дучІулри.

Урши варсиърниличи дудеш дебали разилири. Илини уршилис жузи асахъес гъаман арц бедлугулри. Чанкур-ла «библиотекализир» лерри «Витя Малеев школализив ва хъулив», «Ильичла дурхІядеш», «Васек Трубачев ва илала гъалмагъуни» бикІути жузи, В. Маяковскийла, С. Маршакла, С. Михалковла ва даргала поэтунала назмурти.

Чанкурличи хаслира халаси асар бариб «Тимур ва илала команда» бикІуси А. Гайдарла повестъли. Илини



бегІтази Тимурличила ва илала гьалмагъуначила хабар бурулри, школализив виаб, гумайлав виаб ил жузличила гъайикулри.

Ил жуз 5-ибил классла лебилрара-сера дурхІнани белчІун. Тимуровцыбала команда акІахъес ахІси бирив или Раисатли ихтилатбарибхІели, Чанкурли буриб: «Ил бархъси саби! Тяп иличила бурес дигусири набра.» Ил пикри лебилра дурхІнас ахІбизур.

Тимуровцыбани чула гъала тІашдатурти мурадлуми халати сарри: класслизиб ва школализиб чІумаси зегъа биахъес, шилизиб умудеш имцІабиахъес, бухънабачила ва кумекличи хІяжаттачила къайгъи дакІубарес.

ДурхІнани ши хІябал бутІаличи бутІиб ва, чидил хъалибаргла сегъуна хІяжатдеш лебал пикрибарили, хІянчи бехІбихъиб. Чанкурлира Къасумлира алхІят бархІи рухъна Марьямлис дузани букъес пикрибариб. «Дилара эмхІе теб. Нура хІушачил варх льякъяс», — иб илдачи лехІехъибси Мажидли.

ВацІализир дайхъалацад урцул кадердили эргъи, Чанкурли буриб:

— ДурхІни! ХІерагу, нушани ца секІал пикрихІебарили дуилра: ишди нушани кавдути зярхІя урцул дебали вайтІа улкан, чяш-пяштІдухъи пайдаагарли игур, амма рухъна ванахІериру. Бархъси ахІену?

— Бархъси саби, бархъси. Дашира дерубти урцуйгІир къайцІдулхъехІе, — иб Чанкурла пикри аргъибси Къасумли.

Мажидли буриб: «Дашира ишгъуна бирехІе. ХІябалра цаца шайчидахІ аркъехІе. Чидилли гьалар дерубти урцул даргалра, цархІилтазира тІамадиру». Иличи разибиубти хІябалра гьалмагъ цаца шайчибяхІ батбихъиб.

Чумал ганз кацІили, Мажид гІелавахІли шуряхъиб. Гьалмагъуни чехІебианбиубхІели, ил тІашизур. «Диур рухъна багъандан нуни дарибти къайцІ. ХІушани тІамадарибхІели, льякъяс», — или, гьалмагъуначи дугъаилзули, Мажид баягъи итди дархъдатурти зархІя урцуйчи кайиб.

Замана дебали багълали аркъулри. Майаливатурли кайибси Мажидлис челис-че дебали бугІяригулри. Ил руржесииб. Рахли, серил гъанбикили, ил айзур. Сунела эмхІечи дех чебихъиб, хъули гъайбариб.

Мажид пикриикІулри: «Се ируси Чанкурлизи? Къасумлизи? Илди биргІябиргес къиянси ахІен. Илдази

бурис: «ЭмхІе бебшиб, чарбарес хІейрули, ну илис гІе-
лавадикира. ГІур вацІли хъули чарухъес цІахбизурли,
зярхІя урцулла дех барира. Сен урцул Маръяннис хІе-
дедири или, хъарбаалли, илис зархІя урцул агІнили
ахІен или, бурис. ГІур се бикІес бирара илди набзи?
Селра!

Урцулла дех кибхІели, неш набчи разирирар. Ну-
шала даари урцул тер. Нуни кибси дех нешлизи чис-
биалра бирцахъис. Касибти арцлизирад 5 къуруш —
наб, гІелар калунти — нешлис. Вассалам — шутІ та-
ман!» — илдигъунти пикрумачил Мажид шилизи
саиб.

Азбарлав Мажидлис дудеш гъуниваиб. Илала
къяркъси суалли Мажид тамашаахъуб.

— Сен дех иша лебкулри? Гъалмагъуни чинаба хІе-
ла? — иб дудешли, уршиличи вехІизурли.

Мажидли гъалмагъунази дурес хІядурдарибти бая-
гъи итди дугъби дудешлизи дуриб. Уршила гІямултаци
шакикибси дудеш вачавархиб. Камси гъалавван сайригу
ил сунела уршила ва Чанкурхъала пергер баркъудили-
чила гумайлав урхІлизи гъайикІуси. ХІера, Мажидли
се барилл! «Агъ, хІяяагар хІяжар! Ну се или гІур
адамтази гъайикІусира?» — ибти суалтани дудеш къа-
къавакІахъилри.

Уршиличил дудеш къалмакъарли виркъули левай,
Чанкурра Къасумра урцулла духбачил Маръянна азбар-
ла абацІиб.

Рухънала разидешла гІелала аги. Ил Чанкурхъайс
илдигъунти дурхІни бяркъурси школалис баркалла ри-
кІулри.

Рухъна гъимхІерукІахъес цаца чайлара бержили,
кисмира хивани дицІили, Къасумра Чанкурра хъулрази
чарбухъун.

Эргъила бархІи Мажид гъалмагъунала гъалав цІа-
хиуб. Дерубти урцул даргибхІели, Мажид чучи
вакІахъес или вацІализиб кІелра гъалмагъ бахъхІила
шятІбикІули калун. Амма Мажидли илдас жаваб хІе-
бедиб. ГІур, Мажидла эмхІесра дех баресцад урцул
кадердили, илди илигІеб къяйцІбухъун. Баягъи итди
чули дархъдатурти зярхІя урцул хІедаргибхІели, илди
Мажидла баркъудиличи шакбикиб. Гъалмагъунани
Мажид тимуровцыбала командализивад дуравшиб.

Мажидлис дебали децІагиб. Ил цункавхъун, илис анцІбулкълри. Сунечила гьалмагъунала пикри барсби-ахъес багъандан, ил сегъуна-дигара къяян чекасес хІя-дурлири.

Шилизир хутІла чиргъмала тІулрас пукъни икъес бехІбихъибхІели, Мажид разиуб. Илли школала гьаларти пукъни суненицун диркъес пикрибариб. Амма, чидил мерличивад вехІихъес агІнилил хІебалули, ил гІелавитІикІулри. Дарсличир учительли кІел учениклис ца хІясибли пукъни дутІибхІели, Мажидли суненицун кІел пукъа диркъес чесиб.

Сепайда, илис бегІлара къянси, миъбаргІибси, къаркъуби дархси мер бикилри. Сецад дебали газа бяхъили хъалли алтІули ахІенри, диштІати къаркъа, газалиурад тІяхІдухъи, дяхІлизи чейгулри. Се биубли хъалли гьалмагъунас гІелахІелхъас или, Мажид гьеркличиикили икълри. Пукъа мурхъбикІули ахІенри, сай бажардихІейрниличи Мажид челис-че цІакъли вачаирхулри.

Чучи хъарси хІянчи таманбарили, «икъен, Мажид, икъен» или, гьалмагъуни сунела мякълабад шалгІеббухъунхІели, децІагибси Мажид кІантІивакІиб. «Сен нуницун икъис или бурирара? КІел пукъа ца нуни диркъесичиб гьалмагъличил шел пукъа диркъес гьалаб саби. Ну вамсурхІели, ил, ил вамсурхІели, ну дузахІери, агІнибикибхІели, кІелра дарх дузес дирехІери, — ибти пикруми илала бекІлизир лукълри. — Ца ахІдеш, физкультурала дарс ишбархІи бегІла эргъиси биъни; хъули архІякъяс, се-дигара бирис — кІелра пукъа икъис», — или Мажидли цацахІели сунени сай уркІичевирулри.

Мажидличивад ахІцад гъарахъикили эргъи, се-сабрил пикрибарили, Къасум тІашизур. Ил Чанкурлици шуряхъиб, ва буриб:

— Ваши, Мажидлис кумекбирехІе.

— Ягъ? Се ири хІуни? — иб гьалмагъла гъайлици тамашаиубси Чанкурли.

— Мажидлис кумекбирехІе, виКІулра.

— Баягъи ит вацІализиб сунени нушабгъуна «кумек» виКІулрив? — иб Чанкурли, Къасум масхурта угъули ургар ибси пикриличил.

— АхІенра. Гъарли-марси кумек виКІулра.

— Се сабабли? Ил хІела узив, узикъару? — Къасум марли виКІули виъни багъурли, сабурагариуб ил.

— АхІен, тухумра ахІен. Набчил варх учІуси гьалмагъ сай.

— ХІед кѣяндикибхІели, гьавулхъуси гьалмагъу? — Чанкурли дукарахІес къасбарибгу, Қъасум ургавхъун:

— Наб илгъуна секІал гъанхІебиркур, Чанкур.

— Ит вацІализиб? Хъумартурлирив?

— Пурра вацІализила гъайкиІулри. ВацІализир наб кѣяндикилрив, гъатІи? Ну Мажидла кумекличи хІяжатлирив, бура? Сен лехІкахъилри?

— ХІяжатли ахІенри.

— ХІу хІяжатлирив?

— АхІенри. Нушани илисра далли урцул кадердирагу! — иб пахруличил Чанкурли.

— Сунени барибсиличи ил пашманиубли сай... Гъачам гъимукІили, гІур гъайхІейкІуси гьалмагъ гьалмагъ вирау? Ваши аркъехІену. Акъули калесила мерличир хІянчи барахІелли, села вайси?»

Чанкурра Қъасумра чарбулхъули чебаибхІели, илди сагадан сунечиб дукарбирхІур или, Мажидлис гъатІира дебали хІейгули ахъиб, ил вамкъур, бекІ гІяшбуцили, икъеесиб. Амма Қъасумла разити гъайли илала уркІи батбухъахъун.

— Сен саби аги, Мажид? ХІу бегІлара кѣянси мерличи валикилригу. Селра хІебирар. ЦахІнар дузахІелли, ванзализиб ахІенну, шурмазибра кур икъехІе. Гъугъари — гъакІдухъена! — или Қъасумли гІянжилизи гъалакІи къузбариб.

ХІябалра гьалмагъ барх бузесбиибхІели, илдачи физкультурала учитель гъамиуб. «Къучакъ дурхІни! Илкѣйда цалис цали даим кумекбируси бирар. Гая, гъари, гъалакІи набзи, хІушаб хІянчи гъамадбирисну,» — учительли гъалакІи сасиб ва гІулудван бухІнаарбѣкъунси къаркъа дураабитІун.

Камси заманала эргѣи дурхІнани кІелра кур диркъуб. «ХІябалра хІушаб отличноби!» — иб буйрухъбирусин ахъли физкультурала учительли, разили хІерикІули.

Чанкурлара Қъасумлара баркъудиличи, илдала уркІи гъаргдешличи Мажид тамашаирулри ва сен-сен илдала намус чебахъес виишара или пикриикІулри. ХІябалра класслизибад барх дурабулхъухІели, уруз-хІяцикІули, се бурсил хІебалули, Мажидли Қъасумлис сунела авторучка, Чанкурлис 1 къуруш арцла гъаладуциб.

— Се сабабли? — или Кыасум Мажидличи вякызур.

— Хушани... кумек... наб хушани... — или хунтлен-цубирули, Мажидли гъай даимдарес хейуб.

Илала пикри аргъили, Кыасумли буриб:

— Юх, Мажид. Ху хатлаиркулри: нушани багъалис ахенрину хед кумекбарибси, ити гъалмагълис къяйда сабри.

Чанкур лехкахъилри. «Ца къуруш. Илис ца ахиси жуз асес вираси. Сен Кыасум сунела къайгъибарили леххейхъуси? Сен? Гъари нуни илизи бурис... Юх... Белики, ну хатлаиркули вишагу? Марлира, нуша сунес кумекбарахъес Мажидли жидарибти ахенри. Агини-бикибхели, илини нушабра кумекбиру. Гур нушанира илис арц бедлугусив? Илкун цахдеш саби. Кыасум вархъли сай, вархъли», — или сунези сай гъайкиули, Чанкур хъули чарухъун.

Гъалмагъунани сунезибад селра сахлесибхели, Мажид децлагили лехкахъиб. Гъанна илис беглара цакъли декбилзуси вацлализив сай илдазивад декларикни сабри.

Баягъи ит сунени кибси урцулла дех, дудешлизибад дигянали нешли бицили, сунес 1 къуруш арцла бедибхели, ил разиубсири. Хамис бархи (гярбукла базарла бархи) базарличир цедеш асес сай чуйна-сайрил вализурли хъалли, арц ахерабарили, селра асес виубси ахенри. Гъанна биалли, сунени сегъуналра уркиергъидеш агарли ил арц Чанкурлис бедлугухели, илинира сахлесиб. «Наб-деклар се бируси иш? Сен ну ишцад къиркъириубсира? Къиркъирдешли ахенрив, гъати, ну иш арц талаббарахъес гъирварибси? Къиркъирдешли ахену гъалмагъуни-ургав ну цахяхъубси? Сецадхи иши мучлаагарли кавлусира? Сецадхи?!» — пикрии-кулри Мажид. Гур нешличи херизур.

«Неш... наб... ну... Хияжатли ахен наб иш арц!» — или вачавархили, арц нешла дукла лайбакиб.

Сунечила гъалмагъунала пикри барсбиахъес къайгъилизивси Мажидли шила къакъурбазир пукъни икъути адамтас кумекбиресииб. Илни гъар бархи ца пукъа икълри. Мажидла балбуц ахил чебиули, ил хянчилизиахъиб лебилра тимуровцыбира. Илдани Мажид чула къяянази къабулариб.

Янила аргъ-бархила вайти шуртрачи херхеили, дурхнани гъар бархи, бархехъ, пукъни икълри.

Чумал бархїи тїашдизни агарли дяхїи дашулри. Дяхїи дурхїнала дяхїянази чейгулри. Миъбяргїибси гїянжилизи газа-кїатїа алтїули ахїенри. Амма дурхїнала сакїубдешли, разити тїамрани хїянчиличи гїира имцїабикїахьулри.

«Хїера, Чанкур, Умаяй лявкьули, Умаяй,» — иб Кьасумли. Чанкурли майалибатурси анда хїяршбариб, кїатїа Кьасумлизи бедиб, пишяхьили Умаяйличи хїеризур.

Умаяй Чанкурхьайчил учїуси урши сайри. Ил азгьинсири, хїянчилизивад даим гїелавитїикїусири. Чанкурли илдигьунти азгьинтала устадешличил гїердирули вири.

Умаяй дурхїначи гьамиубхїели, «вай дила кьяш» или валкїикїулри, кїелра някьли алгьай кьяшра ахьбуцили, Чанкур гьалмагьуни-ургав ца кьяшличив тїяхї-тїяхїухьун. Дурхїни дукарбахїиб. Гїур Чанкурли Мажидлизибад кїатїа сасиб, чуйна-сабрил гьакїбарили, лайбакїиб, «угь дила тїул, вай дила някъ» или вявикїули, явлухьли някъ бигьун, бекїра гїяшбуцили, ца шайчи кайиб. «А-а-а-гь-гь!» — или тїамадариб. «Бугїярли саби, ну хьули аркьяс», — или цулби кьябцардикїесаиб. Дурхїнани гїурра гїякгїякбяхьиб.

Гьай сунечила диъниличи шакикибси Умаяй дубхїехьили узесииб. Илала гьими Чанкурличи сабри: «Се дигуси итис набзибад? Сепайда, бяхьили хункї кьянкьуби диркьдарес!»

«Хїера, азгьин секьяйда узахьес агїнилил», — или кьянкьлизи тїул бирхьули, Чанкур пишяхьиб.

Дурхїнала хїянчилилизир жигарла бутїакьяндеш дирулри Раисатлира. Илини гьайличил ва баркьудиличилси кумекличил илди хїянчиличи гїирачеббирулри. Дурхїначи халаси асар бариб верхїдуслихьла духїнар шилизир ва лебилра улкализир кадиркути дарсдешлумачила Раисатли барибси ихтилатли. Илдани багьур, гьамси заманала духїнар шилизир больница, пекарня, сельмаг, фабрика дирни, ши електрофицироватьбирни, халкьла яшав гьатїира ункьбирни, илкьяйдали лебилра дуньяличиб нушала улка гьар се-секїайзибад бегїлара давлачебсили ва гьалабяхї арбякьунсили бетарни.

Акьуси замана пайдалабирули, дурхїначил варх узес вашулри физкультурала учителъра. Илини шел уршили-цад ца сунени хїянчи бирулри. Илала кьуватличи ва сегьуна-дигара хїянчи барес устадешличи дурхїнани тамашабирулри. Ил дурхїнази викїулри: «Хїянчи биру-

хІели, чІянкІли ца цІакъличилцун пайдалаирес асухІе-
бирар. ХІянчи устадешличил бирес бурсидиэс агІнибир-
кур. Масала, кайсехІе иш къаркъа. ХІуша гъанна са-
гІят кьутІнякъдикІули лерли хъалли, иш шикъбарес ди-
рули ахІенра. Илкъяйда дузадалли, я гІур шикъбарес
хІедируда. Се барес агІнили, гъатІи? Гая, гъари, набзи
гъалакІи. Къаркъализиб тІякъ чебиулрав? ХІера, икІ
тІякълизи гъалакІи къузбарили, ишкъяйда ибкъиулра.
Чебиулрав? ГІур гъалакІила ар удибяхІ битІикІулра,
къаркъа саби-сабил ахъбирули саби, ахІену?

Ил Физикала закон саби. Иличила хІушани, урег-
ибил класслизир дучІухІели, чебетаахъили баладая.
Гъанна биалли нуни бурибси аргъадалли, биур.»

Марлира, физкультураля учителяли дурхІнала хІян-
чи ахІцадла гъамадбиахъуб: илдани берІ гъалаб или-
зибад багъур, икъухІели кІатІала ар някъбази дебали
цацаІабарес агІниси хІебиъни, гъалакІиличил, эгер ил
устадешличил пайдалабиралли, сецад халаси къаркъа
биалра, шикъбарес вирни, гъар чинаралра устадеш
агІнити диъни.

Тимуровцыбала баркъудиличила хабар лебилра ши-
лизи тІинтІиублири. Чумал бархІи эргъи илдала сип-
та гІеббуциб 6 ва 7 ибил классунала дурхІнани, гІур —
школала лебилрара-сера ученикунани.

ГІЯДАТЛАСИ АРИФМЕТИКА

Чанкурла неш-дудеш ит гъалабван къалмакъарли
бирули хІебналра, илди цаличил ца барсбирхънила анцІ-
букълуми къаршидиркулри. БерІтала уржибдеш агнили-
чибли пайдалаирули, Чанкур цацахІели сунес дигута
виркъес даимиублири. Иличила балули, урши мякълав-
хІели, хъунуйчи вехІхІелзес Алихай гъачамцун ахІенри
сунези сунени гъай бедибси, сепайда, гІурра сабур аби-
ули ахІенри. Амма сай сецад вачавархили виалра, су-
нечи урши шакхІейкахъес Алихан къайгъилизив вири.
ХІятта вачавархибхІелира, сай уршиличил малхІямли
гъайикІи. Илала уркІилис гъачамалра гъаннаван урши
дигиатурси ахІенри. Сай хІянчиличивхІели, ил гъаникал-
ри, яра хъули чарухъунхІели, устаханализив узули чеал-
ри, Алиха уркІи ванабирулри, гъалаксарулри. Чанкурли-
зивад ахІси уста ветарниличи сунени умутбихъилри ва ил

сунела урши виѣниличи пахрубирулри. Алихай сунела гІямрула мурад уршилис гьарли-марси кьуллукьбирни-лизиб, илизивад пергерси адам ветаахьнилизиб че-биулри.

Муруйчил кьабуллири Аллишра. Амма эргъиси зама-на ил хІерагьесли рарсриублири. Цаибилгъуна, гьалар динничи таманни чекаризурси илини дахІибала дархь-датурлири. КІиибилра, Чанкурлис бяркь бедлугнила хІянчи чІянкІли дудешличи ва школаличи (бархьли буралли, Раисатличи) хьарси саби, ил дила кьуллукь ахІен, я нуни барес рируси агара или, кьайгъиагарриуб-лири. Сунела илгъуна пикриличила илини чизилра бала-хъули ахІенри. ХІятта сунечи Раисат шакхІерикахьес или, ил Алихайчил рарх гьар жумягІ школализи рашул-ри, уршиличила учительтачил ихтилатбирулри. Амма школализир сари учительтала насихІятуначи лехІихъу-ли риалра, уршилис бяркь бедес багъандан, хІякьикъат-лизиб селра бирули ахІенри.

БетІтала талихІлисван, Чанкур бархьси гьуничикил-ри. Ил ахІил учІаниублири, хІял-тІабигІят ахІдухъири, чархлизив тазалири. Илини цІакьси ветаэс ибси сунела хъул бархьбатурли ахІенри. Школализибси мушлукья-бала секциялизиб Чанкур цІакьтазивад цализи халиру-сири. Физкультурала учительли ил цархІилти дурхІна-чил варх райцентрлизиб бируси ученикунала абзаначи вархьес пикрибарилри.

Чанкур жявли отличникунала къяяназив виэсра асу-бири, эгер илис арифметика диргалахІебулхъуси биал-ри. Ил предметла Чанкурли даим кІила кыматунни сарри кайсути. Арифметикаличи илини сегъуналра пик-ри бахІчиниули ахІенри, хъули бедибси хІянчи бирули ахІенри. Амма цацабехІти дурхІнани буруливан, илини масъала урхІлайчиб чеблукІули ахІенри: ил барес илис цІахбилзулри. Учительли сунела у ахъалри, масъала арзес хІейубра или, кьантІкайрулри.

ХІяжини гьар жумагІлизир консультация дирули виалра, Чанкур илдачи вашули ахІенри. Арифметика илис селисалра агІнили ахІенси предметван билзулри.

«Зулмуличил адамлизи секІал аргъахьес вируси ахІен. Буриси гъайличи биалли Чанкур лехІихъули ахІен. ГІур нуни-декІар се бариша?» — или ХІяжини някъби тІинтІдирулри.

Раисатли балхІебуцибси тахІяр аги, амма се барили

арифметикаличи Чанкурла иштяхІдулхъахъусил, балули ахІенри... Гъачам ХІяжи абзур жумагІ хъябшли калун. Шуибил класслизир илала дурсри опытчевси учитель Къарани дедлугули.

Чанкурли ва илгъунти чумал дурхІяни арифметика кыматлахІебирули биъни багъурли, Къарани илдачил хасси хІянчи бехІбихъиб. Дурсри тамандиубти эргъи арифметика вайтІа балути дурхІни илини класслизиб тІашаиб.

«ХІера, гъанна, ХІяжила гІядат барили, гаша дуб-кІахъули, ишинира кІел сагІят класслизир тІашкайу-ра,» — разиагарли дурхІни цализи ца шибкІиббухъун.

Къарани Чанкурла сумкаларад жузи дурасиб. Стол-личибси бергараг гъаргбарили, сумкала гІинцби кай-хъиб. ДурхІни тамашабиубли учительличи хІербизур. Илди сунечи ахІил лехІехъахъес жибирули, Къара Чан-курличи дугъаизур:

— Иш хІела сумкалар 2 гІинц лер. ГІинцби хІуни ишкъяйда дутІа: кІел гІинц Юсуплис, кІел — Омарлис, кІел — хІед каса ва кІел гІинц сумкаларра калахъен. Аргъири? Илди дархъли дутІес виадли, гІинцбира хІу-шаб диаб, хІушара бусагІят хъули дурхъура.

Учительличи разиубдешли гъалаксаурси Чанкурли кІел гІинц сунес касиб ва кІи-кІел Юсуплиса Омар-лиса дедиб. Сумкалаб цалра гІинц кахІелунхІели, илини бекІ гІяшбуциб, пашманиуб ва учительличи ду-гъайзур:

— ХІу викІуливан дутІес багъандан, гІурра кІел гІинц агІнили сари. Ишар лерти лерилра 6 гІинц сари.

— Юх, гІур цалра имцІякъ гІинц агара. Ну викІуси-ван баягъи илди урегала гІинц сари дутІес агІнити, — иб учительли, Чанкурла хъуцІарличи някъ кабирхъули.

— Урегал гІинц илкъяйда дутІес хІейрар, — иб вар-сяхъибси Чанкурли.

— ХатІаиркулри, Чанкур. Вирар. Пикридухъеная, гъари, дурхІни. Чидилли арифметика ахІил балули виалра, илала пикри бугаси бирар. Пикри бугасилис илди дархъли дутІес сегъуналра къияндеш агара, — иб учительли, пишяхъили илдачи хІерикІули.

Чанкурлира Юсуплира гъачамцунра ахІи сумкаларад гІинцби дурасиб ва чардариб. Пикрумазивси Омар ца шайчив лехІкахъилри. Хапли се сабрил гъанбикибси Омарли Чанкурла сумкаларти гІинцби сунела сумкала

кайхъахъес учительлизи тиладибариб. «Се декІардеша? Кайхъа,» — иб учительли.

Омарли Чанкурлисра Юсуплисра кІи-кІел гІинц де-диб. КІел гІинц, ишди дила сари или, сумкалар датур.

— Дархъли дутІири, Омар. Молодец! Амма гІинцби Чанкурла сумкалар диалри, илкъяйда дархъли дутІес хІейрив? — Къара Омарличи дугъайзур.

— Вири. Гъайгъай, вири. ГІинцби Чанкурла сумкалар диалри, кІел гІинц духІнарли сумка Чанкурлис чарбарес агІинилири. Нуни ил итхІелил пикрибарес хІейубра, — иб разиси Омарли.

«ВяхІ, ишабкІун селра къиянси агара. Нуни сен дутІес хІейубрара?» — пикриикІулри децІагибси Чанкур.

БархІехъ Чанкур бегІгъалав консултациялици вакІиб. Къарани учебниклизир агарти масъулти ирзулри. ДурхІни шипбяргІили илици лехІахъилри.

— Гъари, чидил-биалра уршини бегІлара дигуси ца цифра пикрибарая. Амма ил сегъуна цифра сабил набзи мабуридая, — иб Къарани.

— Нуни пикрибарира, — иб иштяхІличил лехІахъибси Чанкурли, някъ ахъбуцили.

— ХІерагу, сецад тамашала цифра пикрибарилрил! Ил хІятта сихІрула цифра биъниличи дила сегъуналра ташмишдеш агара, — иб разили Къарани.

Амма сунени пикрибарибси цифралици учитель шакикили ургар или, паргъатагариубси Чанкурли хапли цархІил цифра пикрибариб.

— Ваши, гъари, Чанкур, доскаличи. БелкІен 12345 679. ХІуни пикрибарибси цифра урчІемличи бяхъили, бакІибси резулътат икІ лугІила уди белкІен. Дяхънила ишара кабати, — иб Къарани ва доскаличиб ишгъуна мисал дакІубиуб:

$$12345679 \times 45 =$$

— ХІуни илди дяхъили бекІиайчи, нуни бусагІят доскаличи жаваб лукІас, — иб сунела гъай даимдирули учительли ва доскализиди къалабали жаваб белкІун 555555555.

Лебилрара-сера дурхІнани мисал тетрадуназиб ирзес-бяхІиб. Чула жаваб учительлагъуна бакІибхІели, илди тамашабиуб.

Учитель разили дурхІначи хІеризур ва буриб: «Чебиулраяв, сецад тамашала секІал сабил гІядатласи арифметика?»

ТАМАШАЛА АДАМТИ

ХІяжи сунела гІямруличи сай вачавархилри. Бяхъили папрусуна витІикІулри. ПикриикІулири:

«Дила уркІи гІебшнила аргъгуна саби: гъагулти-ургабад берхІи гъаббаклалли, зак шалабирар, амма хап-ли чебакибси дирихъли ил гІурра бумкъахъу, шявбиру. Тяп илкъяйда сайра нура: гъачамхІели — хІулкІули, гъачамхІели — вамкъурли. Дила уркІилизиб разиагар-дешла миликъ важбикІули саби. Амма ну селичи рази-агарсирал, нунира багъес вирули ахІенра.

Наб пикриикІес дигулра — пикруми дашули ахІен, усаэс дигулра — гъанкІ лябкъули ахІен, пикруми дугІаэс къасбирулра — уркІи ряхІятбирули ахІен...

Савли нуни директорличи чумал девла кагъар бар-хъира: «Ну школализи вакІес хІейрус: неш дебали загІипли сари». Неш загІиприкни наб ахІси сабаб саб-ри, сенахІенну наб гІямру илцадра анцІдукъестили дилзулри, хІятта хІянчиличира дила иштяхІ бетка-хъилри.

КІел бархІи неш карихъунси мерличирад шикърухъи ахІенри. ХІера илини ца шайчибахІ бекІ ласбариб. Илала балуй ляжиличибси дамгъали дила дурхІядеш гъандикахъиб.

Шел дусра хІейубси ну кроватьличив усули левли, хІерейс нушала юртлизи цІадикилри. Унрубани тІама-гъама ахъдарилл, лебил шила халкъ музабухъири. Ба-зарличирад ляркъуси дила нешли, цІали игуси юрт чеба-или, чІярбяхъилри. Ил, бемжурси цІала ламиличи хІер-хІеили, рархъли хъули рухІнарухъунхІели, лебилра музабухъунтас дила неш абдалриубли сари, хъулибси мас, давла берцахъес къайгъилизир сари или гъанби-кибсири. Амма, усули левалси ну дукла авцили, парх-бикІуси цІала ламилизирад ил дурарухъунхІели, лебил-ра тамашабиубтири. ИлхІели сабри цІали дигубти нешла дяхІиличиб дамгъа дакІубиубси. Гъар чуйна ил дамгъа чебаибхІели, дила уркІи сен-сабрил ванабирулри.

Илала эргъи ну чуйна нешличил къяркъли гъайу-хъунрал, чуйна ил дарманриахъубрал, наб гъанбиркули ахІен. ЦацахІели, ну нешличи вехІизурли эргъи, гІур къалли набзи ил гъайхІерикІар или, гъанбирки. Амма илала сахаватси ва малхІямси уркІи набчибад даим чеббурхи.

Юх, дила уркіилизиб хІяяла кІантІ лебли буили ахІен! Агъ, бахъ гІядаблигу уркіилис! Сен гъанна ну иличила пикриикІусира? Нешли дила баркъудлумачи илцад-декІар халаси пикри бяхІчихІейу. Ил жявли секІал хъумкартанриубли сари. Хъумкартанриубли... Юх, илини хъумурту чидил агІниахъала чина каби-хъибал, даг се бархІи сабрил, ахирра-ахир, сари чум дус риубал, амма сари ратІни, мучлаагаррарни — се лебсив нешла уркіилис иличибра декІси? Иличибра къудкъуси?? Иличибра хъумхІертеси??!

Неш рухънараили сари. 80 дус камти гІямру ахІен. Пикрумани ва шишимай бархІиличи-бархІи заярира-хъули сари. Нуни, нуни себирулра ил арали калахъес? Ілала гІямру духъяндитІахъес? КъацІли ралхулра. Пал-тар дирулра. Пур се агІниси? Юх, неш дила илгъуна кумекличи хІяжатли ахІен. ХІяжатли ахІен. Ил — ши-лизир хабардерхурси захІматчи сари. Илис рухънадеш-ла пенсия башули саби. Сегъуналра хІянчи хІебирули хъалли, дила кумекличира хъархІехъили, ункъли хІер-кариэс илала лерилра имканти лер. Амма мургъи-арц-лизи караталра, ил акъули хІеруар. ХІе-ру-ар!

Илис мургъи-арц ахІен хІяжатти. Ил секІайчила ну гъаман пикриикІулра. ХІера, марлира, набзи дила узи-къар вархъли викІули уили сай: ...«нешлис давла ахІен хІяжатси. Нешла давла дурхІни саби. Илис хІяжатси камси секІал саби: дурхІнала шалати дяхІ, уркіи-уркіи-лабадси къайгъи, малхІямти ва даим кахІедурхути диги».

Ге, уркіи-уркіилабадси къайгъи ва малхІямти диги... ХІябилра камли леррая къалли хІуша набзир!

АрбягІ бархІи дила неш ребкІиб. Наб дунъя цІяб-цІударбиуб. Ил жявли ребкІилис сабабла вегІ нувиъ-ни балули, дила набчи гъими рурхъулри. Илди бурхІ-назиб шурмачивад тІяхІухъи вебкІес ибси пикри гъа-чамцун ахІенри дила уркіила каберхурси. Амма илгъуна бебкІали дила къакъати пикрумас хапли ахир кабирхъу, ил наб бегІлара камси тамбихІ саби или, нуни ил пикри бархъбатурра.

Ну тамашаирахъуси ца секІал леб. Неш ребкІес гъа-лаб сут бархІи педсоветличиб дила суал пикрибариб-сири. Лебилра учительти цабиубтин набзи къяркъли гъайбухъунтири. Наб гъанбикибсири, ну школализив узахъес хІелтара или. Амма, гъачам гъатІи дирхалабир-

хъехІе, варсулхъниличи умутбирхъехІе или, чІумаси танбихІличил ну хІянчиличив ватурсири.

Наб гъалаб сеналра гъанхІебирки, неш ребкІили, ну къакъавакІибхІели, наб къияндикибхІели, ит гъалабван набчи къяркъли бехІбизурти учительтани набчила ишцад халаси къайгъи дакІубиру или. Илдала гъарил наб сегъуна-биалра кумекбарес, дила дард хІярхІбиахъес, ну цунни кахІелахъес къайгъилизив сай.

Марлира, илди ургавхІели, дила уркІи цакъадар рахІятбирули саби, къакъати пикруми детихъули сари, амма цацахІели биалли, ну илдала ламуслиувра или гъанбикили, уруз-хІяцІирулра ва, илди-ургав тІашизес цІахбилзули, дубурличи арашулра.

Тамашала адапти саби илди! Адамлизиб вайси се-кІал чебаалли, лебилра цаван къяркъли бехІбилзули саби, адамлис къияндикалли биалли — бегІгъалаб някъ гъабалтули саби. Юх, илдигъунти адапти, нушала манзиллизиб ахІи, биэс хІебирар. Гъеч хІебирар.

Наб илди — дулекІ-даргла узби, школа — хъали бегтаурли саби».

БАВНАЛА ХАЛА

АтхІебла ванаси гъигъли хІеркІличибси миъ белхъунси картошкаван пашбехъахъуб, дубуртачибси дахІи бацІибси гъургъашинван къадала хІусбухъахъун. Къалабали кадухъунти хІуркІбала вяхла тІамри къадурбиалавти шурмани тикрардирулри. БацІибси дахІилиурад хІеблизир бегІгъалар дашути, чусра гІярбукІ «ккуттагъюбе» или бикІути, цІуба вавни гъардакІиб. Ванза шинишбиуб. ВацІа зумабиуб. Шилис гъарахъли ахІи галгаличиб гегуг бучІесбииб. Чумал бархІи эргъи михъири цІуба чІатІа чемъурси закиб шадли вичІирбухъун. БахІ хъалчиб, миъличиб жинжирагъван ласбикІули, лагъа къумбухъун. Арцантала тІамри дахъдаиб. Шилизиб сакІубдеш имцІабиуб.

Школализир занятиеби тамандиубхІели, дурхІнала бузерила практика бехІбихъиб. Учительтачил барх дурхІнани школа ремонтбариб, янилис даари къадарла урцул кадихъиб, шилизиб сагали бируси мургъи-арцла устанала фабрикалис кумекбиресбахІиб.

Лебилрара-сера дурхІнани 5-ибил класс таманбариб. Раисат разили сарри. Илала разидеш гъатІира имцІа-

бирахъулри Чанкурлира. Гъалав класслизив бегІлара зегъаагарси ил — кабизалачевси ученик ветаурлири.

Школализир занятиеби тамандиубли эргъира, Чанкурли арифметика бархъбалтули ахІенри: хъулир жура-журала масъулти ирзулри, ил гъалмагъуназивад дигІянали бацличи арцес хъуликІулри...

Бузерила практика таманбиубли эргъи, Раисатлис, дурхІназирад декІарриркуси нешлисван, сунела ученикуни бархъбатес дигули ахІенри. «Илдази гъайхІерикІули, илди чехІебиули, сен-сен гъандурцусил балули ахІенра», — пикририкІулри ил. Ахирра-ахир, гІурра ца гъатІи бархІилра дурхІначил буркІис ибси пикриличил, Раисат жумагІ бархІи сунела классличил дубурличи шадир рукъес вагІдалариуб.

Савли разити тІама-гъамаличил Раисатра дурхІнира Хъайдеш дубурла бяхІлизибад аркъухІели, вава-къарличирти ара маркала кІунтІри гІярбукІан чехъерила тІулекаличир бриллиантуниван лямцІдикІулри. ДемхІурти къар къашмази тяхІули шявхъдикІулри. Удиб дугІла цІедешла галгубала вацІа саби. Чедиб шурмала бяхІ саби.

ХІера, цаличил ца абздикІутин, шурмазир къакъбунидучІесдииб. Хапли шурмазиб села-сабрил дяхІцІи дакІубиуб. Раисатли бекІ ахъбуциб: къуватчерти дуклумира тІинтІдарили, закиб чІака кІайбахІилри. ЧІака чебаибхІели, къакъбунидекІилил агартин шиндяргІиб.

Раисатличивад гъарахъли ахІенси Мажидли хапли чІярбяхъиб. Тамашабиубти дурхІни ва Раисат къалаба-ли иличи гъамбиуб. ХІербикІалли — эмхІелагъунти лихІбира дингаили гербулхъули катхІел гІяра аркъули.

Низгъарла галгаличибад вава къяббарес вализурхІели, къашмази се-сабрил шявхъбухъи урухиубси Мажидли чІярбяхъилри. ЛагбяхІ букъес хІебиубси гІяра, Мажидличибра имцІали урухбиубли, катхІел бебшилри.

— ХІу игит уилри, Мажид! Игит! — или Мажидличив чевдукарирхІули, Чанкурли гІякГІякбяхъиб. Мажид урухиъниличи ил разиублири. Школализир занятиеби тамандиубли хъалли, кІелра илдала бузерила абз таманбиубли ахІенри, илди чула хІянчи чебаахъес уста Аличи хъули башулри. Даг Алини кІилалра хІянчи цаван къиматлабарибхІели, Чанкур къясиуб: илис гъар шайчив Мажидличив чевли виэс дигулра, амма Мажидра илис гІелаулхъули ахІенри.

Раисатла пурбан хІясибли дурхІни мер-мерла тІу-тІубиуб. ХІебла лишанти пикрилизи касес ва хъули чарбухъунхІели «Дубуртазир хІеб» бикІуси изложение белкІес — хІера, илгъуна сабри гъарил дурхІяличи къячбиркуси хъарбаркъ.

Дубуртала пергер тІабигІятличи тамашариубси Раисат дигиличил хІеррикІулри. ХІера, дургбала галга. Бара някъ гъяжбарадли, иличирад дяхІила пусливан вавни кадиркули сари. ГІинцла ва хъярла галгубани диалли жявлил вавни пяхІдарили сари. Бара гъанна вавнабирхъесбиили саби миала галга.

Рахли села-сабрил бизиси гягІли Раисат ца шайчи шурряхъяхъиб. Ашкарлигу, илди низгъарла галгуби сарри. Вавалидахъибти илди даршал метрла гъарахъ-дешличи чайла къарла гягІли гыгъдикІулри.

Чумал ганз гъаладахІ кацІиб. Дугила лямцІлиур дилкъути диштІати хъаза бара хІунтІендикІесдахІили сари. Идала мякълар къарван шинишли лерал халати хъаза.

ГІурра чумал ганз... Багълали бухъунси дягІли риштІахІейчирадала Раисатлис дебали дигахъути улелъала гягІ гъагъбухъахъун. Къяшмаур диштІати хІябкІапан къадубаур улелъа хІунтІендикІесдиилри. Чинад балав дубуртачив кахІелунси адамли идала гІяжаибси тІем? Се диэса идала гъалар хъимис тІутІи! ХІябилра бизити дирар къалли дерцІили цІябахІунтІендиубти, бара лезми гъяжбикалли, дацІили деткайхъути улелъа!

Чумал ганз катхІел. Август-сентябрьличир дилкъути мяхІбала галгуби ва улелъаван мурити, амма цакъадар халати хІунтІена цІедешла (зизала) къадуби вавнани кІапдарилри. Цакъадар удиб «Юххяхялалла къулла» (уркІи гъудурхІекулхъахъути шинна) бикІуси гІиниз сабри.

Раисатличи бяхІчиси бяхІлизиб къулала хІенкъ гІяйбиублири. Гъарахълибад букІунала хяла гъамла тІамала бикъулри. ХІябилра тамашала, хІябилра иштІахІухъеси тІабигІят леб къалли! Михъирлабад дурар-гъес дигусин уркІи гъалаксаурли саби. Чили пахру хІебирув вегІ акІубси мерличи? ВегІла ВатІайчи? ВегІ айкъурти халкъличи?!

Раисатла шалати хІубазир гІямруличи гъаргъдеш ва хІянчиличи гъира ухулри. Ил гъинтаван кункли хъинжличирад хъинжличи тяхІрикІулри, къакъбаван сакІубли

къадуби-ургарад ретсатрулхъулри. Гъар каџиџси ганз-ли илис сунела талихџерти дурхџядеш гъандиркахъулри. Хџера ил гџинизла мякъла кариџб. Раисатли шайубси дневник къукъубачи каџихъџб, гъаргъариџ ва илизирти белкџлани чедидахъџб.

«... Наб ишбархџиван ахџил гъанбиркур, чумал дус гъалар нешра нура шинкъаларад чардулхъухџели, шилизи гъамдиџс лераџ, бай дугила џџяџдешлизиџ шала-џикџлуси улкъай. Шала чеџаџбхџели, дамсурли чардулхъути нушала урџџџи џагълаџариџбхџеливан рахџятдиуб. Гџячихъџсигу, ил шала нушала хъулир хџеррируси дила бегџла гъаларси учительница Александра Григорьевнала саџри.

Нуша хъули чардиубхџели, бай дугила эргъи сагџят кџел дикилри. Шила леџил халкъ паргъатлири, бусулри. Амма ил дуги А. Григорьевнала улкъайлаџ шала камхџеџуб. Се саџаџли? Мекъ саџрив? Сяхџџбат саџрив? Юх, ахџенри. Амма мекъ-сяхџџбат дирухџеливан А. Григорьевна гъалаксаурлири. Шинкъаларад чарриубси ну илини сунела рурсиван разили кџапруџира ва буриџ: «Ну школализирад сагџят 11-личир чарриубра. Бархъли бурасли џџкъси хџянџила бархџила эргъи наб русес дигулри. Бамсриџхъџс, ряхџяттрирус или, ну кариџхъунра. Амма паргъатагартџи пџкрумани гъанкџ бемџџахъур: наб Култумла сочинение ахтардиџарес дигулри. Илини ахџси къџмат кайсџниличџи дила умут леџли џиалра, ну сочинение ахтардџхџеџарили паргъатриџс рирули ахџенри. Ну къънахџериубра — Култумли сочинениелис хџџџбла къџмат касџб. Гџурра џакъаџар ахџил чеџетаахъџили белкџџи риалри, авла къџмат каџатесра асубири. Хџерагу, џа белџџен, гъари, севан белкџџил,» — или А. Григорьевнани набџи Култумла сочинение чеџаахъџб.

Култум набџил парх 10-џџил класслизир ручџлуси рурси сарри. Урус мезла белкџџла џлала гъаман кџџла къџмат џири. Гъар бархџџи џличил А. Григорьевнани хасси хџянџи џирулри. Култумли урус мезла лерилрарасера правилоџи урџџџиличир далулри, амма белкџџлизир џлди дархъџли пайџалаџарес рирули ахџенри. Даг савли белкџџнџси сочинение четвџртьлизиџ бегџла эргъџси саџри. Илизиџаџд дџгахъџсири 4-џџил четвџртьлизиџ Култумла урус мезла белкџџла къџматла къџсмат. Ил нуни ахџил џалулри, ва Култумли «хџџџбла» касили дигулри. Амма сеналра гъанхџеџџрки Култумла къџмат-

личи А. Григорьевнани илцадра халаси пикри бяхІчиу или. ХІерагу ишала разидешличи. Эгер Култумли «5» касили риалри, сели риркѣшира иш? Дунѣяличи кахІерурци! ХІябла кѣмат багъандан илцад разидеш бирув адамли? — кѣясриубли пикририкІулри ну.

Амма А. Григорьевна разириѣнила магІна нуни ца-къадар къанниван аргѣира: ил, гѣалаб наб гѣанбикили-ван, 3-ла кѣматличи ахІенрину разириубси, Култумличи, илала чедибдешличи сарри. ГІе, ишбархІи хІябла къа-мат касибсили жагІял-царахІел шула кѣматра касес рирниличи А. Григорьевна умутлири. Иличибра имѣІа-ли, А. Григорьевнани гѣарил учениклизиб илгѣина умут алкІахъулри.

Ил наб гІядатла ахІенси хъунул адамван рилзулри. Сецад ибкъси хІянчила эргѣира, хІятта дуги-хІери рус-хІеунхІелира, ил, сунела гѣести гІямруличи хІерхІеили, челис-че цІакъбикІуси гѣираличил ва кахІедурхути ди-гиличил рузулри. Класслизиб итил яра ишил ученик ахІил учІаниубхІели, ил хІерагѣесли рарсриулри: илала шалати дяхІ бархІиван ухесдирхІулри, ил жагѣриубсин карилзулри. Хаслира илди бурхІназир илизи гѣайдикІес, иличи лехІихѣес, иличил барх замана беркІес нушала иштяхІ гѣатІира имѣІабири. Юх, ил нушаб чІянкІли учительницацун ахІенри. Ил нуша гѣарилла гѣамси гѣалмагъ сарри, иличи нуша карѣІдиублири ва ил ну-шаб ахІерси нешван дурхѣалири.

ХІера, илхІели бегІгѣалаб дила уркІилизиб учитель-ницала хІянчиличи гѣаргѣдешла цІа алкунсири. Нуни учительница ретаэс къасбарира. ХІера дила хъул бар-таур. Амма дила уркІилизиб А. Григорьевнала сипат сеналра камбирули ахІен. Баягѣи ит дугели къанси манзилличи бикайчи шалабикІуси улкъай гѣанбикалли, берхІи абухѣунхІели чемѣурси закван дила уркІи ша-лабирили саби. Агъ, дила ахІерси цаибси учительница! Балулривара хІуни ишбархІи дила гІямрула гѣуни ша-лабарибси цІябдешлизиб даим шалабикІуси хІела улкъай биѣни? Булулрив хІуни, гѣар чуйна хІу гѣанри-кибхІели, дила уркІи гѣалаксарули биѣни? УркІиларад хІечи азир баркаллала дугѣби сари-сарил дургѣули диѣни? ХІу дила талихІчерти гІямрула кѣиблама риѣни?!

Баркалла хІед! Баркалла, дила ахІерси Александра Григорьевна!

* * *

«Даим дила хьулчисигъуна мурадли бирусири (нуни биалли халбирулра ил дилацунра ахӀи, илкьяйдали лебилрара-сера советский педагогуналара мурадли биънилизи) адамличи имканбикӀуцад имцӀали тӀалабуни гьаладихъни ва иличил барх имканбакӀибцад имцӀали хӀурмат бирни».

А. С. Макаренко.

* * *

«Бяркъ бедлугнили чӀянкӀили адамла пикри тӀинтӀибикӀахъес ва илис белгиси къадарла багъудлуми дедлугесцун агӀниси ахӀенну, илизиб саби агарли гӀямру я гьарли-мартили я талихӀчертили диэс хӀедирути пергерси бузериличи гьаргъдешра алкӀахъес агӀниси саби».

К. Д. Ушинский.

* * *

«ХӀушани, дурхӀнала бегӀти, уршилис яра рурсилис бяркъ бедлугуси чӀянкӀили хӀушала хъалибаргла талихӀ багъанданцун ахӀен. ХӀушала хъалибарглизив ва хӀушани гьуничебиахънила удив гӀурла деятель ва гӀурла ургъан алкӀули сай».

А. С. Макаренко.

* * *

«Историяли хӀушала, учительтала, гьала ишдигъунти мурадлуми тӀашдалтули сари: сагаси адам айкъес, халкъанала гьарли-марти узидеш багъандан, коммунизм багъандан дургъес».

М. И. Калинин.

* * *

ГӀе, районоли наб урус мезла ва литературала дурсри 8—10 ибти классуназир чедаахъилри. Амма нуни 5—7 ибти классуни касира. Дила баркъудиличи неш ва гьамти гьимбукӀиб. «Абдалриублирив хӀу? 14 дус ручӀули кали, гьанна шуибил класслизир рузес рикӀулрив? Се ахӀдеш лебли? Алапа 8—10-ибти классуназиб халал саби, рузесра, хӀуни буруливан, илди классуназиб гьа-

мадли саби. Гѳур се дигулри хѳед? «ДурхІнас лайкъси бяркѳ бедес... «ДурхІнас бяркѳ бедес», — рикІулри. 8—10-ибти классуназир рузадли-декІар, дурхІнас бяркѳ бед-лугули ахІенрив хІуни? Се декІардеша?» — или гѳачам неш, гѳачам нешла рузи гѳар дуги яргаличил набзи насихІятбикІулри.

Агѳ, ишди бухѳнаби! Илдала пикруми... Адам... Се леба дунѳяличиб иличиб дурхѳаси? Амма цацабехІтани адамличиб давла, алапа гѳалаб чебиули саби. Или хІебиалри, арц багѳандан набзи нешли илдицад гѳай дириѳ? ХІедири. Ну бегІгѳалар нешличил рарсряхѳира ва 5—7-ибти классуназир рузесряхІира.

Дила пикри хІясибли ва цархІилти учительтани бу-руливан, 5—ибил класс кѳиянтигѳунтазибад ца бируси саби. 12—13 дусла гІямруличив дурхІя вагѳхІегѳесли варсулхѳули виар: ил урхІла ва сунела баркѳудлуми пикрилизи кайсанитар, гѳаларти классуназив учІухІели-ван гѳар бурибсиличи баришкайрули хІевѳарну, иличила сунела пикри бурес дигахѳу, жалтаиркъесирхІур. Ил-гѳуна дурхІя заманаличив бархѳси гѳунчи каѳс виалли, гІур илизи гѳайикІес, илизивад гѳарли-марси адам ветаахѳес гѳамадли бирар. Бирару дунѳяличиб адамлис кѳуллукѳбирниличиб хІурматла ва халаси кѳадрила хІянчи биѳс? Юх, хІебирар. Дила гІямрула мурадра — адамлис лайикѳси кѳуллукѳбарни саби. Ил багѳандан нуни дила цІакѳани ахІерахІедирис!

* * *

Ну тамашариулра цацабехІти учительтачи. Илда-ни лебилра хІянчи 45 минутла дарс бедниличи кѳантІ-кабирули саби. Дарсра сен-сен бедлугули? Гѳаман ца тяхІярли, сегѳуналра иштяхІагарли. Амма илдани хІян-чи бирули ахІен или викІесра вирули ахІен: илдала дурсрала планти лер, заманаличир дурхІнала ва бегІ-тала собраниеби дирули саби, педсоветличи башули саби. Гѳанбикеслири, гІур се агІниси или. Эгѳ, гѳегѳ! Илдала гѳар се-секІал лер, амма бекІлибиубсигѳуна агара: хІянчиличи иштяхІ, дурхІначи гѳарли-марти диги, кѳантІли буралли, уркІи-уркІилабадси гѳира ага-ра. Илди чебиули, дила гѳими рурхѳесдирхІули сари. Юх, илдачил баришкариѳниличибра сукѳурриѳни гѳа-лаб саби!

Къияндешлуми... Ца яра кѣлцун ахѣн наб къарши-
дикибти. Амма илдачила лукѣлу ахѣнра: хѣйгахъис
наб гѣмруличи зигаррикѣс! Къияндешлуми къияндеш-
лумиван ахъес агѣнибиркур!

* * *

«Адам — ил дев гъайбатли зайбикѣлу саби!»

А. М. Горький.

Хѣрагу, сецад мурхъси ва шаласи пикри сабил!
Илди дугъби чуйна гъандикалра, дила уркѣи чеабиуси
советский пергерси наслуличи пахрули бирѣлули саби,
ил наслулис гѣмру багъишладарес гъаргъдеш цѣакъ-
бикѣлули саби», — или белкѣани делчѣи тамандарайчи
гѣла чарбухъунти дурхѣнани Раисат алаврариб. Раи-
сатли дневник къапбариб, ва, пишряхъили, дурхѣначи
шурряхъиб. Илдала някъбазир вавнала халуи сарри.
Гъариллис сунела хала Раисатлис бедес дигулри. Раи-
сатли лерилра илди касес хѣрирниличи шакикибси
Чанкурли буриб:

«Дашира, дегѣлара жагатигъунти вавни чердикѣили,
халаси хала бирехѣе». Иличи разибиубти дурхѣни шад-
ти тѣама-гъамаличил хѣянчилизилахъиб, ва азир рангла
вавназибад барибси пергерси хала Раисатлис бедиб. Ил
халали Раисатличирти дурхѣнала дигиличил дарх наб
илдала уржибдешра цадешра гъандикахъиб.



ХАБУРТИ

ЛЕБИЛРА АДАМТАС ВАНАЛИ БИАХЪЕС



Нешли печь абикъур. Амма, гав дурайули, печь вай-та улкулри. Чили-биалра трубаличи къаркъа чебихъили ахъенара или, ил хъалчи арацѣиб. Трубаличиб селра аги. Неш сецад къайгънариркъули хъалли, гав трубала-рад дашули ахъенри. Чумал минутла бухѣнаб хъали гав-ли бицѣиб, селра чехѣбианбиуб. Гъимрукѣибси нешли печь хъулибад дуракасиб.

Дураб печьла ахъдешличил дяхѣи сабри, дебали бугѣярлири. Адамти хъулрази чарбухъес къалабаби-кѣулри.

Унраличивад хъули чарулхъуси Мурад, унзала гъа-
лаб чула халаси мегъла печь чебаили, тамашаиуб:
«Иш се анцІбукъа? Иш кІун нушала печь саби.» Ил
печьличи гъамиуб. Печь бара ванабикІулри.

Сегъуна-сабрил пикрили разилахъубси Мурад дур-
хъи арякъун. Иларад дерубти урцули хиб ва печь бем-
жахъур.

Унза-улкъай гъаргдариб ва нешли гав дураиб. Ду-
рав, печьла мякълав, цІализив виркъуси Мурад чеили,
неш иличи гъамриуб.

— Се бирулри хІуни, Мурад?


— Печь бумжахъулра.

— ВяхІ, хІу илцадра гІякълуагарси урши сай или,
гъанхІебирки наб: дураб печь бемжахънилизибад се
ахІдеша?

— Хъулиб печь абикъурхІели, нушацун сарра вана-
дирути. Дураб абикъалли, лебилра адамтас ванали би-
рар. Чебиулрив, печьлиубси дяхІира балли бицІули...

ДАИМЛИС ЗАЙДИКІАХЪЕС

Радиолизир дам-дядла тІамри зайдухъунхІели, бер-
хІила нур чегибтин, Мурадла дяхІ шаладиуб, хІулби
разидешли ухесдиб. Ил замана-
заманаличив неш-дудешла дяхІ-
ла хІерикІули, пиширхъулри. Су-
нес хабарра агарли илала някъ-
би-къяшми шикъдикІесдиб.
Иличи шакбикити неш-дудешли
хъат бяхъиб. Мурадли гъандуцес
хІейуб; кІелра някъра ахъдуци-
ли, ил харчизур ва делхъличи
ветухъун.



ХІера, ил жинжирагъван бай
хъулив ласухъун. Дудешли «гъарссахІ!» или тІамадариб.
Мурадли, машгъурси делхъчиливан, къукъа муси чега-
хъиб, гІур, тапван дянгухъи, бехІ гумлачив тІашизур.

Дам-дядла тІама жикъила агиличи ва далайличи
шурдухъун.

Урши кІапулри, нешли иб:

— Биур, дила Мурад! АхІси делхъчи ветаруд. Бамс-
риахъа. Далуйтачи лехІехъи.

— Далуйтала эргѝи се бирара, неш? — хъарбаиб гьеркличикибси Мурадли, рахІят-дешла гѝигъра бушили.

— Концерт таманбирар, Мурад. СагІят верхІел дикайчи сари далуйти духъяндилтІути. ХІера, икІ сагІят — шел минут кали сари, — сагІятличи тІул бахІчиаиб нешли.

Нешла илгъуна жавабли Мурад разиагариахъуб. Ил айзур, уталичи ацІили, сагІят тІашаиб.

— Сен или бирулри, Мурад? — тамашариуб неш.

— Дам-дядра далуйтира гъармурталра зайдикІахъес, — разили жаваб бедиб Мурадли.



МУРАДЛА ХАЛАДУДЕШ

Тамашала адам сай Мурадла халадудеш! Илала я бекІличиб я чурха муцІурлизиб цалра цІудара гъезагара. Ил 106 дус виубли сай. Амма сунези хъарбаа, гъари. 6 дус сайра виубси, уршила уршила зилан сайра виІар.

ХІера, ил адам гъачамалра акъули хІейрар. Илини сунес кабизахъурси пенсия кайсули ахІен — пачалихълиси хІялалбалтулра виКІули сай. «Гъачамлиси ну узес хІейраниубли ахІенра, дила хІянчилиси лугуси арц дила «цІикурлисира» набра баили имцІара булхъули саби,» — виКІули сай.

Ил шилизив урибси къаркъала ва къисла уста сай. Илини шила дурхІнас гъяй, жинжирагъ диру, урчас лутІи-гІябул дирхъу, някъбазир къякъ яра шявхъа камхІе-диру. КъантІли буралли, шила халкъ илиси «мургъила някъбар» бикІар.

Мурадлиси сунела халадудеш дебали дигахъу, ва сайра иличи мешуикес даим къайгъилизив виар. Гъарсе-секІайзиб илини халадудешлиси кумекбиру, халадудешван сайра акъули хІевъар.

Ца бархІи Мурадли халадудешла къякъ ва гІябли касиб, бабза уркъули ва хъяршкаибти кІел урцул тІа-

лабдарили, азбарлав кьис-къутІлизи ахъиб. ИлхІели азбарла Мурадла гьалмагъ Идрис ухІнавхъун.

— Мурад, ваши шадир аркъяхІену.

— Нуни хІянчи бирулра, — иб Мурадли сегъунарил пахруличил.

— Се хІянчи бирулри?

— Ута бирулра.

— Чис?

— Халадудешлис!

— ХІуни хІебарадли, халадудешли ил барес хІей-рулив?

— Халадудешли се-дигара барес вирар. Амма илини сунени барибси секІал урхІлис бедлуга. Нуни иш ута халадудешлис бирулра.

— ГІур барес вирудну, ваши шадир аркъехІе.

— ХІянчи бархъкабатурли, дила халадудеш шадив хІешар.

— Халадудешлизи ахІенрагу ну шадив ваши викІу-си, хІези сайра.

— Нура дила халадудешгъуна сайра. ХІянчи таман-барили, гІур льявкъяс.

Мурадличи гьимукІили, Идрис арякъун. Мурадли уркъуйу сенрил урцулла кІел къяш удыхъиб, гІяблачил дебадариб.

«ХІера, ута саби! — разили тІамадариб илини. — Сен жявли арякъунсивара ит Идрис, иш ута чебаэсалра хІевъули? ХІябилра разиיעс набчи халадудеш!»

Ута таманбарибхІели, Мурадлис сунела халадудеш-ла гъай гъандикиб. Ил мурталра викІар: «ХІела хІянчи урхІлизи чебаахъес гъалаб, сагадан чариубли хІуни ахтардибара — чебетхІебаибдеш камавлахъид. Сунела ута ахтардибарес, Мурад иличи кайиб ва, уркъуйзирад утала къяшми декІардикили, къакъличиикиб. Ил сагІят-лизив мякълав халадудеш валхІейкесу! Илини някъ бу-цили Мурад ахъуциб. «Селра хІебирар, дила уста. Ута бячнила сабаб хІуни ил гІяблачил ахІил дебабарес хІейънилизиб саби. Нушани ил вецІал адам кабиалра шикъхІебухъесли бирехІе. Каса, гъари къякъ», — или Мурад уркІичевариб.

Утала кІелра къяшла урга, ута ита-иша хІебулкІа-хъес или, халадудешли урцул дебабариб. Байхъала сагІятла бухІнаб кІилилра ута таманбариб. «Ахтарди-бирехІе» или, халадудеш иличи кайиб ва сунела къукъу-

бачи Мурадра кайахъиб — ута шикъхъебухъун. Амма ил ута Мурадли халадудешлис хъебедиб. «Ил нуницун барибси ахъен. Халадудешлис нуни иличибра ахъси цар-хъил ута бирис», — пикриикъулри ил.

Халадудешла къукъубачи кайибхъели, Мурадлис илала чурха муцурлизив виркъес дигахъи. Ил гъаман суаликии:

— Чили гибси хъед иш муцур? Ит Шагърухъала гъежали гибсив? Гъежала кълун муцур биштласи саби. Хъела биалли иш бушкалацад леб.

— Агъ, Мурад, Мурад! Дахъал дагъес дигуси леври къалли.

— Дила сен агарси муцур? — гъурра суаликъес даи-мири ил.

— Даршал дус виадли, хъелара лябкъян.

— Мурт вирусира ну даршал дус? Жагъялу? Набра илгъуна муцур дигулла!

Мурад сай къанни даршал дус вирниличи гъаман зигарикъулри. Гъар секъайзив сунела халадудешличи мешуикес дигуси ил ца бархъи хабарра агарли сунела мурадличи ваиб.

Гъачам Мурадли тѣп халадудешлагъуна муцурличил, чурха цуба букълун къапаличил ва хъякаличил клубла сценаличив халал узи Хъясан чеиб. Хъули чарубхъели, илини Хъясайзи тилади-бариб сунесра халадудешлагъуна муцур барахъес.

Дяхъиличи муцур-супелра даршили, букълун къапара чебиили, ит Хъясай чегъурси хъякара чебуцили, Мурад халадудешхъалачи арякъун. Хъулив чилра варгхъергили, гъаргала дуравхъун. Хъякара мусибад хъусбикъахъули, халадудешливан муцурра хъяршбирули, ил хъа гъала кабиб-ти хъунул адапти-ургарси сунела халанешличи гъамиуб. Гъяшиубли, илала хъуцарличи някъ кабихъиб ва халадудешли хъулир гъаман илизи дурути дугъби лебтасал-ра дакъесли тикрардариб:



Даршал дус
Виублира,
Даршал гІур виаслира,
ВикІус хІед ну
Цікури,
Дила жавгъар-духури.

ВАЛРИ! ВАЛРИ!

АлхІят бархІи ХІябиблира Мурадлира бегІтас колхозла хІянчилизиб кумекбарес къасбариб. КІелра узини, цаличил ца абзбикІули, картошкала къадуби арціилизирад умудирулри. Халал узи ХІябиб Мурадлис гъалаулхъулри. Мурад виалли илис гІелахІейкес къайгъилизиври.

— Валри! Валри! — бекІ ахъбуцили, хапли вявѣиб Мурадли.

— Гъари? Чинаба? — ХІябибли хІянчи бархъбатур, ва авалра шайчи шурухъун, амма валрила къаралдилра чехІебаиб.

— Ит, дубурличибад гІелабиркули, — жаваб бедиб Мурадли, иш яргалис бекІалра ахъхІебуцили ва узес даимиубли.

— Дубуртазиб валри бирару? Сен абдулта угъусири, Мурад? — ургавхъун дудеш.

Марлира, чинабалра валри аги. Амма, сунечи хІерхІейкІули, къалабали узуси Мурад чеибхІели, ХІябиб илала баркъудиличи шакикиб.

— Агъ, гІямултар! ХІу наб гІевваилригу. Амма хІердикІехІе! — ХІябиб къалабали ирцІесвахІиб.

СЕН НУШАЧИ ШАДИР ХІЕРАШУДА?

Мурад зизичи шадив вякъун. Иличи зизи дебали разириуб. Мурадла кисми хивани дицІиб, гІинцби дедиб ва хъарбаиб:

— ГъайкайкІен, гъари, Мурад. Неш сен сари? Халанеш изахъулив? Дудеш хІянчиличи вашулив? Сен сарра, сели диркъулра?

— Неш сен сарил ва халанеш изахъулил чебаэс, нуша сен саррал ва сели диркъулрал багъес, хІу нушачи сен шадир хІерашуда, зизи?

ЦАЛРА ЖУЗЛИЗИБ АГИ

Нешли школализивад чарухъунси Мурадла тетрадуни ахтардидариб. ЛукІнила тетрадьлизиб кІила кьимат чебаили, ил уршиличи рехІризур:

— Сен кІила касири? Я? Вашен хъярхъли хъуливад! КІила кьиматуни кайсуси урши хІейги наб! — вявъиб нешли.

Мурад хъуливад дуравхъун. Гъаргалаб дурхІнани хІяз бемжахъурлири. Амма Мурадла илдачил хІязта виркъес я илдази гъайикІес иштяхІ аги.

«КІила кьимат нуни дарс хІядурхІебарнилис касибси ахІенри. Ил хабарра агарли касибсири: лукІухІели, тетрадьличи кІел халати дамгъа детаахънилис. ГІур ну даим махІкамли вирус ва гъачамалра вайси кьимат кахІесес къайгъибирис. Вакъи тѧп илкъяйда нешлизира бурис. Ил набчирад черрурхар. Амма ил ишбархІи дебели гъимрукІили сари. Се бурили хъалли, набчирирххІерар. Се бируси? — пикриикІулри ил.

БархІехъ Мурад хъули чарухъун. Сунечи вякъризурси неш гъай или бекІриаичи илини буриб:

— Гъанна хІябал дус ну школализи вашулла, неш. Нуни дурхІначила дахъал жузи делчІунра. Амма цалра жузлизиб нешли урши хъуливад дуравшнеличила буруси анцІбукъ аги.

ИЛЬИЧЛА ЧИРАГЪ

Ца бархІи бархІехъ Мурадхъала хъулиб бегІла гъалаб хутІла чирагъ пархбухъун. Чирагъ тѧп Мурадла хункІцад сабри. Амма сецад ахІил шалабарибал илини хъали!

Чирагъличи тамашаиубси Мурадли дудешлизи хъарбаиб:

— ИкІ чирагълизи набт чина картІути?

— ИкІис бекІлил набт агІнити ахІен, урши.

— Сен, гъатІи, икІис Ильичла чирагъ бикІути? — «Шилизир Ильичла чиргъми алкун» ибти гумайгъар дакъибти гъай гъандикахъиб Мурадли.

— СенахІенну, дила урши, икІ чирагъ Ильичла пикрили ухахъуси сабхІели...

КІІБАЙБАРИБСИ БАЦ

— Халанеш, ва халанеш! Бурагу, сен икІ бац кІибайбарібси? Гъалабван кІун икІ журугсири, — иб Мурадли, бацличи хІерикІули.

— Юх, Мурад, бац кІибайбарібси ахІен. Или викІалли, хІед халаси бунагъ бирар. Бац даим журуга бируси саби. Малаикли сунела дукала гъалабуцибхІели саби икІ ишдуги байхъалацун чебиуси.

Амма Мурад халанешличи вирххІеур. Илини иб:

— АхІен! АхІен! Нуни балас, сен икІ байхъубиубсил: ишбархІи арцурси нушала спутник къячбекили, ил кІибайбиубли саби!

КЪАЧА

БерхІи гІелабикибхІели, закла дубларти гъагулти къирмизли берхъурси чІянкІиван хІунтІендиуб. Закир вичІирдикІули урцути арцантала тІамри камкадиуб. Дубурла бяхІлизибси шила чедир гав ахъдиуб.



Ранг-рангла вавнала халаси халара барили, Мурад шадивад чарулхъулри. Ил къалабаикІули ахІенри, сагати вавнани сунела хала чебирцІахъулри. Мурталра бирули къяйда, бархІиихъухІели ва хъайгІи чарухъес замана баибхІели, халализир агартигъунти

дахъал вавни къаршидиркулри.

Мурад БецІла къадала саибхІели, хабарра агарли алавчарли дирихъ чебихъун. Къадалар дахъал буцІи дирниличила балули, ил урухиуб. Амма сенрил, «дунъяличиб адамличиб цІакъси ва адамлис мутІигІхІебируси секІал лебси ахІен» ибти учительла гъай гъандикили, илала урехи беткахъиб. Сеннира илини ганз къалабабариб.

Къадакад умути шинна биштІаси хІеркІ кабухъири. Алгъай шайчир, удир ахъти шурми, балуй шайчиб зумаси вацІа сабри. ВацІализирад дашути буцІани гъар дуслизир ил къадалар дахъал хІяйванти агардирутири. Бурули бири, дирихъ чебихъунхІели, янилизиб я хІеблизиб илаб бецІ камхІебирар или.

Зумаси дирихь-ургабад селарил къаралди чебаили, Мурад руржесииб. Ил, шикъухъес хІейрули, муэрли-зивван хІякизур. «БецІ саби!» ибси пикрили илала ур-кли къалабали тимхъбухъахъун. Някъбазибад вавнала хала кабикиб. «Мя-я» или тІа-мадарили, сунечибяхІли къача шурбухъун.

«ХІерагу, къача буили, — разиуб ил. — Наб дебали тянишсигъуна саби. Рахли нушала къача хІебиалли? Ил кІун, ишаб калалли, буцІани кабуршу!» — къакъавакІиб ил.

Мурадли вавнала хала ахъбуциб, къачачивяхІ ватихьиб: «ГІе, нушала къача саби, андаличиб цІуба дамгъара сабра. Гъари хъули чарбирисну».

Амма, Мурадлис вайбаркълисван, сагадан «мя» или тІамадарили, къача бебшиб. Халаси ахІенси къадала мякълаб тІашбизур. БугесбяхІиб.

«Белики, къадала гІела бецІ дигІянабикили биэс? Ил хІели ил къачачицунра ахІи, набчира чебухъес асубирар. Юх, набчи чебухъес гъалаб илини къача кабуршу. Илис ну ахІенрану агІиниси, къачала диъ саби...

Марлира, ит нушала къача сабив? Дила нешликІун цІябдиайчи гъачамалра къача дураб батурси ахІен. Нушалайчи мешути, андаличиб цІуба дамгъала дегІти къачни шилизир камлив, гъатІи? Юх, ит нушала ахІен. Нагагъладан нушала биалри, ну чеибхІели, гъабхІе-булхъину, набчибяхІ дуцІбулхъи. Сен урхІла къачачила ну къайгънаиркъусира? Се агІнидеш лебли? КъачагІив дуцІикІухІели, селизи-биалра вархили, кайкес, къяшнякъ изиаэсра асубирар... Сен вашухІели гъала хІерхІей-кІусири или, нешлира маймайирура».

Къача бархъбатурли, Мурад хъули чарухъун. Амма хъулив чилра аги. АнцІбукъи, ил унрубачи шадив арякъун.



СагІят эргъи илини унрубала гъаргти улкъайтазибад сунела нешла гъайла тІама бакъиб. Ил чизи-саррил рикІулри: «Се биру, дила рузи... Нушаб къисматагар-хІели биши, буцІани кабушили баргира. БецІла къаданивад ветсад аркъуси адамалра валикибси виалри, ил шилизибяхІ дугІии. Амма, чебиуйчи мешули, чилра валикили ахІен. Ну, ахмах, биалли, заманаличиб Мурадли хъули лебку или, паргъаткариубсири. ИшбархІи ил чина веткахъибсил, балули ахІенра. ХІябилра хІейгибизес дила уршилис».

Неш селичила гъайрикІулил, Мурадли бусагІят багъур. Илис занзбала къадаличи кайибсин бизур. БекІ гІяшбуцили, дигІянали гъалмагъличи хІеризур: «Дакъибара ишини дила нешла гъай? ХІедакъили виалли, сен иш набчи ташмишли хІерикІуси? Юх, иш шакикили сай. Ишини ну цІахирура. Вебшес, вебшес чина-биалра адамти чехІебиуси мерличи». Гъалмагъца шайчи ласяхъибхІели, ил айзур, дуги ахІбираб эсалра хъумартурли, къалабали дуравхъун.

Къанси манзилличи бикайчи ил хъули чархІевхъун. «Дила бекІ изули саби, наб селра дигули ахІенра» или, къацІлилра укхІевки, вакІибмадан кайхъун.

«БархІехъ БецІла къаданивад ветсад аркъуси адамалра валикибси виалри, ил шилизибяхІ дугІии» ибти нешла гъай илала уркІиларад аркъули ахІенри.

«ХІебиалли, дила мерличив царил адам виубси виалра, нушала къача хъули чарбири. Нуни биалли, ил урхІла къача саби или бархкабатурсири... Нушала биаб, урхІла биаб гъаннала эргъи сегъуналра декІардеш мабиаб!» — чІумали пикрибариб Мурадли.

«ЛЕКТОР»

ГъачамхІели чурми зуздирули, гъачамхІели мегІ-пупдирули, ХІяпизли риштІаси СултІанат рисирияхъиб. Къакъакад аркъуси учитель Ражаб, рисуси рурси чераили, тІашизур. ХІяпизличи гъамиуб, ва хъарбаиб:

— Сен вайта виркъулри, урши?

— ХІела се къуллукъа, ну сели виркъасра? — къяркъли жаваб бедиб ХІяпизли, Ражабличи вякъизурли.

— ХІябилра белхаагар хІейадли! ВегІличив халасиличил илкъайда гъайвикІару? ЦІаххІебилзулив хІед?

— ХІу нуни чи сайрил валхІелари! — или варсяхъили, ХІяпизли гІурра рурсила чури зузбариб.

— Къячмалкад! — тІама ахъбарили, Ражабли ХІяпиз рурсиличивад тййдивариб.

— ХІу хІела уршилис буйрухъикІен, набзи гъаймайкІудну! — гымукІили вьвъиб ХІяпизли.

— Дила урши вайтани хІеркъур, я виркъахъес хІелтас. Ил хІечивра виштІаси виалра, ахІсира вайсира декІардарес бала. ХІуни биалли балули ахІенри.

— ХІебалули виасра, хІези хъархІебиис. АхІсира вайсира набзи дагъахъес дилара дудеш левси сай.

— Чи саю ил?

— Лектор сай, — иб пахруличил ХІяпизли, дудешла хІянчиличила хъарбиули сай или гъанбикили.

— ХІебиалли, хІела дудешлира гъар бархІи хІечил иш нунигъунти гъай дурули валан?

— Юх, ил набзи селра хІейкІар.

— Сен?

— Нуни чинад балуси? Нешра ралли «уршилизи дила гъайла аргъахъес рирули ахІенрану, хІунилра ихтилатбара» или илизи гъаман махрикІар.

— Дудеш сейкІара, гъатІи?

— Ну уршилизи гъайикІахъес лектордешли катурси ахІенрану, халкълис лекцияби дучІахъес катурсира, викІар.

«УВКАСИБ»...

Каримла узи далай-делхъла уста сайри. Гъалавван ил клубла художественный руководительдешла хІянчиличи катурсири.

Ца бархІи Мурадли Каримлизи хъарбаиб:

— Чумал бархІи хІела узи клублизив чеили ахІенрагу, Карим. ЗагІипли хІейэс?

— АхІен.

— Сен хІянчиличи хІешуси?

— УвкасибхІели.

— Се сабабличивли?

— Валлагъ, хІу гъаман держли ужулри, хІед иш хІянчи лайикъли ахІен, или.

— ХІебиалли, гъанна ил акъули валан?

— Юх, ахІен.

- Узулив?
- Гъайгъай!
- Чинав?
- Чягъирла тукейзив — заведующий сай.

АГЪАГЪАЙ, ДУРХІНИ!

Шадивад чарухъунси БяхІмуд хъулив разиагарли гъайхъун:

— Адам ахІен ит, инсапагар! Сепайда, ну халаси виасри, илис неш гъанриркахъаси нуни!

Уршила гъайличи тамашариубси нешли хъарбаиб:

— ХІу сейкІусири, БяхІмуд? Чучила гъайикІулри?

Амма, нешла суалтачи пикри бахІчихІеили, ил даи-миуб:

— Кепкайубли аркъуси илини хъутнук или Мирза ватІун. Мирза, «Чягъирла чарма» или, иличив дукаря-хІиб. Илини бяхъили Мирза кайкахъиб, лихІи ласбари-ли, хІили башесаиб. Агъ, инсапагар! Сепайда, ну хала-си виубли дигахъира — илис чеббирцІира.

— Чи хІяжар сайри ил илцадра хІяяагарси?

— Чи виэса — къандахъала ХІяжи сайри.

— Агъ, абдал-тІакъа! ХІяжис сайрив хІу хІяжар викІуси? Ил дила рузикъарла мурулла узи виъни хІе-балулрив хІуни? Къурумсахъ! ХІяжичив ахІси гъабза левсив шилизив? ВегІла тухумличила илкъяйда вайтІа гъайикІуси хІебитар.

Нешла гъайли БяхІмудла пикруми дарсдиахъуб: «Марлира, сен нушала адам мисхилладируси? Юх, ХІяжи вайси адам ахІен».

БархІехъ БяхІмуд гъаргалабти дурхІнази гапухъун:

— Агъагъай, дурхІни, къандахъала ХІяжила къуват-личила багъадалри хІушани, тамашадирадая. Илини гъакІбарибси хункІли Мирза тапван муси герухъахъун, ца бара зузванбарили, илала лихІи гъярбариб. ХІяжи чизивадалра уруххІейрар. Илгъуна гъабза шилизив гІур-цалра агара!

БИЗИСИ КЪАЦИ

Амир урегал дусла гІямрула чІукъаси ахъси урши сайри. Илала назикти някъбани ва бухъутІбухъунси вяхІли, ил загІипси урши сай или, гъанбиркахъулри.

Неш къакъарикІулри: «Сецад-дигара ахІси беркала барили хъалли, урши ухахъес рирули ахІенра. БархІиличи-бархІи чІукъаирули сай. Кемпетла дураб, абзур бархІи гІур селра къакла бихули ахІен. Нергъ картІулра— дужули ахІен, каш бирулра— букули ахІен, варъа— ца камси букули сай. Муридешра цІедешра ахІи, селра гъамбирули ахІен. Балули ахІенра, се бирусил, чизи хъарбиусил, се тахІяр балбурцусил...»

— Ваши, дила ахІерси, дукес аркъехІену. Савлиличабадал хІуни селра берки ахІенри, гушиубли ургуд, — гъаргалабси къасиличи кайибси уршилизи малхІямли гъайрухъун неш.

— Дигули ахІенра! Селра дигули ахІенра! — ахъли жаваб бедили, нешличивад ил вебшиб.

Неш рачарархили хъайгІи чарриуб.

ИлхІели азбарлавад, някълаб кІатІара сайра, Амирла халадудеш дуравхъун.

— АхІсагІят биаб, халадудеш! — салам бедиб Амирли.

— Араираби, урши, араираби. Сен-сабил савлиличабадал селра беркес иштяхІ агара. КъацІ бизибиахъес дуравхъунсира. ХІуни беркунсив гъачамалра бизиси къацІ? — хІяна муцІур хІяршбирули, пишяхъиб халадудеш.

— Бизиси къацІ лебси ахІен! — жалбариб Амирли.

— Лебси саби, Амир. Лебси саби. Амма хІуни гъачамалра ил беркунси ахІен.

— ХІуни беркунсив?

— Гъайгъай.

— Наб хІелугаду?

— Лугас. Амма хІуни иличила чизилра бурмабурид, — Амир гъатІира дебали тамашаиахъес къасбариб халадудешли. ГІяйсала мерлаб кІатІара убирхъули, ил ватихъиб. Амир илис гІелавадикиб.

Юрт-алав ласухъи, халадудеш Амирхъала халалгъуна хъа улкъайув тІашизур. Ванзаличи кІатІаличил къелдариб, икъесииб. КІатІа къаркъализи чегиб. Сецад витІакІили хъалли, халадудешли къаркъа шикъбарес хІейуб.

Баягъи ит бизиси къацІ къаркъалиу дигІянабарибси бургар или гъанбиркули, къаркъа дураабитІахъес Амирра къалабаикІулри.

— ХІу ишав тІашизи, Амир. Вѣкъи, нуни гѣалакІи лебхис, — иб, халаси гыгѣра бушили, халадудешли.

— Ну аркъяс! Нуни лебхис, — ургавхъун илис Амир.

— ХІуни хес хІейруд: гѣалакІи декІси саби. Ил хиб-хІели, иш къаркъа дурабушес наб кумек барадли, баибси саби.

— Бирис, бирис, — разиуб Амир.

Халадудешли гѣалакІи хиб. ГѣалакІила дуб къаркъа-ла тІякъбухълизи къузбариб, итил дубличи сай чейхъун. Къаркъа ахъбиуб.

— Амир, хІера, иш биштІаси къаркъа гѣалакІила дублиу кабихъа, — иб халадудешли, сунела мякълабси къаркъа къяшли къужбарили.

«Бизиси къацІлис дигІянабикес дигули бургар. Халадудешлис ил виубцад къалабали абитІес дигули сай. Кумекбарес агІнибиркур», — пикриикІулри Амир. Илини халадудешла хъарбаркъ бусагІят таманбариб.

Халадудеш сагадан гѣалакІиличи чейхъун, къаркъа дураабитІи, ца шайчи лайбакІиб.

— ХІера, Амир, гІянжи дурадуша, — иб илини, Амир-лизи кІатІа бедлугули.

Амирли гІянжи лайдакІиб.

— Къучакъ, Амир! — гапариб халадудешли ил. — Га набзи кІатІа, вамсурлири, бамсриахъа.

Халадудешли кур мурхъбариб.

Халадудешла гапъай уркІичеварибси Амирли сагадан кІатІа сасиб ва курларти гІянжи лайдикІесииб. Илала бухъутІа вяхІ бемжур, хІунтІенбиуб, майалибатур. ГІур хапли халадудешличи ласяхъиб:

— Халадудеш, вашигу иша, галга убалтехІе!

«Галга убатес пикри лебли хІебиалри, ишаб кур икъуси чи сайри?» — разили пикриухъун халадудеш. Амма, сунела илгъуна пикриличила селра хІеили, илини Амир гІевуциб:

— Дебали ахІси пикри саби, Амир! Укъен, азбарлар ганзухъла гІелар галгуби терну, илдазибад ца ха.

Амирли галга хиб.

— Севан жагасил! Амма нушани ца хатІабарилра, урши, — иб халадудешли.

— Сегъуна?

— Дек хес хъумкартурлира...

— Нушала дурхъир тер! Нуни буркъа бадира бицІили лерхис!..

Галга убатурли, халадудешра Амирра хъули чарбиуб.

— Неш, гаша убкІулра! — тІамадариб Амирли.

Нешли беркала хайчи гъандуцес хІейубли, илини шкафлабад къацІ касиб, ва бегІгъалав иштяхІличил укесяхІиб.

НИКІА АНХЪЧИ

Дубурла бяхІлизиб ганзухъван белшунси шилизибад хІебла буцІарси бархІи, хІерейс, хІябал урши дурабухъун. Илдазивад ца 7—8 дусла гІямрула алаша урши сайри. КІел — ахъти, 14—15 дусла гІямрула, цаличи ца дебали мешути сабри. Селичиларил дигІянали ихтилатбикІули, илди шила мякълабси вацІализи бухІнабухъун.

ВацІа-ургаб гІинцби-хъярбала биштІаси анхъ сабри. Анхълис къуллукъбирули ухъна пенсионер Ражабли. Акъуси замана пайдалабирули, Ражаблис кумекбирес анхълизи илала уршила урши Омар вашусири. ХІера, ишбархІира анхъ Омарличи хъаркабарили, Ражаб шилизи къуллукъ лебли арякъун.

Омар 13 дусла гІямрула зантси урши сайри. Илала бара хІунтІенбухъунси журуга вяхІ, диштІати лагъаранг хІулби даим разидешли ва талихІли дицІили дири. Рахли се-сабил бялчусилагъуна тІякъла тІамали Омар уркІухъахъун. БерхІилис гъагул гъалабизурли, дяхІцІи бухъунхІеливан, илала вяхІ варсиуб. Ил паргъатагариуб. Ветсатухъун. Анхъла дублав гІинцбала декІдешли ванзаличи балкІахъунси биштІаси галгалиув ца алаша урши чеили, къалабаикиб.

Ил уршили гІинцбани берхъибси къяли къяббариб ва анхъла дура лайбакІиб. Сунечи гъамируси Омарла



вявъалайчи хІерхІеили, илини гІурра галгала къяли битІакІили, чеббердес къасбариб.

Омарлис бусагІят халадудеш Ражабла гъай гъандикиб: «Галгара тят адамгъуна саби, дила урши: илис-ра, адамливан, изиарар, илра, адамван, сунела душ-майчил бирхІур. Галга секъяйда бирхІес бируси ви-кІулрив? ХІу тамашаирулрив? Масала, чидил-виалра ца хъяшали галгала къяли бячес къасбарили сай. Къя-лили хъяшачил дявбирули саби. Ил булкІули саби, дямбилзули саби, хъяшала някъбазибад батбухъи гІярчумагван чІярхъбикІули саби, някъбази къизби-кІули саби, амма бусагІят бялчули ахІен. Нагагъладан таманни хІяялизивад ухъунси хъяшали ил бячалли, шинни тІутІубикІесбирхІули саби — илди галгала нургъ-би сари; галга чулахъбирули саби, някъ бячунси адамван децІлибиркъули саби. ГІур ил къяйчир бекІ-лил цІедеш дашули ахІен. Амма къяли бялчуси урши хІуни заманаличив тятдиварадли, галга уктемли ахъ-бирар, сунела кІапрачил вяшарбикІули, хІед баркалла бикІар. ГІур дус илини хІед гъатІира дахъал ва гъа-тІира дебали мурити цІедеш луга».

Тят халадудешли бурибсин, Омар гъамиубхІели, су-нела гъалмагъ мякълав сай или уркІичеббиубси галга-ла къяли алашала някъбазибад батбухъун, чІярхъбу-хъи вахІлизи чегиб.

— Сен галга бялчулри?! — вявъиб Омарли.

— ХІела се къуллукъа? Вирадли, мабялчахъад, — алашани сагадан галгала къяли битІакІиб.

— Тятдиини! — Омарли ил виругІев къужариб.

— Сен виштІаси хІелтулри? — тІамадарили, Омар-ла гъалаб хабарра агарли кІел чІукъати, амма суне-чибра халати урши дакІубиуб.

— Сен вайтани виркъуси, гъатІи? — гъатІира дебали гъимукили, хъарбаиб Омарли.

— Сунес дигута виркъахъес вати. Ихтияр сунела саби, — ца тІамаличил жаваб бедиб кІилилра.

— Юх! Анхълизи ацІили, галгуби заядарахъес илис чилилра ихтияр бедибси ахІен, — чІумали кайзур Омар.

— Нушани бедибси саби! — пишбяхъили алашачи хІербизур илди.

Илдала пикри аргъибсин, алаша сагадан галгаличи гъамиуб, ва бегІла берхъибсигъуна къяли чеббикІили,

зузбариб. Омарли гъандуцес хІейуб: дуцІухъи бяхъибси хункІли алаша муси чІикъитІахъун.

— Къячмаркуд! — вявъили, кІелра урши Омарличи чебухъун, михъири буцили, тямхъярариб, кайкахъили, иличи чебихъун.

Алаша айзур, галгаличирад гІинцби къябдиресииб, гІур, баягъи ит берхъибси къяли баргили, бячес вализур.

— Синка! Синка лябкъули! — кІелра уршилиув шикъухъес хІейурси Омарли дебали урухиубсила тІамаличил вявъиб.

Ил анхълизи гъаман синка башуси биъниличила хабурти дакъибти уршби, Омар вархъкатурли, харчбизур, чІяръили бебшиб.

«Верцахъабая! Верцахъабая!» — ахъли вявикІулри сунела хІилла гъарбизниличи разиубси Омар. «Дерцахъая! КІикъяшан синкбазирад галгуби дерцахъая!» — пикрибикІулри илала уркІи.

Бебшили хъайгІи аркъути уршбас гъунчив анхълизи чарулхъуси Ражаб къаршиикиб. Анхълизиб синка тебниличила ва саби илигІиб урухбиубли бебшниличила уршбани бурибхІели, Ражабли «Омар!?» или тІамадариб, ва къалабаикиб.

Омар галгала бячунси къялила удив хумарли къунзикІулри. Халадудеш чеили, ил кІантІивакІиб. Омарла баркъуди халадудешли ункъли чебаиб. Бячунси галгала къяли, гІянжи чедушили, гІягализи бергур. «Къурумсахъуни! Ца гІинц гагу, халадудеш, или гІурра набчи лебкъянну илди, хІердикІехІе», — пурхурухъун Ражаб.

Чумал бархІи эргъи, дугели, халадудешра Омарра бусаунхІели, анхълизи синка бухІнабухъи, цІедешла дерхъибти къялуби сунела пукъала ардухиб.

Ил анцІбукъли Ражаб таманни сабурлизивад ухъахъун. Илини кІел кадирхъан тупанг баршиб, чумал дуги усхІеун. Илис гъалав гъар бархІи дугели хъайгІи чарулхъуси Омарра валли илди дугурбазив халадудешличил варх анхълизив калун. «Наб дила хІулбани синка чебаэс дигулра — иб Омарли. — Ил набчи чебухъалли, барда бирхъис, хІезиб — тупанг леб». Амма, илдачи шакбикибсиван, гІур синка анхълизи хІебакІиб.

«Чебиулдрив, нушазибад синка урухбиубли!» — пишяхъили гъайикІулри Омар.

Галгуби ахтардидирули, кIелра саби анхълизибад къунзбикIухIели, Омарли халадудешлизи хъарбаиб:

Халадудеш, сен ишди галгуби халахIедиути? Гъар дуслизир цIедеш лугули сари, амма халадиули ахIен... Сен?

— СенахIенну камси къуллукъ бирухIели, дила лачин. Чебетаибси къуллукъ гIеббуцалли, галгубира халара диур, цIедешра дахъдиур.

— Сен, гъатIи, хIуни чебетаибси къуллукъ хIебирусири?

— Дила цIакъ биули ахIен, Омар. Галгубас дахъалшин агIнити сари. ДахъхIи заб агархIели, нун илди, хIунира балуливан, даим ит бахIлизибси урунжларад бадирабахIир шин дихули далхули вирус. Гъалар, бекIлил шин хIедихухIели, ишди галгуби гъатIира диштIати дири. Гъанна ца мадар лер. Амма бадирабахIир дихути шин диули ахIен. Ит бахIлизибси урунжла шин анхъличи чекаэс дигулра. Или хIебарибцадхIи, ишизибад гъарли-марси анхъ бетхIерар.

Рахли сегъунарил пикрили Омар разинахъуб. КIел жумагI эргъи, халадудеш 100 дус вирулри. Халадудеш 100 дус виубхIейс илис сегъуна-биалра ца ахIси савгъат бедес пикриикIули Омар вахъхIи виублири. Амма халадудешлис сегъуна савгъат бедалли ахIсил, балули ахIенри. Гъанна биалли Омарли чIумали пикрибариб: «Халадудешлизи селра хIебурис, ит урунжличибад анхълизи бикайчи татаул нунил бирис, цаибил сентябрьличир шин анхъличи кайис. Халадудеш разиирар! Ил илис бегIлар ахIси савгъат саби».

Омарли анхълизибад урунжличи бикайчи мер ахтардибариб. Чум къячIаъ дарес агIнилил, галгуби-ургабад секъяйда татаул барес агIнилил пикрилизи касиб. Урунжличибад анхълизи бикайчи 200—300 метрла ургла сабри. Ца ахIдеш лебри: анхъ урунжла удиб ца шайчибси диркъбикличиб сабри, катругли шин дукес илцад-декIар къяанхIебулхъан.

Амма татаул барес илкъяйда гъамадсили убхIебухъун. Ванзалиур тIинтIдиубти галгубала хIячмани ва мер-мерличир къаршидиркути къаркъубани икъес къянбулхъахъулри. Чумал бархIи Омар кIатIаличил икъули калун. Амма гIур газа тIалаббарес чебуркъуб. Гъар бархIи 20—25 метрла мер икъулри. ХIянчи таманбиубхIели, кIатIа-газа урунжла гIелабси низбала къадализи

дигІянадирулри. Сунела пикрумачи ва баркъудиличи халадудеш шакикесгу или урухІули, Омар виубцад жявли татаул таманбарес къайгъилизиври. ХІера жагІял халадудеш акІубси бархІи саби. Татаул анхълизи кабаэс хІябал метрла мер саби калунси. Ил халадудеш шахІейкахъес или батурси саби. Ишдуги цІябдиубхІели, ца чумал минутли ил мерра икъу. ЖагІял... жагІял халадудеш даршал дус вируси сай. ХІябилра разиіэс сунечи ил!

Илдигъунти пикрумани хІулукІахъибси Омар рахли, галгуби дялчули, гІелабад сунечибхІли лябкъуси селарил тІамали урухиахъуб. Ил хъярхъли ласяхъиб вякъизур: «Синка! Синка саби! Се бируси?» Илини чІяръэс къасбариб, амма муэрлизибван кІунтІуби шикъдарес хІейуб. Вебшес къасбариб — шикъухъес хІейуб. «Се бируси? Се?? Бардалра лебси биалри... Селра агара! ХІера, ит гъамбикІули, — Омарла чархла лерилра биркІанти руржесдиб, сунес хабарра агарли ил дугІла хъярбала галгала къамаличив вагъариуб. РяхІятдешла гъигъ бушиб. — Гъанна къалли хІуни селра хІебирид! Эй синка!» — уркІичевиубли галгаличирад тІамадариб илини. Марлира, синка Омар ацІибси галгалиуб тІашбизур. Омарличи хІербизур. Удибси къяли буцили, галга гъакІарбариб. Омар галгаличи цІапакун. «ПяхІли буэн, селра барес хІебирудну!» — уктемли вявъиб илини. Амма илини гъар тІамадариб-чуйна, синкани, гъатІира гъимбукІили, галга гъакІарбирулри. ГІур синка, галгаличибад цакъадар тййдили кабиили, Омарличи хІерби-кІесбиб.

Омарли анхълизивад халадудеш живариб. «Тупангра бардара касили, къалабаики! Синка баргира! Синка!» — тІама бухъянбитІахъун илини.

Халадудешли вацІапакъливан устадешличил ва къалабали барда вайлиубси ирилизи дебабариб, тупанг някъла касиб, ва Омар левси галгаличивяхІли вати-хъиб.

Синкани адамла гягІ бала бикІуси хІязлис ахІен. Ил, разиагарли Омарличи хІербизурли, халадудешлис гъунибаэс арбякъун.

Гъарэгъили кІина пянкъасиб. ГІур ханжаллиубси бугъалагъуна кахси тІамала чехиб...

«Хіера! Кабушили сай! Халадудешли кабушили сай!» — разиубли галгаличивад каціб Омар.

Мякълабад гіясиубдешли ахъли пурхурикІуси халадудешла тІамала бикъулри. Чумал ганз гъаладяхІ каціли, Омар къалабали гіела витІакІиб: илис синка кабикили бургар или гъанбиркусири; хІярхІуби чегибхІели, гъатІира дебали гымбукІибси ил, хІили тІутІубикІули, халадудешличи чебулхъулри. Сагадан баршили тупанг игъес бажардихІейкили, халадудешли галгаличи чевяхІикес къасбариб. Амма синкани ил, къяш буцили, галгаличивад витІакІиб. Халадудешла вайлиубад барда кабикиб. Галгала къяйзи билтІикІан бархили, тупанг гъаваличи гъяйкбухъун. Халадудеш ванзаличи кайкиб. Омарли «Гъуя, дила халадудеш!» или вявъиб. Ил хъярхъли бардаличи ветухъун ва халадудешличи чебихъунси синкаличи гъамиуб. «Вати халадудеш! Дила халадудеш!» — или Омарли синкала бекІлизи барда бяхъиб. Чегибти хІярхІубани ва бардали дяхъили къагъсаахъурси синка шайчибетикиб.

ХІили чяхІбикІуси вяхІ дулгъали хІяршбирули, халадудеш айзур. «Игит! Халадудеш верцахъири! Галгубала душман кабушири!» — или илини Омар кІапуциб ва михъирличи гІинивариб. Синкала качІубани халадудешла вяхІ заябарилри. Амма ил сунес сегъуналра зарал бетхІеурсиван хІулукилри.

Ил анцібукъличибли шила дурхІни-ургаб Омарла гъабзадешла хабар дерхур, хІурмат халабаахъиб. Илла эргъи, анхълизиб Омарли къараулбирухІели, сегъуналра урши цІедешла галгаличи гъамиез вируси ахІенри.

ДИГИНАБАРИБСИ ДЕВ

Ну хІябал дус таманиубли ахІенри. ГІямру наб суратван жагадилзулри. Ахъти дукелцілира разидешталихІлира хъали биціахъилри. Нуни гъачамцун ахІенри мекъ чебаибси. Хъулив даим тяп ил мекъличив сайхІеливан вираси. Савли велхІунмадан нешли набчи байдири, ва, сунела ванаси михъирличи гІиниварили, рикІи:

— Гъачамлис айзес жявли сабину, усен, дила лачин усен. ХІед гъанкІ пайдаласи саби.

— Дила гъанкІ агара, неш. Чебиулрив, хІерризи, гъари, иша, — нуни нешличи дигили диціибти хІулби вякъиаси.

— Себиубси, гъати, хѣла гъанкѣ? — пишряхъили хъарбии нешли.

— Дудешличи бебшили саби,— жаваб чарбалтаси нуни, усуси дудешличи шурухъи. Ва гѣур ну дудешличи арашаси.

Паргъатдеш хѣбалутѣ някъбани гъачамхѣли дудешла бекѣла гъез дирхахъули, гъачамхѣли къянкъ зузбирули, ну илала лехѣла лагъаван къум-къумикѣси:

— Сен дѣла гъанкѣ хѣчи бебшибси, дудеш?

— Хѣд ну сецад дигахъура, дудеш?

— Ишбархѣи ну хѣчил варх хѣянчила аркурав, дудеш?

Дѣла кахѣдурхути суалтани дудешла гъанкѣ бумѣлахъи. Чевсаргъили, илини ну чатѣаван кункли някъбачи ахъурцира, михъирличи гѣяшарили, кѣапурцира. Илала някъбазив ну арцес дигусиван тѣяхѣикѣира, разили вявикѣира, илизивад ватухъи гъарахъиркира, дуѣлухъи гѣурра иличи хъябрусиркира. Хъябрусдикили, кѣелра адилзира. Ну суаликѣира:

— Хѣла гъанкѣ чина бебшиба, дудеш?

— Ваѣѣализи.

— Сен ваѣѣализи бебшибси? Ваѣѣа чинабси саби? Сен илис ваѣѣа бикѣуси?

— Сен? Чинаб? Се саби? — хѣла суалтала ахир баргес хѣейрар. Ишцад ваадли, лерил секѣал далад, — дудешли ну бурухлиу ахъурцира.

Дудеш хѣянчиличи араши. Нешли ну шадив арикира. Неш гѣеларадрикахъили, ну къакъакад дуѣликѣира, гъар чебаибси секѣал багъес къайгънаиркъира.

— Ит чи сая, неш? — зурбаси памятникличи тѣул бяхѣичаили, хъарбаира нешлизи.

— Ленин сай, дѣла урши.

— Сегъуна саю ил?

— Ахѣси сай. Дебали ахѣси.

— Дудешгъуна сай рикѣулрив?

— Гѣе, дудешгъуна.



— Сен итини някъ гъабатурси? Сунечи ваши виклу-лив?

— Агъ, урши! Урши! — нешли ну клапурцира, ва нуша шагъарла анхълизи духнадулхъира. Анхълизиб хязтабиркъути дурхнала ахъти дукелцили, зумати галгубачир тлашдизниагарли дучлуту арцантала тламрани, бетсад къунзбиклуту адамтани, жагати вавнани ва шинна шарабани дила разидеш гъатира дебали имцлабирахъи; ну ца минут ца мерличив тлашизес хлейраси, ва ца гъигъла заманалис лебилра анхъ къяйцбираси, гъар секлайзир бутлакъяндеш дарес, гъарил секлал багъес дигахъаси. Нуни чуйнарил къасбарира анхълизирти халати хлунтлена вавни къябдарес, амма набчибад хлер чебхлейсуси нешли ил барахъес ватхлетурра. Гъар анхълизи вакибхлели, набзир азир сагати суалти алкли, нуни азир сагати секлулти чедиаси, неш тамашарирахъаси, дукаррирхяхъаси.

Бархлехъ хъулив ну хланчиличивад дудеш чарухъахъес къалабаикласи. Нуни саглат балуси хлейаслира, саглатлици хлерриклуси нешличиб ункъли дудеш чарулхъуси замана баласи. Азбарлав левай, нуни дудешла ганзла тлама баласи, «лявкъули хев! Лявкъули хев!» разили вявикласи ва дудешли варгахъес унзала гела диглянаиркаси. Дахъхли чехледаибтиван нуша цаличи ца карцдирира, хъябрусдиркира. Хъали шадти тлама-гъамали бирци. Неш набзи махрикли:

— Хланчиличив дудеш вамсурли сайну, бамсриахъахъес паргъатли вати!

— Вамсурли сай риклуду, неш? Бусаглат нуни ута лебхис. Бусаглат, — нуни дудешлис ута кабирхъира, ва илмаданал нешла гъай хъумкартурли, дудешла къукъубачи айцира, хъябла мурдакайрира, «ваши, нуни хлу шадив аркури» или, тлул буцили, хъулилад ил дурайира. Ва гъачамалра набчи дудеш гъимхлеркли.

Ца хлебла беглара жагаси бархли дудеш заманаличив хланчиличивад хъули чархлевхъун. Къакъаваклили, ну нешлизи суаликлесиира:

— Сен дудеш чархлелхъуси, неш? Илис ну анцлукъирав? Сен анцлукъунсира?

— Анцлукъи ахленри. Илис хлу дебали дигахъури. Ил лявкъян. Члянкли хлуни сабурбара.

— Секъяйда сабурбируси, неш?

— Лехлкахъили.

— Ну лехІкайхъусну, хІуни ил вакІахъа. Мурт льявкъяна? — гІурра суаликІес даимираси.

ЦІябдиубхІели, дудеш хъули чарухъун. Сенрил нушачи ил ца тамашали хІерикІулри.

— ХІуша набчирад чердерхира. Набчи хІуша дархъкадатес чевкъули саби. Амма, дирхеная, ну хІушачи жявли чарулхъас, — дудешли нургъбани тІутІурикІуси нешличи байдариб, ну сунечи ахъуцира, хІяблалра бурги цаличи ца хъячдалири, чумал минутцадхІи нуша гъай агарли шипдяргІира. Дудеш сагадан набчира нешличира байикун ва къалабали арукъес вализур. Нуни ил къяш буцили тІашаира:

— Чина аркъулри, дудеш? Уэн нушачив!

— Ну жявли чарулхъас, дила багъадур, жявли. ХІуни неш гыммаруркІахъид. АхІси урши ветаи. Ну къанмайраба.

— ХІуни наб вавни лерхиду, дудеш?

— Вавни..

— Ге, их анхълизиргъунти халати хІунтІена вавни.

— Лерхис, дила ахІер. Ваши, гъачам гъатІи кІапурцуруну.

Дудеш арякъун.

Илала эргъи чуйнара шаладикиб, чуйнара бархІи ахъиб, амма дудеш чарулхъули ахІенри. Гъаман тикрардирути дила баягъи цадехІ суалти нешлис анцІдукъири. Амма ну лехІкахъес вирули ахІенри ва, бархІиличи-бархІи имцІали паргъатагарирули, дудешличила гъайикІулри:

— Сен дудеш нушачи хІякъуси, неш? Илини вавни хІедаргилира?

— Даргили ахІен, — дила даршал суайс гъачам жаваб луги нешли.

— Нуни дургисну, ил вакІахъа. Льявкъяхъиду? Льявкъяхъиду викІулра? — уркІиагариубли, ну кІантІиикІаси.

Дудеш чариахъес или нуни, чинаррил дикахъили, хъули вавнала хала хира. Амма илданира кумекхІебариб. ХІятта дудеш чархІелхънилис сабабла дегІти вавни сарлин, дила илдачи гымидухъун. Нуни илди, някъбазир гъяждирули заядалири, лайдакІира, къяшмани ганздарира.

Ахирра-ахир, ца бархІи ну, неш хъулир агниличирли пайдалаубли, дудешлигІив къяйцІ арякъунра. Къакъурбикад дуцІикІули, чевкалкІунра. Дудеш варгес

хІейубли, вамсурли ва гушиубли висивиэс вализурхІели, ну милиционерли тІашаира.

— Чила урши сайри хІу?

— Дудешла.

— Чинав сая хІела дудеш?

— ХІянчиличив.

— ХІу чина аркѳулри?

— Дудешлици.

Иш яргалисра дила мурад бетхІеур. Милиционерли ну чаркарили хѳули кавкира. Амма дудеш чарулхѳни-личи дила умут бетихѳули ахІенри. БархІахѳибхІели, баягѳи ит гѳалавван ну сабурагардешличил унзаличи хІерикІаси, азбарлабад башутала ганзла тІамаличи лехІихѳаси, дугели муэрлизив дудеш чеили, разили харчилзаси ва гІурра мякѳлав варгхІергили, вачавархили висаси.

— Гѳанна дудеш хѳули ухІнавхѳалли, гІур бекІли дурахІелхѳахѳе, ахІену, гѳатІи, неш? Даим нушачил уахѳе, — викира, нуни ну паргѳатирули. Дила гѳай-ли нешла уркилизиб пикрумала буррям булхѳахѳи, илала хІулби ца тамашали лямцІдикІесдири, набзи нургѳби чехІедаахѳес кѳайгѳнарикѳули, илини явлухѳ-ли хІулби хІяршдири.

Се биубсира нушала шаддеш? Сен хѳулир дудеш левхІеливан дукелцІи зайхІедикІути? Сен неш, селичи сарил хІерликариибсиван, даим лехІкахѳибси? Сен набхѳали анцІбулкѳуси? Сен нушала унрубира цахѳяйда хумарти? Сен илди гѳалаб кѳяйда разили набчи хІерхІебикІути? Сен илдала хѳулир ишбархІи биса-яс сари? Сен илдачил рарх дила нешра рисуси? Дила дахѳдикІути суалтас цалра адамли жаваб гес вирули ахІенри. Ил секІай ну гѳатІира дебали кѳакѳаикІахѳулри, жѳав-ли вачавирханирахѳулри, вайтІа варсирхѳяхѳулри, нуни бекІлил аргѳес хІейрути сагати суалти алкІахѳулри.

Илкѳяйда дусра-сера арбѳкѳун. ЦацахІели дудешли-чибад нушани кагѳар кайсира. ИлхІели дила нешла дяхІ шаладири, ил набчи малхІямрири, байрикІи, ну гѳатІира сунес дигахѳаси. Ил кагѳар гІур сагаси кагѳар бакІайчи нешла някѳбазиб камхІебири, гѳар бархІи сага-сагадан бучІи.

— Се лукІули дудешли? Мурт набчи чарулхѳас ви-кІули? Сай вакІес машина агара викиулив? Нуни иш

дила велосипед бурхъис, ишичи кайили лявкъян, — суал-
тас жаваб чарбарайчи сабурбарес хІейраси нуни.

— Дудеш саял лявкъян, дила урши. Сабурбарая,
ахІерти викІули сай, жявли чарулхъасну, — бекІличи-
бад кІантІиси някъ хІяршбирули, малхІямли гъайрикІи
набзи неш.

Амма сецадхІи сабурбируси? Секъяйда сабурбиру-
си? Сен дила дудеш чархІелхъуси? Чинавси ил? Рахли
ну ташмишикІесиира дудешлира нешлира набзибад се-
сабил дигІянабирули биъниличи, дудеш чархІелхънили-
зиб сегъуна-сабил нуни аргъес хІейруси сабаб лебли
биъниличи, ил сабаб набзи хІебагъахъес неш даим
къайгънарикъули риъниличи.

Ца бархІи шагъарла дублар хІеррируси нешла ру-
зили хабарра агарли ну сунела дурхІначи арукира.
ЖумягІличир имцІали нуни неш чераили ахІенри.
Дудешличила хъумкартурли, гъанна ну иличила къа-
къаикІулри. «Наб хІушачиб дигули ахІенра. Дила неш-
личиб дигулра. Сен ну нешличив хІелтусира?!—нешла
рузиличи вехІилзира. Амма ил гъачамалра набзи май-
майхІерикІи, ишбархІи нешличи аркъяхІе, жагІял
аркъяхІе или, се-биалра савгъатлис гили, ну лявираси,
паргъатирахъаси.

Гъачам, бархІехъ, нешла рузила дурхІнира нура
хІязтадиркъули лерли, къакъалаб аркъути адамтала
къукъя чебаили, нуни вявъира:

— Дудеш! ТІашизи! Дудеш! Дудеш!! — дила мякъ-
лавад шалгІевулхъуси адамла къяшмази ну вархира.
Илини ну ахъуцира. Илала дяхІ чедаили, ну тамаша-
иубли шипвяргІира, гІур, лебил къакъа бучІесаили,
къудкъули висеснира. Ил дила дудеш уили ахІенри.
Иличирти палтар, илала вашни дила дудешлайчи мешу-
далири, ну виргІякайубра. ИлхІели нуни гІур мурт-би-
алра дудеш чейъниличи умут бердира, дила уркІи
бячун. Илала эргъи ну ца минуталра нешла рузичив
калес хІейубра ва нешличи, дила цайли цаси, уркІи
аргъибси, ахІерси нешличи чариубра.

Сецад дебали рарсриублирил илди чумал бархІила
рухІнар дила неш! Илала лямцІ бетахъибти ва хала-
кадаибти хІулбачи хІерикІухІели, урухиэслин сабри.
Седиубтири илала гІинцван журугти ляжуби? Себиуб-
сири илала гъайбатли зайбикІуси тІама? Секъяйда
суаликІес вируси нешлизи илдачила?

Нешла дукла кайили, ну иличи хъябрусашулла, лехІ-кахъили байикІулра. ХІера, дила мугълатдеш хІебалуги някъбани илала бекІличибси кІана кабикахъиб.

— Сен ишди хІела бекІла гъез бетІули дакибти, неш? — нуни нешла бекІличибад някъ хІяршбарира, амма гъез умухІедиуб.

— Урши, дила ахІерси урши! — лехІкахъигу или тиладирикІусин, нешли сунела бекІличибад дила някъ мяхІкамли тядибариб ва къалабали кІана чебяхъиб.

ИлхІейчирадал дудешличирад кагъуртира деткахъиб. Иличила балули хъалли, ну нешлизи гъалавван суаликІес вирули ахІенри. Нушала лехІкахъилизиб сегъунарил кахси дигІянадеш лебри. Иличила гъай-хІейкІухІели, ну халакаибсигъунари.

Рахли ца бархІи къяйк-къуйкла тІамрани нушала шагъар бучІесаиб. Лебилра адапти чинарил къалаба-бикІутигъунтири, гъачам ца мерличирад, гъачам цархІил мерличирад бисалара вјав-чІярлара тІамри ахъди-рулри, цабехІти хъулразибад бебшулри, цархІилти — хъулрази бухІнабиркулри — лерил секІал гъудуркадиуб-лири. Ну хъулив уахъес чІумали хъаркабарили, неш чинарил дурарухъун. Ил чина аркъусил хъарбаэс чуй-нара гъуцІиубра, амма селра хІеира: ил дурарухъес агІнили биъни, илхІели илизи суаликІес асухІебирни дила биштІаси уркІили аргъилри.

Замана аркъулри. Неш чаррулхъули ахІенри. Рахли, ну бегІлара къакъавакІибхІели, дебали цІакъли къукъу-ибсин бизур, нушала юрт гъятІбииб, дила хІулбала гъа-лаб кахси цІала лами дакІубиуб. Ну къагъиубли кай-кира. ГІур набчил се бетаурал, нуни ахІцад къанниван багъурра.

Къанниван багъурра, душмантала бомбали нушала юрт тІутІукъякъябарили цІализи бухІнабушни ва душмантази шагъар азадбатахъурти нушала солдатунани, цІала дайлавад дуракасили, ну больницализиваахъни!

Ге, къанниван багъурра ну виштІахІели дудешлира нешлира набзибад дигІянабарибси дергъ ибси кахси дев биъни!

АХИСИ УРШИ

Тимурли багълали унза гьаргдариб, ва мяхІкамли ганзикІули хъули ацІиб. Неш иличи тамашариуб: «ВяхІ, уршилис се биубси? Иш кІун, багълали вашен или ну вяврикІахъули, хямкдарили унза, даим дягІван хъярхъли ухІнаулхъусири. ИшбархІи сен хапли варсиубси?»

Неш пикриличил уршила дяхІла хІерризур. Ил селичирил вачавархібсигъунари. Неш сунези суалрикІес рехІирхъниличи шакикили, Тимур гІелахъули арякъун.

«Цалра адам даим цагъуна хІяйчив кахІевлангу. Белики, Тимур сунела гьалмагъунани гьимукІахъили виэс? Яра, шадив чилра варгхІергили, анцІбукъи чариубли виэс? Сабабти камлив, гъатІи! Илизи суалрикІули, гъатІира паргъатагарирахъес агІнидеш чебиули ахІенра», — сунези сари маслигІятрикІулри неш. Амма илала уркІи паргъатбирули ахІенри: «Сен дила урши хумарси? Сен ил гъайхІейкІуси? Илис се биубси? Белики, илала себиалра изесбяхІили биэс? Юх, рякъи илизи хъарбиис».

Нешли гІелахъа унза гъичдухъахъун ва уршиличи хІерризур. Ил, столла гІела кайили, букварьлизивад учІулри. «Дурсрачи хІядурикІули сай. Паргъатли ватни ахІси саби. Ашкарлигу, илис селра биубси агара,» — пикрирухъун неш, ва унза къяпдариб.

Букварь гьалакабихъили хъалли, Тимур учІули ахІенри, илала пикруми цархІилличила сарри. «Гъар секІайчила нешлизи бархъаначи буралли ахІсив, хІебурили лехІкахъни ахІсив? — сунези сай суаликІулри ил. — Бурасли, нешли маймаирура, дила гьалмагъунас чула нешананиван илини набра дирхъу. Се бирусивара? ЛехІкахънилизибад-декІар се ахІдеша: нуни хІебурили хъалли, ишбархІи яра жягІял нешли иличила цархІилтазибад бала. ИлхІели наб гІурра вайтІа диркІур. Юх, белики, нешли иличила селра хІебагъесра асубирар. Белики, ну цІаххІейубли калиша? Сецад ахІси бирибал!»

ИлхІели школализирад чарриубси халал рузила гъайла тІамали Тимурла пикруми къябаиб. Рузи нешлизи разиагарли ва ахъли гъайрикІулри:

— Нушала Тимур вайта виркъес вехІихъили сай, неш. Школализирад дурарухъунхІели, сунела юртла

гъалав гІясили хъутурикІуси Алихан-ази чеили, ну ила-ла гъайличи лехІехъира. «Сен Алихан-ази гымукІибсивара? Гъари, нуни ит паргъатирахъис. Белики, илис сегъуна-биалра кумек агІнили биэс?» — или нуни иличи гъамриэс къасбарирагу, илала гъайла магІна аргъили, урузриубли ва цІахбизурли, гъарахърикира.

— Се бетаурли? Сен къантІли хІебурида? Се-биалра бурес агІнибикалли, абзур сагІят гъайрикІар, их секІал бетаурли саби или къантІкахІериарну, — зигаррухъун неш.

— Тимурлира, ХІясанхъала МахІямадлира, Омаркъадинира Алихан-азила ишдус удатурти хІябал галга дурадитІи лайдакІили саби, вавни заядарили саби. ИшбархІи ил барес урузхІебиубтани, нагагъладан гІурра саби илдани биркъахъес баталли, жагІял-царахІел адам-лис сецад-дигара халаси зарал баресра селизилра хІебиру. Чинав саял варгили, Тимурлис тамбихІ барес агІнибиркур.

— Алиханхъала галгуби чили заядарили диалра, вайси бегІ барили саби, дила рурси. Алиханни илди галгуби, халаси къиян ахъили, гъарахъси вацІализирад хибтири. Иличив чи дукарвяхІялра, сай цІахирар. Амма нушала Тимур илцадра вайси урши ахІен. Иллини адам-лис илгъуна вайдеш хІебиру. МахІямадличилра Омаркъадичилра варх нушала урши хІергину, чи-виалра цархІил урги, — иб нешли, «цархІил» ибси девличи тІама ахъбарили.

— Ил цархІил виэс виару, шилизив Тимур бикІуси урши нушала ахІи, гІур чилалра левхІейалли, — нешличи къабулхІерикили, жаваб чарбатур рузини.

— Сеннира дила уршили адамтас зарал хІебиру, агІниагрти гъайли хІевгъар, халатала хІурмат-хатир барес бала. Илала у хатІабикили гъанбушили бургар.

— Илкъяйда рикІадли, хІуни ил гъатІира дебали укьулъахъид, — нешличи гымрукІили, рурси хъулирад дуарухъун.

Рузи дуарухънители шакикили, Тимурли, сунечибад халаси мах чебасибхІелин, ряхІятдешла гыгъ батур. Нешлара рузилара ургаб бетаурси ихтилатли илала пикруми гІурра имЦадиахъуб: «Сен набчила рузи илкъяйда вайтІа гъайрикІуси? Сен ну вайси урши вирусира? Алихан-азис вайдеш барес ибси къасличил ахІенригу нуни илала галга дурабитІунси, валлагъ, ахІенри.

МахІямадлара, Омаръадилара, дилара, чидил цІакъси виалра, илини жявли ва гъамадли галга дурабилтІа или, жал бетаурсири. Гъаларван удатурти Алихан-азила илди диштІа галгуби дурадитІес цалисалра къиянхІе-бухъун. Ил секІал бирухІели, нушани Алихан-азис бетаруси зарал пикрилизи кахІесили дуилра. Сен-биалра галгуби заядарни ахІси бетхІеур. Нешлизи тиладибарасли, набчир ил черхІерерхисара? Юх, иличила багъалли, нешлира ну, тят рузили къяйда, вайси уршилизи халирура. Или хІебиалри, «Тимурли адамлис зарал хІебиру» или, кахІерилзи ил. Се бируси, гъатІи, даим ахІсили калес багъандан? Се бируси?? Иш яргалис неш набчир черрерхалри, гІур гъачамалра илгъуна хатІа тикрархІе-бираси. Дила нешлис ну даим ахІсили виубли дигулисари, ахІену, гъатІи? Иличила нуни гъачам гъатІи илизи хъарбиис», — или Тимур гІелахъуливад дуравхъун; ва, нешличи хъябрусиркули, иб:

—Неш, нуни Алихан-азихъалахъа гъала хІябал сагати галга удалтас. МахІямадлизира Омаркъадизира хІяб-хІябал удатахъес бурис.

ДУГІМАЙАБАЯ

— Ну цакамси къуллукъ лебли дурарулхъулра, Омар. Гъамли хІянчиличибад неш-дудеш лябкъян. Ит шкафлаб дертур ниъла тарс теб. ХІерейс ниъличил дукеная. БархІехълис ванаси хурег бирис, — уршила урши, Омар, хъулив вархъкатурли, халанеш чина-саррил аррякъун.

ЦунухъунхІели, Омарлис анцІбукъун, хІязтаиркъес иштІяхІ бетяхъиб. Неш-дудешличила пикриикІули, улкъайлавад хІерикІесииб. Замана дебали багълали аркъулри. «СецадхІи хІерликайрусира ну? Кани тІамалибиркъули саби. Укасли, ахІси саби,» — Омарли шкафлабад дертур ниъла тарс дурасиб. КъацІра къулсара касили, уксахІиб. ГІур, къацІ селис агІниси, ил агарли бурт гъатІира ахІсигу или, ниъла чедиб бабза къат аурси буртлизи бяхъиб.

Рахли гъаргти улкъайлабад нешла ахъти дукелцІила тІама хъули чехиб. Омар паргъатагариуб: «Неш-дудеш саби! Букес лябкъули... ВяхІ, лебил бурт нуни кабер-хахъурлира. Се ируси илдази? Ишди ниъличиб сен бурт

агарси или хъарбаалли, житали бержи саби ирис. Юх, илди набчи бирххIеэсра асубирар. Ну чина-биалра дигIя-наиркус, ниъра держили сабра, илди хIянчиличи чарбулхъан. Я житас вайтIахIедиркур я наб». Омар хъярхъли айзур. ДигIянаикеси мерлигIив умцIули, ветсатухъун. Хабарра агарли тарслизи къяш чегили, бай



хъулиб дертур ниъла хIеркI бухъун. ВачавархIбдешли ва децIагибдешли ил висивииб. Се бируси? СейкIуси? Неш-дудеш унзаличи гъамбирули тIама саби! ХIера, талихIлисван, Омарли хъа гIямзилаб халанешла хIяка чебаиб. БархIехъличил чархлизи бугIярдешла зим бухIнабиркули саби или, дуцIрумлизибра халанешли хIяка камбируси ахIенри. ХIерели, ванахIели, илини ил хъа гIямзила лайбикIи.

Омар, къядгаван журугиубли, хIякала ухIна дигIя-наикиб.

Хъа унза гъаргдарибмадан, нешли тIамадариб:

— ВяхI, иш се анцIбукъа? Сен хъулив цалра адам агарси?

— Ну-декIар адам ахIенрав? Дудеш кIун набзи даг хIура нугъуна адам сайри» викIи. Чидиллици вирхарусил, балули ахIенра», — нешла гъайла аргъили, хIякала ухIнав разиагарли пикриухъун Омар.

— Ашкарлигу, житала баркъуди бургар иш, — иб дудешли, нешла суайс жавабли биахъубли.

«Дила дудеш ахIси сай. Илини набчибад сегъуна-дигара гIяйиб чебарку», — разиуб Омар.

— Жита ахIенну ил, вайна балагъ саби! Даг илини графин бячахъири! ИшбархIи ниъла тарс кабикахъили саби! ЖагIял илини лерилра тIалхIяна парарадиру! — челис-че имцIали гымруркIули, тIама ахъбариб нешли.

— Селра хIябяхахъес дигалли, хIуни ил хъулибад дугIкаа. Се ахIдеш лебли адамли хъули жита кабалтуси?

«ХIу вархъли викIулри, дила ахIерси дудеш. Набра ил жита анцIбукъи саби. Нагагъладан ил ахIси биалри,

гъаман дила дяхІ-някълизи занзиван хъяршхІебикІи,»— дудешличил цауркІли пикриухъун Омар.

— Хъя бирулра, иш сагІятличибадал ца минуталра нуни ил хъулиб хІебалтас! Гъари, ил чина-биалра дигІя-набикили бургарну, хІура умцІерухъен, — къас-къасли каризур неш.

«БусагІят умцІерхІевхъалли, асухІебирусив! ХІябил-ра сабурагарси неш лер къалли! Рахли хІяка ахъ-буцалли, се бирусира нуни? Дила къяшалра ниъли хІебамхІехъурси биалри, ца мадар сабри,» — хІилхІи биса тІашиули, сунес хабарра агарли хІякалиув Омар жургъухъун.

— Баргира! Баргира! Ит хІякалиуб теббиз рикІул-ра. ХІебебшахъес ну иша тІашкарилзасну, хІуни къям-цІа ха, АхІмад. Қъалабаики. Гъими рурхъули лерай илис буцІарагахъес дигулра.

Нешла пикри багъурли, Омар чІярэс вализургу, дудешла гъайли ил паргъатилахъуб.

— Житас дяхънилизибад ахІдеш лебси ахІен, — иб дудешли.

— ГІур се бируси? Қъакъ хІяршбарили, лявбарес агІнисив? — къабулхІерикиб неш.

— Гавлагла кабатурли, дугІиуси саби. Цараван се барили хъалли, ил гІела чархІебухъи хІебуар. Гъачам сунела хІулбани чебаибси гъуни, илини бекІлил хъум-хІерту.

— Унзала гІелаб буркъа гавлаг хебну, ха. БархІи-ахъайчи ила дебабирехІе. БархІехъ дугІиэхІе.

— БусагІят лебхис, — дудеш хъуливад дуравхъайчи, хІякалиубад багълали бекІ гъаббикІахъули, Омар висивиб:

— Нуни ГІур я графин хІебялчас я бурт хІебукасну, жан неш, ну дугІмайабая. ДугІмайабаягу...

КЪАКЪБА

— Қарим, нура хІечил варх укабагу, — иб хъитІа-гъуна виштІаси урши Омарли, Хъайдеш дубурла бяхІ-лизивад аркъуси сунечивра халаси ва ахъси уршилис гІеваили.

— Ну чина аркъулрал, хІуни чинад балада? — сунела унраличивси урши вагъурли, Қарим тамашаиуб.

— ТІмкъли къакъба буцили-ахІенал ахтардибарес аркъулри. ХІуни гьаман ишарад хъули къакъбуни ди-хулри. Набра къакъба буцес дигулра. Нуни дудешлизи ишди тІмкъ дарахъира. Амма чидил мерличи кадихъал-ли ахІсил, балули ахІенра.

— Чидил мерличи дахъал къакъбуни кадиръули диалра, ила кадихъес агІнибиркур.

— Нуни балас илди чидил мерличи дахъал кадиръу-тил, — пахруличил иб Омарли.

— Чидил мерличи сари?

— ХІела тІмкъ терси мерличи.

— Марли виКІулрив? — виштІалла пикрумачи пишя-хъиб Карим.

— Или хІебиалри, хІуни гьаман къакъбуни дурцес вирадив, гьатІи?

— Гъайгъай, хІейраси, дила Омар! Лерил къакъбуни дархъли дила тІмкъличи кадиръули сари. Гъар бархІи нуни 10—15 къакъба хъули дихулра, — масхара буриб Қаримли, пишяхъили Омарличи хІерикІули.

— Нунира ишди тІмкъ хІела тІмкъла мякъла ка-дирхъис! — масхара адхІергъили хІулуКІиб Омар.

— Дила тІмкъ чинар сарил баладу, гьатІи?

— ХІуни бурадли, балас.

— Агъ, гІяяркъя, гІяяркъя! — Қарим ахъли дукаря-хІиб. Илала дукелцІила тІамали уркІдухъахъунти къакъбуни, чІигъ-чІигъ или къада бучІесаили, мякъла-рад ахъдиуб ва дубурла бяхІла гІела ардякъун.

— ХІера, иш бегІлара ахІси мер! Дила тІмкъ иша кадирхъис, — разили тІамадариб Омарли, къакъбуни ахъдиубси мерличи гьамиубли.

— Гъар къакъба арцурси мерличи тІмкъ кадирхъад-ли, селра бетхІерар, Омар. Ишгъуна авалра шайчибад гъаргси хъинжличи къакъбуни рахли ахІи кадиръути ахІен. Илди имцІаливан ванаси, дягІ чехІейгуси мер-личир, шурмаур яра къадубаур дирар.

Омар дубхІехъили Каримлис гІелавадикиб.

— ТІаш, тІаш, Карим! ХІера, иш къакъбуни дахъал дируси мер. Ишдачигу, сецад дахъал пухІли лерал, — Омарли чумал пухІяла ахъдуциб.

ИлхІели Омарличир дукардирхІутин балуй шайчир-ра алгъай шайчирра, цаличил ца абздикили, къакъбуни дучІесдииб. Илдала тІамалис закиб хабарра агарли чІака даКІубиуб ва Омарла бекІла чедиб кІайбяхІиб.

Чакала къаралди чебаили, вягІдаладиубтин хапли къакъбуни шипдяргІиб. Омар иличи тамашаиуб. Каримли иб:

— Чедиулрив, севан урухІулил къакъбуни чакалигІирад. Закиб чІака дакІубиалли, илди дебкІибтин лехІкайхъур. Баягъи ишди пухІтира, хІед гъанбиркуливан, иша дахъал къакъбуни дашули диъни сабабли калунти ахІенну, мурт-сабил чІакали беркунси къакъбала сари. ХІеризи, гъари, ца иша, пухІлала хъар дубаначи: лерилра дерубли сари, ахІену? ХІебиалли ил къакъба жявлил кабушибси буили саби. Ишгъуна мерличи тІашбизурси къакъба чІакала къялшубази хІебикес гІямалагарси саби.

БахъхІи ласбикІули, бамсурли, ахирра-ахир илдани духъутІухъунти халати шурмала удиб ца мер чебикІиб.

— Къакъбас тІимкъ сен-биалра кадирхъути ахІен, Омар. ТІимкъ лерси мер тяп къарли бакІибси мерличи мешули биахъес, тІимкълиубси кур къакъаси, амма мурхъси биахъес агІнибиркур, — Каримли тІимкъла чеди дерубли духъутІдиубти къар тІинтІдариб. ГІур илди Каримла тІимкъли къакъба буцилил ахтардибарес арбякъун.

— ЧІянкІли ца ишгъуна секІал аргъа хІуни, Омар. Ишар нушала тІимкъ лерли диъниличила, нуша кІилалра дурабад, цалра адамли багъес агІниси ахІен. Эгер хІуни хабарра агарли чизи-биалра иличила бурадли, хІу къакъбализивадцун ахІи, тІимкълизивадра ухъес асубирар. Варъализиб мурчІали камхІебирар бикІуливан, бахъал ахІти уршби-ургав ца вайсира камирули ахІен, — Омарлис насихІятикІули, Карим тІимкъличи гІяшиуб. — ХІера, гъар бархІилизир илцадра дахъал къакъбуни дурцути тІимкъли, ишбархІи цалра буцили ахІен. Гъу, ваши чардулхъехІену. ЖагІял бархІехъ ляркъехІе.

Эргъила бархІи Омарли бархІиахъайчи гъандуцес хІейуб, ва, Каримлизи я хъулибтази багъхІебагъахъурли, Хъайдеш дубурличи дуцІухъун. Паргъатагариубли ва гъеркличиикили, ил сунела тІимкъличи гъамиуб, дулгъа гІегІбергурли, курла бухІна някъ къузбариб, амма селра хІебаргиб. Чеди сагадан къарра тІинтІдалили, ил Каримла тІимкъ лерси мерличи ватихъиб. «ВяхІ, ишди тІимкъличирти къар седиубти? ДягІли ардухили хІедналли? Ишкъяйда гъаргти уркълачи къакъба кабиръу-

ру! — разиагарли илини курла някъ къузбариб. Някъ-лиуб се-сабрил пяхъярбухъун. Омар уркІухъун, уру-хиуб ва къалабали някъ дурасиб. ГІур, ил къакъба биъниличи ташмишдеш кахІели, уркІичевиуб. Қаримли сунези бурибсиван, батхІебухъахъес или къакъбала кІелра къаш дуциб ва разили къакъба бекІла чеди ахъ-буциб. Амма ил разидеш бахъхІила убхІебухъун. Се-гъунарил пикрили ил пашманиахъуб.

«Сен иш къакъба дила тІимкъли буцес асухІебиру-сири? — пикриикІулри ил. — ХІябилра разибииши набчи неш-дудеш, къакъбара нура хъули чарухъаслири!

Къакъба хъули арбухасли, се бирара? Иш, дила тІимкъли ахІи, Қаримла тІимкъли буцибси биъниличила чили балуси? Чили ил секІал кабизахъес вирара? Ну цалра адамли чеили ахІенра. СуаликІуси валикалра, дила тІимкъли буцибси саби или бурис. Қаримли дахъал дегІ къакъбуни дерки сай. Иш ца-биалра набра дига-хъаси», — Омар къакъбачил хъули чариуб.

Хъулибтани, марлира, Омар гапвариб. Дудешли къакъба белгъун, нешли умубариб. Ил шангла абуршу-хІели, чилирил Омархъала унза къутІдариб.

— Чи сайри? — харчизурли хъарбаиб Омарла дудешли.

— Қарим сайра, — тІамааур унзала гІелабад.

— АцІи, ацІи, Қарим, — разили унза гъаргдариб дудешли.

Қаримла гъайла тІамала бакъибхІели, Омар сенрил дебали урухиуб ва кроватьла гІела дигІянаикиб. «ХІе-ра, гъанна ил набзибад къакъба чебсасес вакІили сай. Севан шакикибсира ил?!» — вачавархили пикриикІулри Омар.

— Мая иш хІушала къакъба. Омарла тІимкъли бу-цили баргира. Дила тІимкълира буцибсигъунаригу, бебшес бажардибиубли бииши, хІебикиб, — Қаримли дудешлизи къакъба бедиб.

«Чинад шакикибсивара Қарим сунела тІимкъли къакъба буцниличи? Гъа, гъанна багъурра. Къакъба дурасибхІели, нуни илала тІимкъличи сагадан къар тІинтІдарес хъумартурсири. ХІерагу ца!» — сунези сай гъайикІулри Омар.

— Ца бархІила духІнар кІел къакъба! КІелра илди дила уршила тІимкъли дуцили сари. Севан ахІсил! Ваши, дила Қарим, ваши хъурабара, къакъбала диъла

хІинкІли валхари, — разириубли ургарухъун Омарла неш.

— Баркалла. Ну комсомолла собраниеличи укъес агІинили саби. Қъаниэс асухІебирар, — Қарим тІаш-хІейзур.

Қарим арякъунмадан, Омар ватухъун, разили хъулив ветсатухъун, дудешлизи гапухъун:

— Чебиулрив, дудеш, ца бархІили нуни кІел къакъба дикахъира. Қаримлис биалли ишбархІи цалра къакъба хІебикиб. Бура, нушазивад чидил ахІси?

— Қаримра вайси урши ахІен, дила Омар. Ил вархъси ва хІялалси адам сай.

— Гъайгъай, — дудешлис ургарухъун неш, — ил вайси урши виалри, Омарла тІимкъли буцибси ахІенну, дила тІимкъли буцибси саби или къяна бурили ва нуша диргІякаргили, къакъба сунела хъули архи.

— ВиштІахІели къакъба дигІянабарибсили хала-ваибхІели унц дигІянабаресра асубирар.

Неш-дудешла илдигъунти гъайли Омарла дяхІла ранг дарсдилахъуб, ил таманни паргъатагарилахъуб, хумарилахъуб.

— Се биубли хІед, Омар? Хапли майаливатурригу хІу? Гъари, ваши нешличи, дила ахІерси, дила серхурси, — уршила андаличибад нешли някъ хІяршбариб.

— Дила бекІ изесбиб. Наб кайхъес дигулла, — къяна буриб Омарли.

— ГушиубхІели саби бекІ изуси. ХинкІ беркадли, ахІбирар, дила урши, — гъатІира дебали малхІям-риуб неш.

— Наб укес дигули ахІенра, — ца камси заманалис гъандуцагу или неш тиладирикІахъули, ил кроватьличи герухъун.


Омар жявли шаладикахъес, дуги арбукъяхъес къалабаикІулри. Амма замана дебали багълали аркъулри. ГъанкІ бекІлил агарсин бемцІурлири. Омар пикрумази гІелайкилри. Сецад пикриикІули хъалли, сунес дигуси се сабил илини таманни белгибарес вирули ахІенри. Ил вачавархилри. Селичи? Суненира балули ахІенри. Ил гъимукІилри. Чичи? Балули ахІенри. Амма сегъуналра хІяйзиб ца секІалилала уркІиличибад аркъули ахІенри. Сунечила бекІлил хъумкартурли, нешра дудешра цайчиб ца халаси гъираличил Қаримличила гапбикІесбиб. Сен? Се сабабли? ХІябилра декІси суал леб къалли ил!

Хіера, Омар гъанкіли къакъавариб. Ил неш-дудешла гъайла тІамри хІедикъаниуб. ИлхІели бугаси гъуцла бегІ халаси тупангра гІелакахъили, чирил Омархъала хъули ухІнавхъун ва вархъли паргъатли усуси Омарличи, гъамиуб. «Айзи викулра хІези!» — ахъли тІамадариб илини Омарлизи. АхІелзас или варсяхъили, Омар висивіэс вализурхІели, ил адам гІурра имціали гъимукиб, Омарличи тупанг бяхІчаили, буриб: «Ца аалра вяхъядли, миціирли хІелтари. Айзину, вашен вархъли Қаримхъалачи!» Омар дубхІехъили хъулилад дуравхъун. Қаримхъала унзала гъала виабхІели, Омарли «ну ишдачи амайцІахъабагу» или тупангла вегІлизи тиладибарес къасбариб, гІела ласяхъиб ва уркіухъун: ил сунела гъала тупангличил тІашизурси адам ахІенрину, ит сунени Қаримла тІимкълиубад дурасибси къакъба сабри. Тупангра гІелакахъили сабра къакъба! Бакъибси секІалу, чебаибси секІалу! «Гъуя, неш, ватахъаба!» — или чІяръили, Омар муэрлизивад чевсаргъиб...

Неш-дудеш сунези сецад тиладабикІули хъалли, ил дуги Омарли къакъбала диъ хІеберкун. Ил бархІиличивад вехІихъили, илини гъар бархІилизир вецІнара-сера сунела тІимкъ ахтардидирн, амма сунес вайбаркълисван, ила цалра къакъба гъамбирули ахІенри. Илкъяйда чумал бархІи ардякъун, сарира Омарлис дусмиван гІеркъадитІунти. Ца бархІи бархІехъ, гІур къакъба бурцниличи таманни умут бердили ва гІясиубли, ил сунела тІимкъличи гІяшиуб ва, къяшми дуцили, гІяргІяцад къакъба дурабикахъиб. Илала хІулукибдешла ахир баргес хІейри! Ил арцурсин кункли шилизи чариуб.

Гъаргти улкъайлабад бекІ гъаббакІахъили, чизисаррил гъайрикІуси Омарла неш, къакъбара сайра дуціли лявкъуси сунела урши чеили, дебали разириуб:

— ГІурра къакъба! Дила уршили гІурра къакъба буцили сай! Қъалабаики, дила ахІерси! Қъалабанки, нешлис хІу байварес дигулрану! — неш тІамалириркъахъули, Омар Қаримхъала хъули ухІнайкиб.



ЖУЗЛИЗИРТИ

Чанкур (повесть)

Се бирусн	3
Адам ва маймун	6
Тухтуртани къадагъабирули саби	7
Гъай гІайиб, чуллан чугур	8
ЦІакъ	11
СихІрула дарман	13
ГІядатлаахІенси дарс	18
Марси гъалмагъ	22
АдамликІун жаниварра бушинбиру	29
Сабаб селизибара?	31
Бячунси тІулека	36
Укъуун	38
Шагъарлизи велосипедлици	40
«Наб Аминат хІебикІар»	43
«Или биэс хІебирар»	46
«Абз даимбирехІе»	50
Тимуровцыби	53
ГІядатласи арифметика	61
Тамашала адапти	65
Вавнала хала	67

Хабурти

Лебилра адамтас ванали биахъес	75
Даимлис зайдикІахъес	76
Мурадла халадудеш	77
Валри! Валри!	80
Сен нушачи шадир хІерашуда?	80
Цапра жузлизиб аги	81
Ильичла чирагъ	81
КІибайбарисси бац	82
Къача	82
Лектор	84
Увкасиб	85
Агъагъай, дурхІини!	86
Бизиси къацІ	86
НикІа анхъчи	89
ДигІянабарисси дев	94
АхІси урши	101
ДугІмайабая	103
Къакъба	105

Магомед Расул Расулов

ЧАНКУР

На даргинском языке

Редактор М. Магомедов
Художник В. Кулиш
Художествен. редактор Е. Омельченко
Техн. редактор А. Хаимов
Корректор А. Юсупов

Сдано в набор 15/VIII-1962 г. Подписано в печать 25/IX-1962 г.
Форм. бум. 84×108 ¹/₃₂. Бум. л. 1,75 Печ. л. 3,5 Усл. печ. л. 5,74
Уч.-изд. л. 5,65 С01033. Тираж 3000 экз. Цена 17 к.

Дагестанское книжное издательство Министерства культуры
ДАССР, Махачкала, ул. Маркова, 55 Зак. № 1294

Типография им. С. М. Кирова Министерства культуры ДАССР,
Махачкала ул. Маркова, 51.